





R. P. F.
PETRI AVRATI
S. THEOLOGIAE
DOCTORIS, ORDINIS
F. Prædicatorum,

COLLEGIVM SAPIENTIAE
*fundatum in Vniuersitate
virtutis:*

IN QVO MODI PRAESCRIBUNTUR,
quibus ad exemplum B. Mariæ
Magdalenaë, vitam nostram munda-
nam in spiritualem commuta-
re debeamus.


NUNC RECENS E GALlico IN
latinum conuersum.



*Ex mi. Thoma
Reygers*

COLONIAE,
Sumptibus Burchardi Kuickij.
ANNO MDCX.

Biem. A. III, 4



PRÆFATIO AD
LECTOREM.



D felicitatem cōten-
dis veram, Beneuole
Lector, illā vt conse-
quaris, hoc te Colle-
gium instituit. Quid
ita? sapientiam illud
te docet, non inanem, non falsam, non
mundanam: at verā & in virtute fun-
datam. Hæc qui habet, vel Hermi, Pa-
ctoliq; diuitias superabit. Quis credet?
inquis. Atq; ego vix crediderim, ni
sapiētes assererent, ratio approbaret;
Hæc quidē expresse admonet, quod eā
fructus internæ delectationis acquirā-
tur; quod nobilis consciētia thesaurus
secretis mentis penetrabilibus innasca-
tur, quod sparsa colligatur, erogata
reuertatur, publicata suscipiat incre-
mentum. Isti vno ac pleno ore, felicitā-
tis humane principiū & authricem
predicant Docet virgilius his verbis:

PRAEFATIO.

*Fœlix qui potuit verum cognoscere causas,
(Diuiarum.)*

*Atq; metus omnes & inexorabile fatum
Subiecit pedibus strepitūq; Acherontis auari.*

*Docet Socrates istis. Solius sapien-
tia possessio immortalis. Sed nec hos
tanti facerem, nisi sanctorum adsti-
pularetur authoritas. Vñ ille Hipponē-
sium Antistes Augustinus erit omnium
instar: Sapienti, inquit, nihil alienum
nisi quod virtuti incongruum: quocun-
que accesserit, sua omnia, totus ei mū-
dus possessio est. Id adeò sancta intelle-
xit Magdalena, vt nec minis, nec
terroribus, nec vanis voluptatum ille-
cebris, nec saeuo Demonis impulsu ab
huius Collegij frequētatione deterri
potuerit. Cuius quia tu vestigijs insi-
stere, virtutem imitari, scopum am-
plecti, felicitate perfrui ardēter optas,
id vnice abs te flagito, ne hoc verè sa-
pientum Collegium inuestigare desi-
nas, frequentare negligas, colere con-
temnas. Ita nō modo virtutis pulcher-
rimum apicem continges, sed cum B.
Maria Magdalena, crede mihi, etiam
astris domi naberis. Vale*

INDEX



INDEX CAPITVM
PRIMAE PARTIS HVIVS
Collegij Sapientiae:

D e prima fundatione Collegij Sapientiae.	
Cap. 1.	pag. 1.
De Regente & Moderatore Collegij, deq; eius Hypodidascalis. Cap. 2.	pag. 12.
De Conditione & profectu studiosorum Colle- gij Sapientiae. Cap. 3.	pag. 25.
Quomodo studiosi Magistros suos reuereri, & cum eis sermonem instituere debeant.	
Cap. 4.	pag. 35.
De pulcherrimis libris qui in Collegio Sapien- tiae leguntur. Cap. 5.	pag. 51.
De Lectionibus quae ex libris Sapientiae petun- tur; & quae prima. Cap. 6.	pag. 63.
De virga qua Collegij Praeceptor desides & ig- nauos castigat. Cap. 7.	pag. 78.
De Didactro quod in Collegio Sapientiae solui- tur. Cap. 8.	pag. 90.
De Dieta & sustentatione studiosorum in Collegio Sapientiae. Cap. 9.	pag. 105.
De furibus qui Sapientiae studiosis alimenta conantur suffurari. Cap. 10.	pag. 118.

I N D E X.

*Laus & Encomium Collegij sapientie. Cap. 11
pag. 131.*

*De quatuor facultatibus quæ in vniuersitate
virtutis florent Cap. 12. pag. 148.*

*De Rectore dictæ vniuersitatis; deque illius
sigillo Cap. 13. pag. 154.*

INDEX CAPITVM SECVNDÆ partis Collegij sapientie.

Quomodo Maria Magdalena in Collegio
sapientie sub celeberrimo Doctore
IESV Christo studere inceperit Cap. 14.
pag. 162.

*De primis scholis quæ Mariam Magdalenam
perdiderunt. Cap. 15. pag. 173.*

*De ijs quæ Magdalenam ad Iesu Christi scho-
lam transfugientem impedire retinere quæ
conata fuerunt Cap. 16. pag. 183.*

*Quomodo Magdalena Christi discipula primum
legere didicerit. Cap. 17. pag. 200.*

*Quomodo Magdalena scribere didicerit. Ca. 18.
pag. 213.*

*De insigni & admirabili Mariæ Magdalene
docilitate. Cap. 19. pag. 224.*

*De Arte memoratiua & felicitate ingenij quæ
Magdalena polliuit Cap. 20. pag. 231.*

De

I N D E X

**De amore quo Magister Iesus discipulā suā
Magdalenam complectebatur** Cap 21.

pag. 246.

**De reciproco amore quo Discipula Magdalena
Magistrum suum Iesum complectebatur.**

Cap. 22.

pag 258.

**Quomodo Magdalena librum de arte amandi
composuerit** Cap 23.

pag 268.


**Quomodo Maria Magdalena librum de reme-
dio amoris composuerit** Cap. 24.

pag. 284.

**De Speculo Mariæ Magdalene omnibus Colle-
gij sapientiæ studiosis pernecessario** Cap 25.

pag 292.





APPROBATIO.

E Go Fr. Gisbertus Spechtius
SS. Theologiæ professor, hæ-
reticæ prauitatis Apostolic.
inquisitor, hunc libellū qui Colle-
giū sapiētiae intitulatur, conscriptū
gallico idiomate, à R. P. F. Petro Au-
rato SS. Theologiæ Doctore, Ordini
fratrum Prædicatorum nunc in
Latinum cōuersum, legendū tradi-
di cuidam docto Patri Theolo-
go, in quo nihil reperitur quod
Catholicæ religioni, bonisque mo-
ribus aduersatur. Dignum itaq; cē-
seo vt in lucem edatur.

Fr. Gisb. Spechtius

Apostolicus Inquisitor

& Prior.

COLLE

COLLEGIUM
SAPIENTIAE FVN-
DATVM IN VNIVERSI-
TATE VIRTVTIS.

PRIMA PARS.

DE PRIMA FVNDATIONE
Collegij Sapiientia.

CAPVT PRIMVM.



AEL EST I plane dis-
positione consilioq; fa-
ctum est, vt homo ra-
tionalis, eruditionis &
doctrinae capax produ-
ceretur, quò videlicet

supremum suum bonum (quod Deus Pa-
ter noster est) cognosceret, cognosce-
ndo amaret, amando possideret, possiden-
do cum omnibus voluptatibus illo per-
frueretur, qui omnium deliciarũ & gau-
diorum perfectum quoddam Zeugma
est & complementum. Ob hanc deinde
causam, quemadmodum Regis filium
decebat, cum in pulcherrimum Sapien-
tia Collegium ablegauit, quod in loco

A

scri-

sereno, amæno, & viridanti exædificatū,
commodum planè ac oportuno erat,
vt iteo philosopharetur, & omnium
scientiarum cognitionem. consequere-
tur, nihil vt necesse foret seruilibus &
mechanicis artibus ingenium suum in-
quinare, cōstituto iā videlicet illo in Vni-
uersitate virtutis, ad quam Deus in ipsius
creatione, illū prædestinarat. Situs porro
huius Colleg. j non obscurus aut ymbro-
sus erat, quemadmodū Academia Plato-
nis, qui in siluis & nemoribus discipulos
suos erudiebat, sed in loco claro & lucido
adeoq; pulcro & amæno, vt Paradisus ter-
restris appellaretur: propter insignia bo-
na & cōmoditates, quib⁹ huius discipline
studiosi sapientiam cum Virtute copulā-
tes, se recreare & oblectare possent: audi-
entes albescente iam cælo iucundos auiū
cantus, fritillationes, & tritillationes: vi-
dentes sturnos, Merulas, Philomelas, A-
laudas, & innumerabiles alias auiū spe-
cies, colorū diuersitate distinctas, iucun-
dissimè inter se lusitantes, oberrantes, cā-
tillantes, & sub proceraū arborū ramis,
quæ ad marginē pulcherrimi fontis plan-
tatæ erant, qui dictum locum in quatuor
admodum partibus irrigabat, ingeniosis-
simæ nidulos suos & larçm exiruentes,

Vidisses

COLLEGII SAPIENT. 3

Vidisses illic viridantia dumeta, odorifera Rosaria, florentes Rubos, arbusculas ameno & iucundo foliorum cinctu obumbratas, frutices diuersi generis, & quidquid denique excogitare posses aut animo tibi imaginari: Deus namque illū extruxerat, quemadmodū scriptura sacra attestatur. Deus hortulanus, Deus cōditor erat huius augustissimi viridarij, quō videlicet per id Collegium suū, in quod filium suum amandarāt, pulcherrimē exornaret & condecoraret. Iam meo etiam iudicio propter longē excellentiorem ac plausibiliorem rationem, locus ille Paradisus terrestris appellari mihi debuisse videtur, quia videlicet affinitatē quampiam ac similitudinem cum cœlesti illo Paradiso habebat, cuius tota felicitas in Dei visione, cognitione amoreque consistit: & quia homo cum in locū ablegatus erat non ob aliā reuera causam, quā vt illic in cognitione Dei à quo originem suam ducebat, felicissimē proficeret, & occuparetur: istiusmodi namque planē vitam hominem in terris exigere oportebat, qualē in cœlo cōstitutus perfectissimē suauissimēq; traduxisset. Ceterū Collegio huic nobilissimē queq; virtutes præerāt, quę in homine domicilū suū

extruentes ad honestatem & optimos ac incorruptos mores cum informabant: Veritas eum loqui, Iustitia rectè incedere docebat: Pax placidè & tranquille eum instituebat & educabat, Fides & Prudentia principem in scholasticis Regulis locum obtinebant, ingeniumq; dexterimè erudiebant: Charitas & Spes ceu secundam regulam fortitæ, Voluntatem imbuebant: Fortitudo partem inferiorem, quæ Irascibilis vulgò audit, moderabatur: Temperantia in postrema regula partem concupiscibilem gubernabat; adeo ut beneficio huius virtutum Vniuersitatis longè doctior sapientiorque Salomone ipso euassisset; siquidem omnium earum rerum naturalium & diuinarum cognitionem habebat, quæ quidem ab homine sciri oportebat, & iustitiæ originalis ac innocentiae primogeniæ status exigebat. Iam & liberi quos eo in loco procreaturus erat, (etsi nequaquam in Scientiarum perfectione nascerentur) tamen absque vlla difficultate, virtutis ductu atque auspicijs, ad absolutam rerum scientiam & cognitionem peruenissent. At, prohi dolor! inimicus naturæ hunc felicem homini progressum & hæc incrementa inuidens, ac ne non parum se sapientior

cua-

COLLEGII SAPIENT. 5

euaderet pertimescens, æstro inuidiæ excitatus, instar versipellis serpentis, plenus malitiæ veneno, Adam & Euam adori-
tur: & subdola verborum illecebraijs ostendens, non dimidiam adhuc sapien-
tiæ partem ipsos hausisse, simulque ap-
promittens se confectum id acturum, vt
Deo pares esse viderentur, ait, quemad-
modum Gen. 3. cap. legimus *In quocunque
die comederitis ex eo, aperientur oculi vestri,
& eritis sicut dii scientes bonum & malum.*
O maledictum præceptorem, quam tu
homini vt doctrinam consequatur, le-
ctionem præscribis? an ergo tu b. bendo
& comedendo ad rerum cognitionem
perueniri existimas? an non hæc impedi-
menta potius sunt, quam promotiones
studiorum? Nunquid Daniel ieiunans
excellentes reuelationes habuit, quā
ij qui delicatis Regis Babyloniorum
ferculis pascebantur? an non sapiens con-
testatur, se abstinentiam elegisse vt Sapiē-
tiam indipereretur? Verum o mendax,
imò pater & architecte mendaciorum,
quomodo tu homini dignitatem appro-
mittere istam potes, cum filius Dei clauē
scientiarum acceperit? Est ille reuera c'a-
uis David quæ claudit, & nemo aperit,
& in illo omnes thesauri sapientiæ &

scientiarum occultati sunt. Hos tu ergo clanculum & secreto furaturus es, ut homini impettias & elargiaris? O te egregie callidum & superstitiosum, qui herbarum aut fructuum subsidio, sapientiam per oris portam in hominem te intromissuram mentiris? Non conueniebat ergo hominem Pseudo huic Prophetæ aures præbere & patefacere, sed ordinarijs suis medijs acquiescere: unde consecutum est, potius ut in schola Diaboli mendacia, superbiâ, inobedientiam, luxuriam, vitium, peccatum, & nullam non peruersitatē addidicerit, & ex sapienti rudis effectus, bestię secundum scripturam fuerit æquiparatus: *Homo cum in honore esset non intellexit, comparatus est iumentis insipientibus, & similis factus est illis.* Factus est inquam effrenis, dissolutus, & indomitus: piger ut Asinus, crudelis ut Leo, vorax ut Vrsus, avarus ut Tygris, luxuriosus & immundus ut Porcus. O statum miserabilem! ô mutationem reuera admirabilem, videre hominem sensibus deprauatum, ingenio corruptum, & bestijs assimilatum! O metamorphosin obstupescendam, ex sapiente stultum, ex homine pecudem fieri! Demonstravit hanc experientia in Nabuchodonosor qui è conuersatione hominum & socie-

tate eiectus, inter animalia insensata
vixit, & similem planè cum ijs æqualem-
que vitam traduxit. Verum quorsum
ab eo? & cur tam longè? quasi id non sa-
tis in Protoplasto appareat, qui è Col-
legio suo expulsus, & bestiarum pellibus,
ad quarum similitudinem accesserat,
fuit indutus? & vt breue faciam, ex Vni-
uersitate Virtutis ac Dei, qui primus il-
lam fundauerat, turpissimè transfugiens,
nouos Magistros Diabolum, Mundum,
ac Carnem accepit, quorum opera id cō-
secutus fuit, vt malitia & impietate ple-
nus minus etiam bestiis se scire intelli-
gereque demonstrarit, quarum postea
exemplo & magisterio vsus fuit. O no-
uum & admirandum! videre bestias ho-
minem docentes & erudientes! Et tamen
id in veritate factum est, quemadmo-
dum Iob vndecimo legitur: *Interroga*
iumenta & docebunt te, & volatilia celi
& indicabunt tibi: sequuntur namque ille
naturalem suum ductum, & euidenter
ostendunt, sagacitate se aliqua & indu-
stria à Deo præditas esse, qua vtantur &
sua omnia moderentur, sicut Prouer-
biorum sexto, pigri ad Fornicas able-
gati demonstrant: Vade ad forni-
cam O piger, & considera vias eius,

PRIMA PARS

Et disce sapientiam, quæ cum non habeat ducem nec præceptorem, nec principem, parat in æst. tæcibum sibi. Et congregat in messe quid comedat. Quidam. bo fistiuus, quid lepidius. ôspexisti, quam Formicã in schola suggestum cõfendere, ex eo docere, Hominem autem auditorem discere & aucultare? Videtur hoc quidem contra rerum communem ordinem accidisse, verum nihilominus certum & indubitatum est, hominem in suo genere minus sciẽtiæ à Deo acceptæ retinuisse, quam reliqua animalia, quæ istiusmodi inclinationes & operationes habent, quæ naturæ sagacitati respondere videantur. Videns proinde isthæc clementissimus Pater noster & Deus, simulque hominis misertus, pædagogum illi destinavit, Moysen vide icet, omni Aegyptiorum sapientia insigniter & vndequaq; plenum, quemadmodum septimo in Actis apparet. Porro pædagogus iste Moyses continuo virgã manibus circumferbat, vt desides & ignauos, quiq; minus promptè lectionem suam, id est Legem à se datũ, didicissent, acerrime ea caderet & castigaret. Verũ pædagogus iste Vniuersalis non erat, sed vnicum tantum populum Iudaicum videlicet erudiendum in. buendumque su sce-

COLLEGII SAPIENT. 9

susceperat, cui frequenter lectionibus voluntatem Dei exponebar, & præcepta in monte Sinai accepta studiosissimè explicabat. Et ne fortassis obliuioni illa traderentur, ita eos affatus fuit, quem admodum cap. 6. Deut. reperitur. *Erunt verba mea hæc, quæ ego præcipio tibi hodie in corde tuo, & narrabis ea filiis tuis, & meditaberis sedens in domo tua, & ambulans in itinere, dormiens atque consurgens, & ligabis ea quasi signum in manu tua, eruntque & mouebuntur ante oculos tuos, scribesque ea in limine & ostijs domus tuæ* Ita videlicet Moyses iste ipsos quadraginta annos in loco deserto & solitario populum suum erudit; ne videlicet strepitu ac tumultu alterius gētis in lectione sua impediretur, & optatū fructum profectumque non consequeretur. Ita ipse cap. 6. Deut. ait: *En quadragessimus annus est, ut recogites in corde tuo: quia sicut erudit filium suum homo sic Dominus Deus tuus erudiuit te, ut custodias mandata Domini Dei tui, & ambules in vijs eius & timeas eum* Et rursus cap. 4. libri citati: *Scitis quod docuerim vos præcepta atque instituta, sicut mandauit mihi Dominus Deus meus, sic facietis ea in terra quam possessuri estis, & observabitis & implebitis opere: Hæc est enim vestra sapientia, & intellectus coram populis*

*vt audientes vniuersi praecepta haec, dicant,
 En populus sapiens & intelligens, gens magna.
 Viuente proinde Doctore & Magistro
 isto Iudæorum Moyse, scholæ Sapientiæ
 in natione Iudaica erectæ, & excellen-
 tes plane lectiones habitæ fuerunt, qui-
 bus filius iste Dei excoleretur, & bonis
 moribus imbueretur: verum mortuo rur-
 sus isthoc præceptore, Discipuli nihil sibi
 antiquius habuerunt, quam voluptates
 suas persequi, passum ire, & furere, sicut
 Psalmista ait: Omnes declinauerunt, simul
 inutiles facti sunt, non est qui faciat bonum,
 Omnes, inquam, ex Vniuersitate virtu-
 tis profugerunt, & se ad scholam vitio-
 rum contulerunt, nihili facti, discipuli
 aliquando, quemadmodum bene & sa-
 pienter Magister illorum ipsis prædixe-
 rat, antequam moreretur Deur. 31. cap.
 Tollite librum istum & ponite eum in latere
 arcae fœderis Domini Dei vestri, vt sit tibi
 contrate testimonium. Ego enim scio, con-
 tentionem tuam, & ceruicem durissimam.
 Adhuc viuente me & ingrediente vobiscum
 semper contentiose egistis contra Dominum,
 quanto magis cum mortuus fuero? Noui quod
 post mortem meam iniquè ageris & declina-
 bitis cito de via quam præcepi vobis. Nec ali-
 ter reuera factum fuit; dereliquerunt viā
 Virtu-*

COLLEGII SAPIENT. 19

Virtutis, profugerunt ex collegio Sapientiae, & Idololatriæ scholas ædificauerunt. O generatio mala & peruersa! Istud est gloriam Deo debitā impendere, istud honorem adhibere, popule stulte & insipiens, fili nimis saginate, & bonos dies habens? Recalcitrauisti patri tuo oblitus, es illius qui te fecerat. O popule absq; cōsilio & prudentia! Vtinam, dicebat Moyses, bonum intelligerent, & quod bonum est degustarent, & in prudētia o mniū finē prouiderent. Quod si quæratur vnde ista ruina & populi defectio profluxerit, qui ad eò bene instructus ad eò nequiter se tractauit, alia plane causa assignari nulla potest, quā hostis humani generis, qui omnia illi Sapientiæ Collegia, tam ea quæ in Paradiso habuit, quam ea quæ in deserto extruxit, in quibus filij Israel studebant, demolitus fuit ac deuastauit: & quod plus est, libros incendio absumpsit, quemadmodum lib. i primo cap Michæbeor. legimus: *Legis Dei libros combusserunt igni scindentes eos. & apud quemcunque inueniebantur libri Testamenti Domini secundum edictum Regis trucidabant eum.* Atque vt nihil ad hanc immanitatem decisset, seruum suum Antiochum excitauit, qui in ipsa ciuitate Ierusalem

Collegium malitiæ condidit, vt in eo leges iniquas doceret, prout li. 2. Machab. cap. 4. scriptum est: *Ausus est sub ipsa arce gymnasium constituere, & optimos quosque ephæborum in lupanaribus ponere.* Ita videlicet Sapientiæ Virtutisque Collegia euerfa fuerunt, erecta contra malitiæ & peruersitatis. Cui malo Deus medicinam adhibere volens, Filium suum oblegauit, vt Collegium suum repararet & reædificaret, omniaque exercitia & studia peruersitatis aboleret, sicut sequenti capite ostendetur.

DE REGENTE ET MODERATORE Collegij, deq^{ue} eius hypodidascalis & Collegis.

CAPVT II.

QUò ergò Virtutis illa Vniuersitas, & magnificum Sapientiæ Collegium restauraretur, & pristino suo vigori restitueretur, descendit cælitus ipsa infinita & diuina sapientia, id est, secunda in Trinitate persona Iesus Seruator noster vnicus filius Dei Patris: neque enim alius melius aut decentius hanc prouinciam administrare posse videbatur, præterquam

terquam quod à præcipuis totius orbis studiosis, eã ad rem continuo postulatus facerat, qui quemadmodum Ecclesia in Aduentus quapiam Antiphona canit, indefinenter vociferabuntur: *O Sapientia, quæ ex ore altissimi prodijsti, attingens à fine vsque ad finem fortiter, suauiterq; disponens omnia, veni ad docendum nos viam prudentiæ.* Istiusmodi ferè verbis longo temporis interuallo natura humana desiderium suum patefaciebat, cui secundum Zachariæ Prophetæ dictum libro Regum cap. quinto decimo accidit. In Israel verus Deus adoratus non fuit, multiq; dies effluerunt, in quibus, nec sacerdos, nec Clerus, nec Doctor, nec lex, nec Prophetæ reperiabatur: post reditum enim ex captiuitate Babylonica, vsque ad Messiaæ aduentum Prophetæ planè nulli extiterunt, sicque studiosi absque regula vivebant & præceptore: quilibet enim pro suo libitu omnia agebat, adeo vt nec libros ipsos diuinæ legis retinuissent, nisi Esdras magnus ille Rabbi legem postliminio reuocasset, earumque copias quæ per Nabuzardan Capitaneum & Satrapam Nabuchodonosoris inimici Dei igne fuerant concrematae rescripsisset: quæ charta scripta manu supradicti Es-

14 PRIMA PARS

dræ ad hodiernum vsq; diem Bononiæ. Deo laus, apud Fratres prædicatores asseruatur, sicut Armacanus in quæstionibus Armeniorum attestatur. Denique Deus Pater qui veteres per Prophetas erudierat, in filio suo nos affatus fuit, quæ admodum Diuus Paulus capite primo ad Hebræos adstipulatur. Venit ergo magnus ille Magister, & hanc sibi operam sumsit vt nos regeret & lectionem nostram nobis demonstraret: atque quò id commodius faceret, in Hierusalē descendit, ciuitatem planè populosam & in omni memoria celebrem, ciuitatem dico vbi scientiæ Dei & lex illius docebatur: ad quam non aliter quam Athenas aliquas vndeque Iudæi confluebant, pagani cōcurrerant, & gentiles legis diuinæ ac sanctarum scripturarū curiosi & studiosi se conferebāt. In hac ergo Saluator Iesus scholas publicas primū aperuit, quemlibet gratis erudiens in loco communi, & omnibus patente, quò doctrinam suam veridicam & non suspectam demonstraret, quæ aliud non quærebat, quam diem, aliud non desiderabat quam conspici, quam audiri: atque hinc non conuenticula, non clandestinos circulos, non loca secreta ad concionandum.

dele

delegit, quemadmodū Annæ de doctrina sua interroganti respondit: *Ego semper do cui in Synagoga, & in templ'o, quo omnes Iudæi cōueniunt, & in occulto locutus sum nihil.* Porro quemadmodū celebriores Chirurghi, Medici, ac Ophtalmistæ facere solent, vt mādāta, vt schedas, vt tabellas, in portis, cōpitis, & locis publicis ciuitatū quod aduentum suū palā faciant, affigant atq; appēdant, ita nunquā satis laudatus ille Regens & Doctor Iesus Christus faciebat, quemadmodū Prou. cap. 1. legitur: *Sapientia foris prædicat, in plateis dat vocē suam, in capite turbarum clamat, in foribus portarum vrbis profert verba sua dicens, vsquequo paruuli diligitis infantiam, & stulti quæ sibi sunt noxia cupiēt, & imprudentes odibunt sapientiā: conuertimini ad correctionē meam et proferā vobis spiritū meū, & ostendam vobis verba mea.* Ecce tibi hoc loco publicationē aduentus Iesus præceptoris nostri, ecce sonū tubæ & clamoris publici per cōpita & vniuersas mūdi plateas effusi: omnes. n. vocati sunt tā parui quā magni, viri & fæminæ, Domini & cliētes, Magistri & serui, Herē & ancillæ, diuites & pauperas, ad studendū in scholis Sapientiæ fūdatis in Vniuersitate virtutis: de cuius fundatione & erectione facta per Dominum seruatorē nostrū, scriptū est Prou. cap. 2.

Sapientia ædificauit sibi domū, excidit columnas septem, misit ancillas suas, ut vocaret ad arcem & ad mœnia ciuitatis si quis est paruulus veniat ad me, & insipientibus locutus est relinquitte infanti unum, & viuite & venite & ambulate per vias prudentie. Domus hæc Schola Sapientiæ est fundata super septem columnas septem virtutum: quarum tres sunt Theologicæ, idest, Fides, Spes, Charitas: & reliquæ quatuor Cardinales nominantur, Prudentia, Iustitia, Fortitudo, Temperantia, in quibus septem tota Vniuersitas aliarum virtutum comprehensa est, quæ ad has velut radicem suam reuocantur; quas qui consecrantur, ij vero facile ad scientiarum culmen eadunt, & non aliter. O illustres scholasti ô inclitum & splendidum Collegium, fundatum non super fulcra & ligna putrida, sed super columnas saxeas, firmas, atque immobiles: ne videlicet destrui amplius possit, & solo denuo adæquari! Huic ergo Sapientia præsidet, ceu Dea & Regina omnium scientiarum, quæ cognitio dicitur rerum sublimium ac diuinarum, aliasque Theologia fuit nuncupata: quæ seruas & ancillas suas, id est, omnes reliquas scientias particulares & liberales ad seruitia præstanda paratas præsentescque habet,

COLLEGII SAPIENT. 17

habet, & verò etiam vt earum opera vndeque Discipuli contrahantur, & ad Heram suam ceu Deam Sapientiæ reuerendum, & illam addiscendum, in Collegium istud colligantur. In hac schola alium Regentem & Magistrum principalem imaginari sibi non oportet, quam Iesum Christum Redemptorem nostrum, veram Patris Sapienciam, Doctorem Veritatis appellatam, quia videlicet ille ipse ipsa est Veritas. Et contra autem falsus ille Doctor, huius aduersarius, fallacijs mendacijsque apprime instructus, male protoplastos nostros Adamum & Euam totamque illius profapiam docuit: Domino namque nostro idem plane inimici eius dicebāt: *Magister scimus quia verax es, & viam Dei in veritate doces*, Matth. cap. 10. quin & in Euangelio nobis præcipit & ait, *Nolite autem vos appellare rabbi aut magistros: nec enim alium quam vnum Magistrum, Iesum Christum habetis: vbi nequaquam cauet, ne doctores simus, aut docti Magistri appellemur, sed ambitionem nominis culpat atque accusat. Conuenit autem soli illi præcipuè titulus ac nomen Magistri, quia videlicet Magister & Præceptor est, quod nulli alteri competere conuenireque potest. Hoc documentum*
Dis-

18 PRIMA PARS

cipuli sui & Apostoli sequentes, alio eū
 nomine nō appellabant, quam Magister,
 Domine, aut Præceptor, quemadmodū
 Euangelistæ sæpenumero meminerunt:
 vnde etiam ipsis super cæna sancta ait: Vos
 vocatis me Magister & Domine & bene di-
 citis, sum etenim: exemplum enim dedi vobis:
 ita Diuus Lucas in Actis Apostolo-
 rum capite primo ait: *Cæpit IESVS
 facere & docere.* O nouum doctorem,
 qui ante id f. cit, quod dicit ac præcipit!
 Hæc diuisio illa est quā ego ab eo hausi
 omnibus peccatoribus multò quam ac-
 commodatissimam, Id est scire facere &
 docere. De hoc Doctore Proph. Ioel ca. 2.
 aiebat dicens: *Filiæ Sion exultate, & lata-
 mini in Domino Deo nostro, quia dedit vobis
 Doctorem iustitiæ.* Item Proph. Esaias ca. 2.
*Populus Sion habitabit in Ierusalem. Plorans
 nequaquam plerabit, non faciet Dominus auo-
 lare à te ultra Doctorem tuum & erunt ocu-
 li tui videntes præceptorem tuum, & aures
 tue audient verbum post, terqum monentis.*
*Hæc est via ambulate in ea & non decline-
 tis, neque ad dexteram, neque ad sinistram.*
 Factum hoc autem completumque fuit
 in natiuitate & aduentu Domini nostri,
 qui primam suam cathedram nos erudi-
 tu.

turus, in præsepio erexit, inter duas bestias, in stabulo, & tempore grandinoso, quò aditus ab omnibus omnino partibus patebat, ad audiendum sapientiam, quæ necdum loquens mundum nihilominus iam tum diuitias contemnere, ac mundi vanitates spernere commonefaciebat: Hinc confestim pastores & opiliones ad proficiendum illuc confluxerunt, videntes diuinum hoc verbum, postquam videlicet ab Angelis natum illud audiuerant & intellexerant. Post hoc alij studiosi atque Discipuli ex remotioribus longe partibus consecuti sunt, tres Magi videlicet, Reges Orientales, qui proprias sedes & imperia deferentes, puerum recentem natum visuri aduentaerunt, eique munifice lectionem suam remunerauerunt. Huius vilis & abiectæ fasciæ Paupertatem docent, situs inter Bestias Humilitatem, ac præsepio in quo cubuit & pannis inuolutus iacuit; Charitatem autem & Obedientiam, antequam sciret loqui puer, clamauit & commendauit: Plane itaque admirationem non habet, quod ad talem Magistrum, thesaurum sapientiæ cōtuendum, ex peregrinis rationibus,

ad-

aduentarunt, si ad audiendum videndūq;
Regem Salomonem, Regina Saba vsque
Hierosolymas profecta fuisse perhibetur:
hic enim plus quam Salomon est,
quemadmodum in Euangelio ait: *Ecce
plusquam Salomon hic*. Ferunt idem planè
E. huius Tito Liuius eloquentiæ fluuius
olim accidisse, dum videlicet complures
illustres ac nobiles Galli & Hispani ad eū
audiendum confluxerunt: sicque quos
superba Romanorum palatia, quos sum-
ptuosa ædificia, quos ingens & immanis
pompa attrahere non poterat, hos vnus
hominis quaquauersum diffusa laus &
facundia accersuit, & ad improbum
hoc & laboriosum iter deuorandū eme-
tiendumque incitauit: cum tamen ille
neriuulus quidem esse posset, respectu
totius sapientiæ fontis ac scaturiginis,
quæ est Iesus Magister optimus & præ-
ceptor eloquēssimus. Quanto nos pro-
inde amore ferri ac rapi par est, ad hanc
scholam frequentandam, & sanctam il-
lius doctrinam excipiendam? An vero
tu, o deuota anima & discipula Iesu Chri-
sti, ea in hoc stabulo de quo loquimur,
non reperiri posse arbitraris, quæ ad isti-
tutum odi Magistrum requiruntur? ecce tibi
crucem in qua, ex qua, & super qua vlti-

COLLEGII SAPIENT. 21

mam lectionem habuit, portans in capite suo coronam spineam, pro rotundo pileo, quem illi Cancellarius Academicus Pilatus imposuit, ut Doctorale signum esset: promotio verò facta tunc fuit quando à Iudeis illusus, & à ministris Pilati poplites flectentibus, illique dicentibus, *Aue Rex Iudaeorum*, vexatus fuit ac derisus: & quemadmodum in promotione Doctoris alicuius, insignes illius tituli honorificè percensentur & enumerantur, ita doctissimi huius alustissimiq; Doctoris regalia nomina & insignia alto loco affixa fuerunt, & publice ab omnibus legi cognosciq; potuerunt, quemadmodum S. Ioan. ca. 19. ait: *Scriptum autem & titulum Pilatus, & posuit super Crucem, erat autem scriptum IESVS NAZARENVS REX IYDAEORVM.* O titulum inclitum, ô nomina excellentia, ô honores illustres? Doctor noster Iesus est, id est, Saluator Nazarenus, hic enim est flos Iesse continuo germinans, & in virtute ac innocentia efflorescens. Ecce quam illustris & generosus est, dum Imperium habere dicitur in ipsos suos hostes ac inimicos. O quam invidi & arrogantes illi erant, qui pulcherrimos istos Doctoris nostri titulos aspicientes, vim illis inferre, eos frangere

gere deijcereque voluerunt, quemadmodum D. Ioan. scribit: Dicebant Pilato Pontifices Iudeorum, noli scribere Rex Iudeorum, sed quia ipse dixit Rex sum Iudeorum, respondit Pilatus: Quod scripsi scripsi. Verum frustra fuerunt, & nequidquam id susceperunt: quod enim scriptum & erectum erat pro titulo triumphali, scriptum mansit, & aboleri delerique non potuit. Ecce tibi ergo iam nunc verum Doctorem Iesum, Instauratorem vel potius Constructorem Collegij Sapientiae, & illius Primarium. Iam illius hypodidascali & Collegae minores, ab ipso confirmati institutique fuerunt, sancti ipsius Discipuli atque Apostoli, deputati ab illo ut regerent, & scholas per vniuersum terrarum orbem gubernarent: qui postea ab illo emeriti iudicati exauthoratique fuerunt, postquam studiorum suorum in hac Scholacursum absoluissent, & bacca laureati veniam omnibus gentibus concionandi acceperunt, quando eis dictum fuit: Euntes in mundum vniuersum, predicate Evangelium omni creaturae. Hos ergo Spiritus sanctus in festo Pentecostes Doctores, Magistros, & Regentes creauit, omnem eos veritatem docens, quemadmodum promissionem à Magistro suo acceperunt:

perunt: Cum venerit Spiritus Sanctus, ille
 voc docebit omnia, & suggeret vobis omnia.
 O columnina & illustres Doctores Eccle-
 siæ! ante piscatores, exiguæ literaturæ,
 vti S. Petrus, Doctor Circumcisionis, & S.
 Paulus Doctor Gentilium! & attestatur
 hoc ipse D. Paulus ad Discipulum suum
 Timotheum scribens: *Positus sum ego*
predicator, & Apostolus, & Magister gen-
tium. Post supradictos istos Regentes &
 modera:ores sequuntur illi, qui Eccle-
 siam hætenus rexerunt, aut regendam
 vnquam, quoad stabit, suscipient, Do-
 ctores videlicet Fidei, qui gladio verbo-
 rum Dei illam defendunt & defensuri
 sunt, instar magnanimorum & fortium
 Regis Regum athletarum. Alludit huc
 Sanctus Paulus epistola prima ad Co-
 rinth. cap. duodecimo scribens: *Quosdam*
quidem posuit Deus in Ecclesia primo Apo-
stolos, secundo Prophetas, tertio Doctores.
 Hi ergo nunc sunt exercitati illi bellato-
 res, qui lectulum Regis Salomonis co-
 ronant ac ambiunt, eumque à timori-
 bus nocturnis præseruant, qui Hæreses
 sunt, quas illi magna vi & contentione
 abijciunt, & veluti lolium adulterum-
 que semen extirpant: tum sicubi fortassis
 libros perniciosos, scâdalosos, hereticos,
 aut

aut alias impios offendunt, hos illi confectum ceu piacula igni cremant, ne videlicet eorum lectione simplices contumantur & inficiantur: quemadmodum in similibus negotijs tempore Apostolorum factum fuisse constat, sicuti in eorum Actis capite decimonono legitur: Multi illorum (ait textus) qui in rebus curiosis se exercuerant, apportarunt libros suos, & illos coram omnibus combusserunt: ac postea computato eorum pretio, quinques res millenas argenti partes constituere eos inuenerunt. Adeo videlicet feliciter verbum Dei proficiebat, & indies magis magisque confirmabatur. Merito enim, quidquid istiusmodi pestilentium & corruptione plenorum librorum reperitur, una cum suis auctoribus, comburi debet & concremari: nam si eos qui monetæ adulteratæ rei peraguntur, nemo est, qui non iuste supplicio affici arbitretur; cur non idem in illos etiam statuatur, qui falsis dogmatibus Fidem corrumpunt, quæ ideo ordinata & instituta est, ut spirituales vitam sustentet, haud illam aliquanto corporea præstantiorem. Est enim plane Hæresis eius naturæ, cuius Lernæam Hydram fuisse à Poetis proditum est, cui si caput unum amputauisses, repente alia de-

cem subnascebantur, donec tandem in ignem deuoluta combusta fuit ac cōflagrauit Memini ego fuisse, quando de Sacra scriptura, tametsi indignus, cum Illustri Regina Nauarrę conferebam, mirabili reuera illa sapientiæ dono delata, & iuxta humilitatis (quæ mirum est quantum reliquis eius virtutibus lucis splendorisq̃ue attulerit) & cum inter reliquum sermonem de Altaris etiam Sacramento colloquium instituissēmus, referebat illa mihi, librum se quendam Zuinglij hæretici in ignem coniecisse, quòd videlicet infelix ille præsentiam Seruatoris nostri Iesu in Sacramento illo abiuraret. Hoc ego factum prout paret, nō parum admirans, & quod bellè exemplare esse arbitrabar, nequaquam mihi hoc in loco duxi esse omittendum. Et reuera istiusmodi libros comburendo, tantum abest vt iactura aliqua consequatur, lucrum potius sequitur, & minimum cineres combusti relinquuntur,

DE CONDITIONE ET PRO-
fectu studiosorum Collegij
Sapientia.

CAPVT III.

Cum certum & indubitatum sit, non
B **om-**

omnes legis Doctores; aut in scripturis sacris exercitatos, appellari posse ac saluari propter diuersitatem scilicet vocationū humanarum, & differentia, dona Spiritus S. qui gratias suas secundum suū beneplacitum partitur atque distribuit: cumque hactenus perpendimus quemadmodū in Sapientiæ suæ Collegio certos Regentes Magistrōsq; constituerit & ordinarit, videndū iā nunc est, quemadmodū istorū Auditores, si fructū ac profectū aliquē facere cogitēt, dociles, attēti, beneuolōsq; esse oporteat. Est enim admodū hoc boni Discipuli officiū tribus istis pūctis breuiter cōprehensum, videlicet attentione, beneuolentia, & docilitates: ita vt se attētū in audiendo præteat, docilem in intelligendo, & beneuolū in retinendo. Ceterū qui istius scholæ Auditorē sese proficitur, cauebit ne frequēter per plateas & ciuitatis āgulos oberret, tabernas popinasq; frequētet, choreas adeat, pompas cōsectetur, cōmessationibus & luxuriæ indulgeat, conuiuia agitet, vbi plærumq; lingua effrenior, corpus segnius, & mens dissolutior efficitur: hæc enim præsentissima ingeniorū pestis est, & spiritalis profectus, si quod aliud, grauissimū impedimētū. Scientia seminis instar est, quod emergere exerceq; se non potest, nisi solo be-

ne subacto ac profcisso obtegetur: ita anima? studiosi illud agere cū primis debet vt doctrinā monitaq; Magistri sui quodāmodo incorporet, quē non minus quam studiū ipsū diligit: patrē videlicet illū esse cogitans, cuius cura operaq; excultū ingenium sciētiarū perfectionē assequatur, ad differentiā patris carnalis, qui corpus efformauit atq; produxit. Iam praeceptor etiam sigilliferi instar est, qui sigillū ingenio imprimere cogitat, quod ceræ non absimile est, quā calidam esse oportet, vt signi impressionem recipiat, aut frustra id conaberis. D. Thom. in summa de veritate, quæst. 11. de magistro ait, *Magistrum causam esse scientiæ in discipulo, quemadmodū medicus causa est sanitatis in ægroto*, id est quando natura & opus concurrunt & se inuicem iuuant: & sic oportet studiosum ac discipulum magistro suo cooperari Et quamuis ea quæ hactenus prolata sunt, omnibus omnino cuiuscunque demum artis studijs necessaria sint, sunt tamen adhuc lōge alię conditiones, ijs necessario obseruandæ, qui in Vniuersitate virtutū sub magno illo magistro Iesu sapientiam haurire cupiunt. Prima conditio est, vt quotquot in hac schola prudentes euadere desiderant, ante stulti fiant, & sapientiam in stultitia inue-

stigent: de hac admiranda conditione D:
 Paul. loquitur, in 1. epist. ad Corinth. ca. 3.
*Si quis videtur inter vos sapiens esse in hoc se-
 culo, stultus fiat, & sit sapiens: sapientia enim
 huius mundi stultitia est apud Deum. Eodem
 videl: cet pacto, quo paupertas diuitiæ
 apud illum sunt, & cōuitijs onerari apud
 illum gloria existimatur; ita quæ apud
 mundū stulticia reputatur, coram Deo sa-
 pientia est, quemadmodum Apost. cap. 1.
 dicte Epistolæ testatur, cum ait: quod stul-
 tum est Dei, sapientius est hominibus, & quæ
 stulta sunt mundi elegit Deus. Ita quisquis
 Iesum saluatorem nostrum, in domo He-
 rodis, per ludibrium veste alba indutum
 conspexisset, iudicasset reuera stultum il-
 lum esse, cum interea sub hac stultitia ve-
 ra sapientia lateret absconditaque foret.
 Ita martyres patientes, iniuriam pro iniu-
 ria non inferentes, fustes ac plumbata
 quibus cæderentur offerentes, si intuiti
 forsitan fuisset, cum mūdo exclama-
 re potuisset, ecce stultos, ecce insensa-
 tor, ecce bestias, quæ se vindicare, quæ se
 defendere non possunt? legimus in libro
 sapientiæ Cap. 5. quod dānati eos intuen-
 tes, quos in mundo contempserant, ad eū
 à Deo honorari & exaltari, inter se dixe-
 rint: *Hi sunt quos aliquādo habuimus in deri-**

sum & in similitudinem improprij: nos insensati vitam illorum aestimabamus in laudem & finem illorum sine honore: ecce quomodo computati sunt inter filios Dei, & inter sanctos fors eorum est. Latebat ergo sub stultitiæ pallio insignis sapientia; Quemadmodum etiam David coram Rege Achis stultus reputabatur, cum videlicet; spumaret, & saliva illi in barbam delaberetur, cum se portis illideret; & faciebat ille nihilominus opus plenum sapientia, & magnanimitate: Hoc enim modo mortem effugit, quemadmodum libr. 1. Reg. cap. 20. scriptum est. Ad hunc etiam modum Brutus Romanorum Consul stultitiam aliquandiu e mentitus, sapientis nomen meruit atque accepit. Nam & secundum sententiam parvi Canonis *Stultitiam simulasse loco, summa prudentia est.* Maneat ergo hanc Sapientiae studiosorum conditionem esse, ut mundo desipiant, & in stultitia sapientiam quærant, volentes coram Deo sapientes effici prudentesque existimari; quemadmodum D. Paul. epist. 1. ad Corinth. cap. 1. ait: *Non in sapientia verbi, ut non euacuetur crux Christi: verbum enim crucis pereuntibus stultitia est, his autem qui salvi fiunt, id est, nobis, Dei virtus est; & sequitur, scriptum est; Ego destruam sa-*

pientiam sapientum, & reprobabo prudentiā prudentū. Vbi iā nunc sapiens est? vbi scriba? vbi disputator, vbi inquisitor huius sæculi? An non Deus mundi huius sapientiam stultitiam effecit? Nam postquam in diuina Dei sapientia mundus Deum non cognouit, placuit Deo per stultitiam prædicationis credentes saluare: præsertim cum & Iudæi signū peterent, & Græci sapientiam inuestigarent. Nos autē Iesum Christum crucifixū prædicamus, qui reuera scandalum Iudæis est, & stultitia Græcis; verum ijsdem, qui tam Iudæi quā Græci appellantur, Iesum Christum potentiam & sapientiam Dei prædicamus: Insuper enim ac stulta Dei (quæ ad nodum mundus vult) hominibus sapientiora sunt, & infirma Dei hominibus firmitiora. Considerate namq; mihi vocationem vestram Fratres mei, quia non plerique vestrum secundum carnem sapientes sunt, non plerique nobiles, non plerique potentes: verum elegit Deus infirma huius mundi, vt sapientes confunderet, elegit debilia, vt fortes confunderet; elegit denique vilia & abiecta coram mundo, & ea quæ nō sunt, vt illa confunderet, quæ sunt: ne videlicet caro aliqua corā illo gloriari posset. Ecce tibi hoc loco lu-

Co locupletem admodum & luculentum
 testem Apostolum, quomodo sapientia
 sub mundanae stultitiae inuolucris testa
 absconditaq; iacet. Accepimus memoriā
 de septē Graciae sapientibus, qui quorū
 vel primi omnium scientias rerū naturalium
 persecuti sunt, vel quia melius & felicius
 in earū tractatione versari videbantur, id
 demū consecuti sunt, ut soli ipsi sapientium
 nomine afficiendi censerentur. O miserū
 & calamitosum seculum, ait Lactantius,
 in quo, tametsi vniuersum mundum trans-
 scurrisses, septem tantū inuenire homines
 erat, quos vera hominis appellatione di-
 gnos posses existimare! Neq; enim quen-
 quam tu hominem rectē nuncuparis, qui
 etiā sapiens simul non sit: verum si ceteri
 omnes, septē istis exceptis, stulti ac insipie-
 tes erant, illud tamen nequaquā sequitur,
 ipsos illos, quos vos veteres excipiebatis
 sapientes, ita videri appellari debuisse: neq;
 enim is reuera sapiens audire potest, quē
 stultorum hominum vana & temeraria
 iudicia insigni isto titulo affecerunt. Cæ-
 terum septem istos iam tactos, Solonem
 scilicet Atticū, Chilonē Lacedæmonium,
 Cleobulū Lydū, Thaletem Milesiū, Bian-
 tem Priænum, Pittacum Mithilænum,
 & Periandrum Corinthium, innumeri

alij subsecuti sunt, qui cum verecundiores paulo essent, & sapientū sibi titulum temerius arrogare non auderent, admodum ijs placuit, vt Philosophos, id est sapientiæ amatores sese vocitarent, quorū Antesignanus & Princeps facile Pythagoras fuit, qui postea ingētem ex se multitudinem profeminauit. Hi ergo quamuis studiorum causa in diuersos mundi angulos proficiscerentur, modo apud Indos, modo apud Aegyptios, modò inter Persas celebriores ac laudatiores mūdi sapientes persequerentur, nihil tamen minus hac ipsa sapientia, ad quam velis remisque contendebant, consequi in dispisci; potuerunt: nolibat enim Deus, qui sapientiam suam stultitiæ titulo occultabat, secretos & inæstimabiles illos thesauros superbis & arrogantibus pate-re obuiosque esse. Atque hinc etiam factum est, quod supradicti isti Philosophi, in Iudæam non discesserent, in qua vero cognitio Dei, & sublimis sacrarum scripturarum sapientia hauriebatur; sed tantummodo ad Aegyptiorum Magos conuolarint, qui exterius absolutam quandam mundi sapientiam mentiebantur, cum tamen nihil minus quam velleuissimas eius vabras præferrent; quem-

admo-

admodum Dominus noster in Euangelio ait: *Confiteor tibi Domine Pater celi & terræ, quia abscondisti hæc à sapientibus, & reuelasti ea paruulis.* Est videlicet hic thesaurus ille absconditus in campo sacrarum Scripturarum: est etiam hæc diuinitas Redemptoris nostri in illius humanitatis campo occultata: est inquam hic thesaurus ille, quem qui inuenit, omnia vendit, vt eum possideat, nulli rei parcat, vt eum accipiat. Et quamuis ij, qui pro illo nihil non exponere contemnerent, & reformidant, stulti ac prodigi apud mundum plerumque audiant: habet tamen isthæc stultitia exaggeratius aliquid, & veræ sapientiæ nomine (vt ita dicam) canonizata est. Accedit nunc secunda huius Collegij studiosorum conditio, qua nihil antiquius puritate ac vitæ innocentia vt habeant, commonefiunt: vnde Sapiens cap. 1. Sapientiæ ait. *In maleuolam animam non introibit sapientia, neque habitabit in corpore subdito peccatis.* Et eiusdem libri cap. 7. *In animas sanctas se transfert subaudi, sapientiæ: & in Ecclesiâ ca. 1. Fili concupiscens Sapientiam, conserui iustitiam, & Deus præbebit illam tibi.* Facit etiã ad hunc locum quod Ruffinus de aduinculo illo Christiani orbis lumine vete-

re Doctore Gregorio Nazianzeno, ac D. Hieronymi præceptore narrat: qui cum Athenis, omnium tunc scientiarum penore, studijs operam nauaret, aliquando super libri cuiuspiã lectione indormiẽs, pulcherrimas cultissimasque duas Virgines Musæum suum ingredi conspicatus fuit: quæ cū illi postea assedissent, vnaq; dexterũ, altera vero sinistra illi latus clausissent, hic cõfestim pudico vtramq; oculo intuẽs, cuius rei causa aduenerint, sciscitatur. Tum vero confestim illæ inter mutuos amplexus dicere: Ne te quæso aduentus hic noster male habeat, sumus enim nos intrinsecæ tuæ, tibi optimè cognitæ, & à te semper studiosissimè obseruatæ: Altera ex nobis Sapientia audit, altera Castitas appellatur, ambæ autem ad te missæ sumus, vt tecum viuamus, & domicilium nostrum defigamus; siquidẽ dignum nostro consortio habitaculum in puro ac mundo tuo corde nobis apparuisti: Simile huic & affine est, quod de Diuo Thoma Aquinatẽ perhibetur, quẽ cum suorum discipulorum quispiam interrogauisset, ecquid facto opus esset, vt tam humanarum, quam diuinarum rerum cognitionem adipisceretur, respondit, quemadmodum in ipsius sexagesi-

mo octauo opusculo videre licet. Mea exhortatio, & tua instructio, charissime fili Ioannis, talis est. Suadeo vt parum loquaris, puritatem conscientie ames, & orationi vacare nunquam desistas. Atque hæc tertia Sapientie studiosorum conditio est, quod plus scientia, oratione, quam ingenij contentione & in defesso studio consequantur: quia S. Iacobus cap. 1. Canonice suæ epistolæ ait: *Sed quis autem vestrum indiget sapientia, postulet à Deo, qui dat omnibus affluenter, & non improperat, & dabitur ei, postulet autem in fide nihil hesitans.* Cui Salomon consentit cap. 7. Sapientie aiens: *Optavi & datus est mihi sensus, innocui, & venit in me spiritus Sapientie.* Quomodo autem petierit, & inuocauerit, id cap. 9. dicti libri apparet, vbi ait: *Deus patrum meorum, & Domine misericordie, qui fecisti omnia verbo tuo, & sapientia tua constituisti hominem, vt dominaretur Creature, que à te facta est, & disponat orbem terræ in iustitia & directione cordis iudicium iudicet, da mihi sedium tuarum assistricem Sapientiam, & noli me reprobare à pueris tuis, quoniam seruus tuus sum ego, & filius ancillæ tuæ, homo infirmus & exigui temporis & minor ad intellectum iudicij & legem:*

& si quis erit consummatus inter filios hominum sed illo fagerit sapientia tua in nihilum computabitur: & tecum sapientia tua, quæ nouit per te, quæ & affuit tunc cum orbem terrarum faceres, & sciebat quid esset placitum oculis tuis, & quid directum in præceptis tuis: mittere illi unum de cælis sanctis tuis, & à sede magnitudinis tuæ, ut mecum sit, & mecum laboret, & sciam quid acceptum sit apud te. His ergo uerbis Salomon sapientiam à Deo postulauit & impetrauit; & ita nos eam petere docet, ac à cælesti illo numine efflagitare. Omisi ego verba quædam orationis illius inserta, & ea solum recitauimus quæ unicuique congruere conuenireque arbitrabar. Quarta studiosorum istorum conditio est, ut mutuò se amore completantur, ac inuicem ament, quemadmodum honesti cōdiscipuli facere solent: & sicut Dominus noster Discipulis suis cap. 6. apud D. Ioannem faciendum esse demonstrabat, dicens: *In hoc cognoscent omnes quod discipuli mei sitis, si delectionem habueritis ad inuicem, sicut ego dilexi vos.* Discipulos Pythagoræ taciturnitas probabat: Mosaicos tunicarum limbi: & hominum fere discipuli cæterorum, signis quibusdam exterioribus tam malis, quàm bonis facillimè dignoscuntur: verum au-
le

COLLEGII SAPIENT. 34

tem Redemptoris Iesu discipulum te esse, aliud indicio non est, quam charitas: quemadmodum & ille nos amavit, baiulans Crucem suam pro nobis, & acerbissima quæque tormenta gravissimasque poenas perpetuens: hunc ergo sequi, hunc imitari Discipulos suos docet; hoc enim plane modo, sicut Epicurei ab Epicuro nomen acceperunt, sicut Platonici à Platone dicti appellatique fuerunt, ita illi à Christo veri Christiani audient, & nuncupabuntur: indigni ceteroqui sancto isto titulo, & non nisi opere & factis eo afficiendi: dictum enim est apud D. Lucam cap. 14. *Qui non baiulat Crucem suam, & venit post me non potest meus esse Discipulus.* Agamus ergo hoc ut supradictæ conditiones in nobis reperiantur, præcipue autem postrema illa charitatis & dilectionis, & nihil morabitur, quia confestim IESU Christi Discipuli nominari possimus ac salutari. Ad quod sæpenumero S. Ioannes Euangelista Discipulos suos exhortabatur, qui subinde instructionem aliquam à Magistro suo iam decrepito postulantes, aliam nunquam acceperunt, quam istam: Filioli vivite in charitate & amore ad in-

vicem.

B 7

QVO.

QUOMODO STUDIOSI MAGISTROS suos reuereri, & cum ijs sermonem instituere debeant.

CAPVT IIII.

AVthore est Aristoteles in libris quos de Philosophia Morali conscripsit, Deo, parentibus & Magistris seu Praceptoribus, pro magnitudine beneficiorum acceptorum satisfacere neminem posse: vnde & nobis in primis curis esse debet, vt Discipuli probe & accuratè instituantur, quomodo Magistros suos reuerer ac obseruare, & quomodo tum ijs in omni subiectione ac humilitate quā modestissime debeant sermocinari. Noster Magister, noster Pater, noster Deus non nisi vnus est, qui simul tribus istis officijs defungitur: quomodo ergo nos sufficienter verbis & opere illustria illius eximiaque beneficia ibimus recompensatum? Id quidem haud aliquanto viribus nostris maius est, loquendi autem cum Deo ac verbis commutandi, hanc ferè rationem ex sacris literis deprominus ac mutamur; *Iustus in principio sermonis est accusator sui ipsius*; est namque hoc verum boni serui officium qui cum Magistro aut Hero suo

suo verba facit, de suo iure decedere, se
 iniquum, Dominum autem æquum con-
 fiteri. Ita & creaturis coram Deo Creato-
 re faciendum est, vt, videlicet seipsas accu-
 sent, se ipsas deferant, seipsas reprehen-
 dant, quemadmodum fidelis Abraham
 faciebat dicens: *Loquar ad Dominum meū*
cum simpulū & cinis. Animaduertendum
 verò est, quod in Scripturis sanctis in ser-
 monibus Prophetarū, & Euāgelistarum,
 Deus loquatur; quodq; è cōtra in oration-
 ibus nos eum alloquamur, explicantes
 videlicet paupertatem nostram, & peti-
 tiones quibus ab eo satisfieri petimus
 exponentes. Quo verò sapienter in Ora-
 tione locuti fuisse videamur, duo admo-
 dū ante consideranda factūq; necessaria
 sunt, quā ipsam Otationem adeoq; allo-
 quiū nostrū auspicemur. Oportet ergo
 primum videre quis nā ille sit cū quo ser-
 monem instituere, idest, quem orare ve-
 limus; nam si is qui cum Rege seu Principi
 aliquo tēporali verba facere cogitat,
 ita se quam studiosissimè gerere tractare-
 que contendit, ne forsitan incompōsitis
 moribus, aut gestu aliquo incondito
 Regiam Maiestatem offendat, sed ma-
 ximè verbis ad propositum accommo-
 datis additum sibi bencuolumque

40 PRIMA PARS

efficiat: quanto iustius non modo hæc, sed plura longe, atque haud paulo accuratius cum Deo locuturos obseruare par est? Si Creatura Creaturæ, si homo homini, si mortalis mortali honorem obseruantiam, reuerentiamque adhibere non dubitat: quid nobis faciendum est, qui coram Diuina Maiestate comparituri, & ante illius thronum, ad quem Angelicæ potestates contremiscunt, necessitatem nostram explicaturi sumus? Aberrunt ergo tum curiosæ & insolentes oculorum circumuolutiones, aberrunt mentis peregrinationes, cogitationum euagationes, quod omnino facile consequemur, si supremæ diuinitati nos assistere, & cælesti iudici præsentem astare nos cogitemus. Cui quidem cogitationi ea etiam consideratio adiungenda immiscendaque est, qua nos diuinæ bonitati sisti, illique velut benignissimo nostro Patri adesse nos recordabimur; qui ipsemet ad secum loquendum humanissimè nos inuitauit, dicens: *Petite & accipietis*. Et excitauit ille nos ad precandum, spem certam faciens futurum ut petitioni nostræ satisfiat, non autem ut illa non excipiat aut non exaudiat. Consequemur porro altera harum considerationum,

vt cum cœ Regem timeamus; altera vt illum non aliter quā parentem amemus & in eo spes nostras collocemus: etenim si Creator noster est, reuera & Redemptor est: & si Magister, etiam Pater: ac tamen si ego nomen filij per peccatum amiserim, ille tamen nihil minus, quam Patris nomen perdidisse existimandus est. Sistam ego me oraturus Iudici formidoloso, fateor; at sistā me iuxta Redemptori benignissimo: ideo namque mortem oppetere voluit, vt me saluaret, non ideo in mundum venit, vt me condemnaret. Sistam ego me Deo iustissi no, imò qui ipsa iustitia est; at illud etiam considero, vitam hanc venię implorandæ datum esse; & quò equior iustiorque ille est, hoc scio melius promissis suis stabit, cum in Euangelio ait: *Petite & accipietis.*

Secundo cogitatio, seu si inuis, consideratio à supplicē & Deum allocuturo suscipienda hæc est: vt videlicet expendat, quidnam ille sit, qui cum Deo colloquium instituere desiderat, id est, vermis, terra, cinis & purr-do, vas immundum, & indignus peccator: hic inquam sibi hoc suum, hic sibi hoc arrogat, hic se sermoni & colloquio diuino ingerere non veretur: hoc inquam lutum cum Sole, hic
infr-

infirmus cum medico, hic reus cum ipsa
sanctitate verba cōmutare affectat. Pro-
sternemus nos hac contēplatione coram
Deo, quātoq; amplius ante illū humilia-
bimur, tāto propius ei cōiungemur. Ecce
tibi itaq; nunc considerationes ac prae-
meditationes ante adhibendas quā cum
Deo colloquare. Et idcirco Hugo de S.
Victore ait, meditationes istiusmodi ora-
tionem ipsam praece dere oportet, vt vide-
licet immensam nostrā miserā perpēda-
mus, & vna infinitā Dei misericordiā in
memoriā nobis reuocemus: quā ille nū-
quam eos desiderares passus est, qui illā
petierunt, & humilibus à se precibus ef-
flagitauerunt: generat enim continua ta-
lis meditatio scientiam: scientia autem
iam sic acquisita ignorantiam pellit, &
compunctionem contra inferit; cōpun-
ctio deinde negligentiam & torporem
inijcit, & deuotionē progignit; deuotio
vero orationem perfectam facit: Scientia
est, cum homo sui ipsius cognitionem
consequitur, ac ea illuminatur: Compun-
ctio, quando per considerationem ma-
lorum suorum, & peccatorum desig-
natorum, interna deuotio excitatur.
Deuotio est humilis & fruens actio circa
Deū, à compunctione generata: anima e.

nim percussa & obstupefacta multitudi-
 ne suorum delictorū cognitorū, suisque
 iam tum viribus ac sibiipsi diffidens, ad
 Deū se cōuertere cōstituit, & tanto ardē-
 tius feruentiusq; auxiliū illius implorat;
 quāto clarius manifestiusq; intelligit, vbi
 à Deo discessum fuerit, neminē se habere
 ad quem fugiat, & de cuius potentia ali-
 quid sibi appromittat. Cæterū in hac de-
 uotione tres virtutes Theologicæ repe-
 riūtur, Fides, Spes, & Caritas; neq; enim
 peccator tanta cū deuotione Deo suo ad-
 uolueretur, nisi certa fide recrearetur, sal-
 uare illū se posse, & nisi firma spe susten-
 taretur, veniam sibi illum fore facturum.
 Et denique nisi eum amore complectere-
 tur, peccata admissa non detestaretur, &
 Deo potius adhærere eligeret. Credit er-
 go, sperat, & amat: credit potentiam, spe-
 rat misericordiam, amat Dei sui fidelita-
 tem. Atque vt breue faciam, vel ex hoc
 intelligi posse dico orationem aliud
 non esse, quam deuotarum cogitatio-
 num exercitium, idest, conuersionem
 ad Deum, per feruentem affectum, fide
 spe, & charitate sustentatum, qui san-
 ctam meditationem præcedere præcurre-
 reque debet. Porro meditatione ista
 hac examinata, quomodo studiosi

Deum

Deum precari, quomodo cum Deo & Magistro suo verba instituere debeant, tempus est ut considerandum esse videatur. Et spectat ad hunc locum illud, quod apud S. Luc. cap. 11 legitur. *Factum est cum esset Iesus in quodam loco orans, ut cessavit, dixit vnus ex discipulis eius ad eum: Domine doce nos orare sicut docuit Ioannes discipulos suos. Et ait illis: cum oratis dicite, Pater san-* *ctificetur nomen tuum &c.* Atque hæc Dominica illa Oratio est, quam in Dialogo nostro explicauimus, qua nos Deus modum cum Deo loquendi, & illum orandi docet. Et quoniam eo in Dialogo explicationem illius fuimus persecuti, supersedebimus hoc loco eam retexere & iterare: præterquam quod alius etiam adhuc Doctor est, Sanctus spiritus puta, qui nobis præclaram orandi methodum præscribit, quemadmodum D. Paulus ad Rom. cap. 8. ait: *Similiter autem & Spiritus adiuvat infirmitatem nostram: nam quid oremus nescimus, sed ipse Spiritus postulat pro nobis gemitibus inenarrabilibus.* Verum quomodo nobis Spiritus succurrit? quomodo pro nobis interuenit ac intercedit? Auxiliatur nobis principis dum carnem subicere, tentationes frangere, & aduersariorum impetus facit declinare: pre-

catur deinde pro nobis, quum quæ precanda sint suggerit atque inspirat; reuera à Magistro aut Præceptore aliquo non absimilis, qui vt puerum bene erudiat atque informet, literas, syllabas, & Alphabetum memoriæ illius inculpat, libenter pueri ignorantia se accommodat, tabellamque in manus illi porrigens, ait; Fili mi, sequere me dicendo a, a, b, b, : ita vt Magister literas primum efferat atque efformet, & ille postea repetat, & ex illius ore quasi præmanfas accipiat. Eodem ergo modo Spiritus Sanctus corda nostra erudit, inspirando quid orandum sit, & quid cum assiduo gemitu lachrymisque postulandum: admodum enim reuera eo indigemus, & vt id fiat opus habemus: ambulamus namq; in hoc mundo compediti, & restem collo injectum circumferimus: nutrimus inimicum nostrum domesticum, qui caro est, è peccato nata, in peccato alta, & ex vitiosa natiuitate profeminata, ac denique longo usu & consuetudine Deum offendendi corrupta ac vitiata: per hanc aduersarius noster in quamlibet ruinam nos impellit, desideria infanda suscitatur; in hac per virulentas suggestiones ignem concupiscentia excitatur, affectus inflammat, motus
illi.

illicitos accēdit, occasionem & materiā peccandi suppeditat, & continuo astutis subdolisq; artibus corda nostra tentare non cessat; per hanc nō aliter quam proprio fuste nos cēdit: per hanc non aliter quam per proprias pedicas capit. Ita ergo modis omnibus vexati atq; afflicti, opus reuera habemus, vt quotidie & indefinēter Dei auxilium imploremus & sæpenu-mero perorationem cum illo colloquamur, sermonemq; instituamus. Ob hāc deinde causam, supremus ille Vniuersitatis architectus, adeo fragiles esse nos voluit, ideo nos in medio inimicorum nostrorū constituit, vt eorū cōtinuas machinationes & contra nos expeditiones intuentes, ad ipsum cōtinuo recurramus, & humilibus precibus auxiliū illius efflagitemus. Iam si illud etiā intelligere desideras, quibus ferē modis effectū dare possimus, vt quod petimus, vt quod oram⁹, id cōfestim impetremus ac obtineamus: dico quatuor admodū modos esse, quib⁹ aliquid ab altero in hoc mundo plerūq; obtinere soleamus. Primus est, cū infirmitatē nostrā, cū paupertatē, cū miserā ostēdimus, quē admodū mendici faciunt, qui Basilicarū valuis asidentes, magna sæpe vocis cōtētionē calamitates suos explicant

COLLEGII SAPIENT. 47

cāt, quo facili⁹ homines ad misericordiā
 & cōpassionē valeant excitare. Atq; hic
 modus prop: i⁹ humilib. est, qui pauper-
 tatē miseriamq; suā cognoscentes, facile
 quidlibet à Deo possunt impetrare. Et ora-
 bat adhuc modū Rex Dauid, dicens: *Mise-
 rere mei Domine quoniā infirmus sum.* Et ali-
 bi: *Respice in me & miserere mei, quoniā vni-
 us & pauper sū ego* Ita etiā Salomō à Deo
 impetrauit, quod postularat, dicens, quē-
 admodū li. 31. Reg. c. 3. legimus. *Ego igno-
 rās sum, da seruo tuo cor docile, vt ducā popu-
 lū tuū.* Ita quoq; exaudit⁹ fuit in Euāgelio
 Publicanus, dicēs: *Deus meus, esto propiti-
 us mihi peccatori.* Secundus modus est, quo
 aliquid à quopiā impetramus, munera &
 dona offerendo: beneficium enim be-
 neficio elicitur, & meritum non nisi me-
 rito recompensatur. Ita nos in paupertas
 beneficij ac liberalēs sumus, ita in egen-
 tes ac inopes fortunas nostras erogā-
 mus, quò facilius preces & orationes
 nostræ à Deo exaudiantur: elemo-
 syna enim propter honorem Dei fir-
 qui eam non aliter, quam sibi data foret,
 acceptat: & ideo in Euangelio ait: *Da-
 te, & dabitur vobis.* Ita è cōtra diuiti epu-
 loniaque etiam guttula denegata fuit,
 & meritō: noluerat enim vel micās è-
 mea-

mensa sua decedentes mendicanti Lazaro
 elargiri : Regina autem Saba quidlibet
 facile à Rege Salomone impetrauit, quia
 videlicet donis illum peruenierat, & sibi
 facilem addictumque effecerat. Tertius
 modus quippiam ab altero impetrandi
 est, per amicos & intercessores aliquid
 efflagitare; & ita plurimorum preces à
 Deo exaudiuntur: ideo Processiones ge-
 nerales, & supplicia Vniuersalia in Eccle-
 sia instituantur, quando videlicet pacem
 Deum poscere vult, aut aliud quidpiam
 à Deo postulare; cui etiam Dominus no-
 ster capite octauo apud S. Mattheum
 adstipulatur, dicens: *Si duo ex vobis con-*
senserint super terram de omni re quamcunq;
petierint, fiet illis à Patre meo Ideo nos ad
 Sanctorum preces recurrimus, ideo mu-
 tuis suffragijs, & sanctis sacrificijs alter
 alterum adiuuamus. Quartus aliquid ob-
 tinendi modus est per blanditias & cō-
 mendationes: quibus ita animum cuius-
 piam capimus ac demulcemos, facere
 vt non possit, quin petitioni nostræ sa-
 tisfactum ear; vt si alicuius auos aut ma-
 iores ab insigni liberalitate & munificē-
 tia in obuios quosque commendemus.
 Vtebatur isthac ratione Hester erga As-
 suerum, dicens Faciem eius admirabi-
lem

lem esse, plenam gratia, & potius angelo quam homini similē: & ideo postea Rex illi ait, pete Hester quidquid volueris, & tamen si mediam partē Regni mei petas, habebis. Ita nos Deum precaturi, hanc sanctam quasi adulationem adhibebimus, vtilem reuera & cum primis in hoc genere salutarem; commemorātes illius beneficia quibus nos affecit, & insignem illius bonitatem recolendo, quam nobis hactenus monstrauit. Et erat hoc etiam consilium S. Pauli cap. 3. ad Philipp. dicētis: *In omni oratione & obsecratione cum gratiarum actione, petitiones vestrae innotescant apud Deum.* Quintum ac postremum precandi modum importunitas constituit, quando videlicet repulsam passi abstergeri nos non patimur, sed indefinenter misericordiæ diuinæ ostium pulsamus, donec ab ea exaudiamur. Docuit hoc nos Seruator noster, apud D. Lucam capite vndecimo, vbi parabolam amici panem de nocte ab amico altero mutuum accipientis persequitur, quam ita deinde concludit: *Petite & dabitur vobis, querite & inuenietis, pulsate & aperietur vobis.* Hac importunitate S. Monica vsa conuersionem D. Augustini filij sui à Deo impetravit: Hanc indefessam instantiam Magi-

ster Iordanes Generalis Ordinis nostri post D. Dominicum intelligebat, dicens ideo se libenter diutius cum Deo in Ecclesia commorari & sermonem institueret, quod sciret, fieri non posse, vt absque dono aliquo ab eo recederet. Atque hi quinque illi modi sunt quidlibet à Deo obtinendi ac impetrandi. Deniq; vt hanc materiam concludamus, tria admodum studiosè alicui obseruanda sunt, qui orationem, aut epistolam aliquam ad Deū dicere aut enarrare vult: vt videlicet insinuet, captet, ac postulet; insinuabit autē miseriam & egestatem suam, captabit Dei beneuolentiam; & denique veniam & delictorum suorum remissionem postulabit: insinuatio humilitatem pariet, quippe quæ calamitates & vulnera nostra detegit: hanc sequetur diuinę clementię commendatio, quæ cor humile & contritum frustra orare non permittit: vltimo postulationem instituemus, quæ petitionem nostram explicabimus, & vt solita Deus erga nos misericordia vtatur illum obsecrabimus. Discamus ergo iam nunc bene cum Deo loqui, itaque orationem & sermonem nostrum conformare, quò oratio nostra exaudiatur, & supplex precatio repulsam non patiatur.

COLLEGII SAPIENT. 31

DE PVLCHERRIMIS LIBRIS
*qui in Collegio Sapientiae le-
 guntur.*

CAPVT V.

CAETERUM ne Discipuli superba qua-
 dam ignorantia, aut rudi & ignorā-
 te Superbia acti, minus se feliciter in sus-
 cepto studiorum suorum cursu progredi
 proficereq; posse quiritarentur, propter
 librorum scilicet, qui ad ea requiruntur
 inopiā, sapienter admodum Magister eo-
 rū & Præceptor Deus, in qualibet mundi
 ætate, de optimis illis elegantissimisque
 semper libris prouidit. Eorū primus ap-
 pellatur liber Naturæ, de quo Psalmista
 ait: *Celi enarrant gloriam Dei, & opera ma-
 nuum eius annunciant firmamentum.* Cui D.
 Paulus adstipulatur cap. 1. ad Roma. scri-
 bens: *Inuisibilia Dei per ea quæ facta sunt, in-
 tellecta conspiciuntur, sempiterna quoque vir-
 tus eius & diuinitas, ita vt sint inexcusabiles,*
 illi videlicet, qui per creaturas Deū nō co-
 gnouerunt, & eū glorificare non volue-
 rūt. O Discipuli Iudæi & Gētiles, quid re-
 spondebitis Iudici, quādo vos vt discho-
 los accusabit? Nūq. d. ignoratiā allegabitis

aut Typographos insimulabitis, quod
libros vobis ad studia necessarios non
impresserint? Certè ordo cælorum satis
superque vobis demonstravit, Deum ali-
quem esse, eos qui condiderit, & fabrica-
tus sit. Si liber aliquis manu scriptus in
usu fuisset, nudi alicui & illiterato is obue-
niens reiectus fuisset, illeque dixisset. Nō
intelligo ego isthæc, non cognosco: verū
quis tam excusare se audebit, ac dicere,
opera Dei se non vidisse, non aspexisse?
Hæc enim quolibet idiomate vsa sunt,
hæc qualibet lingua omnes omnino
mundi nationes docuerunt, quis eorum
Conditor, & Creator esset. Opera Dei di-
co, & ordo rerum temporalium, quem vi-
demus, manifeste nobis ostendunt, nisi
fungi ac reuoces sumus, Oeconomum
aliquem esse, & supremum omnium Mo-
deratorem. Certè cum Anaxagoram ce-
lebrem illum Philosophum non nemo
interrogauisset, cur natus in hunc mun-
dum sibi videretur, respondit; vt Cælum
intuear, & hunc lucidum Solem: in quo
Lactantius meo quidem iudicio nō ma-
le, libro tertio de falsa sapientia, eum re-
prehendit, dicens; non ideo nos in hunc
mundum missos, vt quæ facta sunt videa-
mus, sed vt omnium factorem, illius o-
pera

pera considerando, contemplemur. Quis
 te, ô Philosophè, in hunc mundum velut
 in theatrum aut spectaculum aliquod in-
 trodixit? Cui bono hoc est, quod Cælū,
 quod astra contemplaris? an non ut va-
 stum & immane illud opus commendes,
 & in eo Deum glorifices? Fateare ergo &
 agnosce Deum aliquem esse omnium ho-
 rum Architectū, ac sapientissimum Con-
 ditorem, quæ ideo condita sunt quo vi-
 delicet testimonia quædam sapientiæ sug-
 sint, & suarum laudum buccinæ, & insig-
 nium encomiastæ. Intueris Cælum, non
 nisi attonitus, aspiceis Lunam & nisi sta-
 pefactus, Solem denique ac stellas non
 nisi admiratione plenus atque percutis
 contemplaris, & cur amabo non illi pa-
 riter gratias agis, qui beneficiorum isto-
 rum omnium Author & Elargitor est?
 Cur non illius virtutem, providentiam,
 potentiamque consideras, cuius facturas
 & opera admiraris? Necesse enim reuera
 est mirabiliore multo illum esse, qui mi-
 rabilia isthæc condidit ac procreavit. At
 quæro ex te Philosophè, quam tu te insi-
 gniter sapientem, quam bellè gratum ex-
 istimares, si à quopiam lauto & opiparo
 conuiuio exceptus, honestè habitus, ac
 liberaliter tractatus, magnificè epulas, vi-
 num,

num, & pocula commendares eum autē, qui tibi beneficij illud dedit, non laudares? non admirareris? Ad hunc ergo tu modum ipse facile intelligis, quam grauius hallucineris, si maiorem delectationem ex Dei operibus, quam ex Deo ipso capis. Maneat proinde omnes omnino secundum mundi opinionem sapientes, omnia ad corpus, nihilque ad spiritum referentes, insigniter plane errasse, & in insipientia sua perstitisse. Et quēadmodū discolori, ac insipidi studiosi, librorū suorū belle depictorū colorib⁹ tantū capiūtur, literis maiusculis & variatis ac Rubricis recreantur, & ineptæ huic ac puerili curiositati immorātur, nihil interim quid in ipsis libris cōtineatur, aut quæ ex ijs lectio illis addiscēda sit cōsiderātes: ita pleriq; Dei creaturas intuentes, ad voluptatē & oblectationē suā illis abutebantur, parū interim solliciti utrū eū laude honoreq; suo nō priuarent, eas qui cōdidit, & procreauit. Ob hāc deinde causā Deus post primū illū Naturæ librū, aliū insuper hominib⁹ apparauit, quē scripturā appellauit: de quo S. Paulus cap. 15. ad Romanos ait: *Quæcūq; scripta sunt ad nostrā vtilitatem scripta sunt, vt per patientiā & consolationē scripturarū spēs habeamus.*

Vbi

Vbi obseruandū est, absq; delicto & peccato hominis fuisset, nunquā nos hoc libro vsuros fuisse, tametsi doctrina diuina nequaquā destituti fuisset: De^o. n. humani generis Author ac Architectus initio homines alloquebatur, vt audiri intelligiq; posset; quemadmodū de Moyse accepimus, cui Deus nō aliter, quā amicus amico solet, locutus fuisse perhibetur: quēadmodū etiā cū Abrahā, Prophetis, ac alijs Sanctis Patribus sermonē cū instituisse certū est; verū non loquebatur ille vnicuiq; isthoc modo, propter peccatum videlicet, quo homo Dei inimicus factus erat: vnde nō nisi per litteras aut internuncios eū cōpellabat & alloquebatur. Itaq; si absq; peccato eū inuenisset, interius aut exterius eū erudisset, & quid facto opus esset, sine libris & scripturarum subsidio pulcherrimē docuisset. Quare principio etiā cōmunis ille author Deus cor hominis purū, mūdū, ac nitidū deprehēdens, & instar papyri cādidū cōspiciens, cōfestina in eo omniū sciētiarū ipsi necessariarū cognitionē exarauit; verū postquā id ipsum foedatū, maculis aspersum, & Diaboli atramento oblitū esse coepit ac inquinatū, cessauit Deus in eo scribere & voluntatē suam exarare; sed praecepit cōfestina

Moyſi vt ſibi tabulas lapideas adferret, quibus digito ſuo omnipotenti legis m̃a- data impreſſit: quò videlicet lapideus hic liber longe chartaceo iſto durior diutius etiam duraret ac ſuper eſſet: qui tamẽ poſtea ab ipſo Moyſe idolo latrã populi ſui conſpiciente laceratus fuit; & poſtmodũ reſectus & ab eo reſcriptus, in Arca fãde- ris deſcriptus fuit, quo videlicet conſtaret vetus Teſtamentum abolitum eſſe & ab- rogatum, duraturum autem illud in Ec- cleſia quod Ieſus Chriſtus conſcripſit ac exarauit. Porro hunc ſecundum ſcripturæ librum Diſcipuli nequaquam intelligere potuerunt, propter inuoluciũ ignorantie & incredulitatis quod eorũ oculis erat obductum. Et ob hanc reuera cauſam cum Moyſes legem populo per- ferret & apportaret, velum faciei præten- ſum habebat, que nammodum Exod. tri- geſimo quarto legimus. Super quo D. Paulus quaſi commentaturus ſecũda ad Corinth, cap. 3. ait: *Et non ſicut Moyſes po- nebat velamen ſuper faciem ſuam, vt nũ in- tenderent filij iſrael in faciem eius, quod euacuatur, ſed obtuſi ſunt ſenſus eorum vſque in hodiernum diem, idipſum velamen in teſtione veteris teſtamenti manet non reuelatũ, quod in Chriſto euacuatur, ſed vſque in hodiernum diem*

diem cum legitur Moyses, velamen positum est super cor eorum, cum autem conuersi fuerint ad Deum, auferetur velamen. Iam liber iste scripturæ adeo plenus erat sublimiū ac diuinarum scientiarum cognitione, ipsi vt Reges infideles in eo studere, eūque voluere desiderarint. Nam quemadmodum Sanctus Irenæus Martyr libro quinto vigesi no contra Hæreticos ait: Ptolomeus Bibliothecam suam amplissimam illam & ornatissimam, quam Alexandria erexerat, optinuit quibusque libris stipare volens & decorare, septuaginta admodum Interpretes linguæ Græcæ & Diuinæ legis peritos Hierosolymis accersuit, qui omnes seorsim mysteria Dei in lege comprehensa aperuerunt, & declarauerunt; vnde Deus glorificatus fuit, & diuinæ literæ velut veraces honorificè receptæ fuerunt ac approbatæ: diuina namque inspiratione factum fuit, vt & describerentur. & verò in aliā etiam linguam transfunderentur: quæ tamen postea succedentibus annis corruptæ, deprauatæ, adulteratæ, ac à Iudæis male intellectæ fuerunt, vnde eis in Euāgelio dicebatur: *Erratis non intelligentes scripturas*; prætereundo interim illud, quod antea dixi, cōbustas videlicet illas

fuisse. Quibus admodū factum fuit, tertiū
 vt librum gratiæ scilicet, qui Seruator Ie-
 sus est, Deus adiūxerit, qui alias liber vi-
 tæ, Testamentū & pactū pacis inter Deū
 & hominē appellatur. De hoc Esai. ca. 8.
 vaticinatus fuit, cū ait: *Et dixit Dominus ad*
me, sume tibi libri n̄ grandē, & scribe in eo sty-
lo hominis, velociter spolia detrahe, cito præ-
dare. Quib⁹ verbis subobscurè & tacite in-
 dicata est Iesu Christi seruatoris nostri in
 hunc mundū aduenientis efficacia, quod
 videlicet genus humanum, nō aliter quā
 prædam, Diaboli vnguibus eripuerit, &
 libertati pristinæ restituerit. Verū hoc in
 loco nō immerito argumentū mihi for-
 mare quispiam possit, & hac obiectione
 vti quomodo vero fieri potest, vt Iesus
 Christus liber noster sit, nobis addiscen-
 dus ac euoluendus, cum paulo admodū
 ante Scholæ illū præficeris & Præcepto-
 rem salutaris? Respondeo ego vtrumque
 verū esse: vt videlicet & liber, & Magister
 sit: vult enim reuera ille omnia nobis ef-
 fe, quemadmodū se modo Pastorē, modò
 Agnum & Ouem, modo medicū, modo
 medicinā, modo fontem, modo aquam
 appellat: tota namq; perfectio in ipso est,
 & ab illo procedit. Atque vt etiam clarè
 & euidenter videamus, librum illum no-
 strum

strum esse, audiamus D. Ioannem, qui in Apocalypsi sua capite quinto illum describens ait: Vidisse se librum intus & foris scriptum, qui est Dominus noster, liber vitæ appellatus; latet videlicet intus diuinitas, foris autem est humanitas; interius velut in Catalogo Episcopi aut suffraganei eorum nomina reperiuntur quæ ordinandi sunt, ceu iam sufficienter examinati atque idonei: ita in hoc libro omnium eorum nomina scripta sunt, qui aliquando ciuibus Angelicis annumerandi sunt, & indigni nullibi in eo signati inueniuntur: quemadmodum cap. 12. Daniel. legimus: *Salaabitur omnis populus qui inuentus fuerit scriptus in libro vite.* Exterius in hoc libro (id est in Humanitate) tam in fine quam in principio, tam in natiuitate quam in Passione legimus: *Ego sum Alpha & Omega, principium & finis.* Porro liber hic elegantissimus, scriptus fuit in papyro seu pergameno virgineo, in conclauis Dei, quod est venter virginalis Mariæ, per digitos subtilissimos Spiritus sancti: ipse autem Pater omnia ea dictauit ac recitauit, quæ eo in libro descripta sunt & exarata. Hic liber postea in Passione correctus ac emendatus fuit, sicut Pilatus de eo testatur, dicens: *Emendatum*

ergo illum dimittam. Fuit deinde etiam in flagellatione sua rarus, politus, & vulneribus punctuatus, illuminatus sanguine quem profudit, impositus pulpito sanctę crucis, & postremum in Resurrectione religatus ac reparatus.

Hunc librum si superbus euoluat, humilitatem ex capitis inclinatione discet; auarus ex manuum extensione liberalitatem; ex ruptura lateris inuidus charitatē; ex corporis nuditate diues paupertatem, ex felle & aceto gurgies sobrietatem; ex coronatione voluptuarius penitentiam. O librum omnibus omnino Christianis euoluendum! ô volumen in quo omnis sapientia continetur! quemadmodum D. Paulus docet. *In eo sunt omnes thesauri sapientię & scientię abscondite* Perlegit hunc librum S. Ioannes Euangelista, qui simulac incēna sub Domini pectore recubuit, diuinus & admirabilis Theologus effectus fuit. At dicet mihi hoc loco aliquis: Ego vero nullibi scriptū inuenio quod Seruator noster Christus manib⁹ suis librum aliquem exaratum post se reliquerit. Cui respondeo: nequaquā id nos mirari debere, siquidem ille met liber hic est in quo omnis sapientia scientięque continetur. Et si & illud videri aliquid potest quod

quod apud D. Ioannem legimus; Christū
videlicet mulierem adulterij accusatam
crimine absoluturum manibus seu pro-
tenso digito in terra scripsisse: quod vide-
licet ostenderet legem suam gratiæ mi-
sericordiæque legem esse, non duritiæ &
asperitatis, quemadmodum Mosayca il-
la lapidibus insculpta. Quid? annon etiā
quantius est, quod Christum lapidem
appellare possumus, cui in monte Calua-
riæ stilis terreis id est clavis ad perpetuā
indelebilemque rei memoriam, lectio
nostra incisa fuit? quemadmodum Iob
interrogabat dicens: *Quis mihi det ut scri-
bantur sermones mei, quis mihi det ut exarē-
tur in libro stylo ferreo, aut plumbilamina,
vel celte sculpantur in silice?* Quid? annon
etiam seruator Noster nomina nostra
purpureis sanguinis sui characteribus
manibus suis inscripsit, ne videlicet vn-
quam nostri obliuisceretur? sicut Esaias
testatur dicens: *Ecce te descripsi in manibus
meis.* Cæterum D. Thomas parte tertia
articul. 44. quatuor assignat rationes,
cur Seruator Noster manuscriptum no-
bis aliquem relinquere noluisse videatur.
Primo quidem propter dignitatē ipsius.
Excellentiori enim doctōri excellentior
modus doctrinæ debetur, & ideo Chri-

sto tanquam excellentissimo doctōri hic modus cōpetebat vt doctrinam suam non pergameno aut chartæ, sed auditorū cordibus inscriberet; quemadmodū per Ieremiam promiserat dicens: *Dabo legem meam in visceribus eorum, & in corde eorum scribam eam.* Tota autem illa scriptura in præcepto consistit, quo Deū ex toto corde, anima & viribus diligere iubemur, S. Paulus ad Rom. 13. dicente: *Plenitudo legis est dilectio.* Secundò propter excellentiam doctrinæ Christi, quæ literis comprehendi non potest: Secundum illud Ioannis vltimo. *Sunt & alia multa quæ fecit Iesus, quæ si scribantur per singula, nec ipsum arbitror mundum capere posse eos qui scribendi sunt libros.* Quos sicut Augustinus dicit, non spatio locorum credendum est mundum capere non posse: sed capacitate legentium nō comprehendi. Si autem CHRISTVS scripto doctrinam suam mandasset, nihil altius homines de eius doctrina æstimarent, quam quod scriptura contineret. Tertio quia per iuratos suos quatuor Notarios seu Evangelistas Euangelium id est librum vitæ & gratiæ nobis voluit exarari. Vt enim Reges non ipsi literas scribunt, sed satis esse arbitrantur eas si suo nomine

mine & sigillo muniant: ita nomen Regis Regum Iesu Christi in Euangeliorum fronte scribitur, quæ postea in ipsa publicatione miraculis prodigiisque confirmata sunt. Præterquam quod ipse etiam Christus Ecclesiæ caput est, cuius membra nos sumus: & ideo per Discipulos suos ac Euangelistas velut per manus suas librum gratiæ voluit conscribi, qui incipit: *Liber Generationis Iesu Christi filij David, filij Abraham.* Vt enim vetus scriptura ac Testamentum à Genesi, id est, ab hominis terrestri Natiuitate inchoatur: ita liber gratiæ à natiuitate hominis cælestis Iesu Christi incipit, qui omne nostrum scire est, prout Apostolus docet: *Nihil arbitratus sum me scire inter vos nisi Iesum Christum.*

DE LECTIONIBVS QVÆ EX
libris Sapientie petuntur; &
qua prima?

CAPVT VI.

Postquam ut opinor satis iam nunc constat vitæ & gratiæ librum IESVM Christum Seruatorem Nostrum esse

esse, alia ex illo lectio ad bene beateque viuendum sperari non debet quam nomen Christi in quo omnia planè continentur & comprehenduntur. Per hunc enim Deus nos alloquitur, per hunc mūdāna omnia contemnenda esse docet, & in vnico illo spem fiduciamque nostram collocandam H'c non Græce, non Latine, non Hebraicè exaratus est, ne quis linguæ ignorantiam allegare posset; huius verba sunt, vita, exemplum, & conuersatio Domini Nostri IESV Christi; ipsa autem operatio loquela illius est. Vt enim antea diximus cælos Dei gloriā enarrare, & muta surdaque voce maiestatem illius hominibus annuntiare: ita solum IESV Christi nomen satis superque nos docet, quid facere vel quid non facere debeamus: cōsiderando videlicet Crucem illius, examinando mortem, expendendo vitam vniuersam molestijs ac ærumnis plenam, & denique omnia illa cum animo pensitando quæ vsque ad suam in cælestem Paradisum ascensionē fecit aut tolerauit. Huius vita sufficienter nobis concionatur, & quomodo præsentis sæculi voluptates fugiendæ, nostrumque adeò cor à terrenis segregandum sit præclarè demonstrat. Huius sacrosanctū
nomen

nomen bonitatem Dei declarat, qui in tantum nos adamauit ut nostræ salutis causa crudelissimam pro nobis mortem tolerare non dubitaret. Hoc etiam diuinam Iustitiam equalitatemque annuntiat, quæ propter peccatum protoplasti Adæ filio suo vnigenito non pepercit, sed pro nobis in ara Crucis immolauit. O excelsus nomen IESVS! O nomen in quo omnis sapientia scientiaque comprehenditur! Quisquis reuera tuam virtutem recte cognitam exploratamque habuerit, hic satis scit & nouit. Age ergo studiosa curiosaque discipula, imprime nomen istud cordi tuo, cōsidera virtutem illius, vide quid te doceat, retine quod suggerit, & intra breuissimum temporis spatium doctissima euasura es; imo omnes mundi Philosophos longissimo post te spatio relinques ac superabis: *Hoc enim doctus Plato nesciuit, & eloquens Demosthenes ignorauit.* Hoc nomen charitatem te docebit, hoc spem, hoc fidem, hoc patiētiam, hoc bonitatem, hoc mansuetudinem, hoc benignitatem, hoc denique omnia quæ scitu utilia vel necessaria esse possunt. Verum quo in doctrina isthac methodum ordinemque aliquem obseruamus, Quintiliano morem hoc loco ges-

rere operæ pretium fuerit: qui monet ut
pueris quos erudiendos susceperimus læ-
te & per partes sciētiā doctrināq; in-
stillemus. Ut enim liquorem aliquē nun-
quā in angustū vas infundes, vno si im-
petu cum egeras: ita omnia simul si in te-
nerorū animos eieceris, omnia etiā peri-
re necesse est; utrobique autē tunc optime
egeris, si guttatim vasi liquorem & sen-
sim ingenio doctrinam instillaris. Prima
autem lectio quæ ex libris Collegij istius
petitur, est Timor Dei, dicente Psalmo-
grapho: *Initium sapientiæ timor Domini.* &
illius Filio Salomone capit Prouerb. 1.
Timor Domini principium Sapientiæ. Ad
quæ Horatius alludit canens: *Virtus est*
vitium fugere, & sapientia prima. Neque
vero in hoc carmine Poeta à reliquorum
sententia opinioneque discedit: per ti-
morem enim peccatum fugimus & bo-
num confectamur, quæ summa pulcher-
rimaque sapientia est. Et Ecclesiasticus
ipse id aperte docet cum ait: *Timor Do-*
mini expellit Peccatum; sicque hominem
ad sapientiam recipiendam disponit,
quæ in sordido & lutulento habitaculo
morari non potest. Vbi etiam intelli-
gimus, hunc primum Timoris fructum
esse, quod peccatum amouet atque ex-
pellit.

pellit. Quemadmodum enim Rex cum alicubi diuertere cogitat, ante Cursores suos ablegat atque præmittit, qui habitaculum & mansionem illi præparent: ita Deus in humanis cordibus habitaturus, ante Timorem illis suum immittit, ea ut diligenter repurget, sordes submoueat, & quidquid diuinæ Maiestati displiciturum retur eijciat. Nam qui *timent Dominum*, Eccles. 2. *præparabunt corda sua, & in conspectu illius sanctificabunt animas suas*. Secundus Timoris fructus est, quod malum auersari abhorrereque nos docet; quemadmodum Prou. 7. legimus. *Timor Domini odit malum*: & diligentissime vniceque hoc agit, ne aliquando per secretas quasdam rimas in cor irrepat ac illabatur. Itaque sicut aues abacturi plumas appendere aut Priapum aliquem adornare consueuimus, quo viso illæ fugiant & terreantur: ita Timor Domini infernum, & Iudicium, res si quæ aliæ formidolosas cordis sui portis apponit, ijs ut conspectis vitia fugiant, & ab ingressu submoueantur. Vnde etiam intelligimus Timorem illum Dei cordis Ianitorem esse, qui ingenti claua Iustitiæve gladio armatus omnia peccata arceat & facinora qualiacunque repellit.

repellit. Itaque si etiam delicta aliqua offendat, ea mox ille ut fures ac itinerum subseffores inuadit, crucifigit, & timoris clauis patibulo affigit : quemadmodum Propheta Dauid à Deo petebat dicens: *Confige timore tuo carnes meas à iudicijs enim tuis timui*; à iudicijs inquam tuis, quæ superbos Angelos in infernum deiecerunt, Sodomitas igne cælitus delapso absumpserunt, & impios orbis habitatores vniuersali diluuiò extinxerunt. O diuinam iustitiam! ô æquitatem! Porro quo timorem istum sanctum in cordibus pectoribusque nostris concipiamus, tres peremptorias rationes oportet obseruare, propter quas Deus communiter timeri solet ac reformidari. Primò propter potentiam quæ inuincibilis est. Secundo propter Sapientiam quæ infallibilis; ac Tertiò propter iustitiam quæ inflexibilis est. Primū itaque si inuincibilem eius potentiam consideres, Deus omnipotens est; quo quid maius non dico fingi potest, sed cogitari? Etenim si Magnates quorum potentia non mediocris est nemo non metuit, quis Deum non timeat cuius potentia infinita est, & de quo B. Iob ait: *Si fortitudo queritur robustissimus est?* Iā si illud etiam omnibus creaturis à natura insitū est,

est, magistros vt suos & quibus subditi
sunt reuereantur: quemadmodum bestię
Leonem regem suum, cuius rugitu exa-
minantur, reformidant; quāto ergo am-
plius Deum timeri par est, quanto istius
formidari & leonino suo rugitu id est so-
no extremi iudicij percellere nos debet
ac exanimare? Cum præsertim illius po-
tentia non tantum ad diuitias extendat-
ur, eas vt confiscare, aut tantum ad cor-
pora ea vt captiuare valeat, sed etiam ad
animas eas vt affligere illi liceat porri-
gatur. Vnde præclare consequitur diuinā
potentiam omnibus temporalibus Prin-
cipibus formidolosiores esse oportere;
quēadmodū ipse seruator noster Matth.
10. docet cum ait: *Nolite timere eos qui occi-
dunt corpus, animum autem occidere non pos-
sunt, sed potius timete eum qui potest & ani-
mam & corpus perdere in gehennam.* Itaque
cum ipsorum etiam Regum scita & de-
creta pænæ transgressoribus præfixæ ti-
more munita sunt & propter eum obser-
uantur: tum certè haud aliquanto diligen-
tiores in DEI mandatis obseruandis esse
nec oportet quippe quæ non bona tantū
sed corpora etiam animasque transgres-
soribus solent auferre. Vnde Psalmista
ait: *Tu mandasti mandata tua custodiri nimis,*

Secundum

Secundum cur Deus timendus videatur, infallibilis illius sapientia est; ita namque & Rex Salomon à famulis ministrisque suis timebatur quia videlicet incredibilis in eo sapientia & indubijs perplexisque rebus expediendis dexteritas elucebat; quam euidentissime in iudicio siue altercatione duarum meretricum demonstravit. Ita etiam Heri à seruis & Matres familias ab ancillis suis timentur, dum videlicet præclare intelligunt, nihil se facere posse eorum quod sapientiam fugere laterèque possit. Et quomodo futurum est ut æternus ille immensusque Deus cuius oculi radijs solaribus clariores sunt, propter infallibilem suam sapientiam nō timendus esse videatur? Est videlicet ille scrutator renum nostrorum, est explorator cordiū, est denique omnium et si minutissimarum cogitationū explorator; Nihil hunc fugit, nihil latet; omnia illi patēt, omnia clara manifesta que sunt. Tertium propter quod Deus ab hominibus timeri debet, est inflexibilis illius iustitia. Etenim si reus aut maleficus aliquis hoc amplius iudicem suum timet ac reformidat, quo iustiores eum esse cognoscit, & nec auro, nec cognatione,

nec timore expugnari illum posse intelligit : Quomodo DEVS timeri non potest, de quo Prouerborum illud non incongruè aut inepte adduxeris : *Zelus & furor viri non parcat in die vindictæ, nec suscipiet pro Redemptione plurimæ* Est videlicet ille sponsus animarum nostrarum : itaque cum eas in die Iustitiæ in adulterio deprehenderit, tum vero nec prece, nec pretio corrumpi se sinet aut expugnari. Maneat ergo gnauam diligentemque Discipulam, à timore isthoc salutari lectionem suam inchoare debere, & auspicari, secundum scripturam enim omnium reliquarum doctrinarum initium est. Et addit rationem Diuus Bernardus cum ait : Tunc homo quid DEVS sit recte intelligit, cum eum timere discit. Et quisquis iustitiam potentiamque illius timet, hic iustum potentemque illum esse persentiscit; imo Deum isthoc modo per spiritus speculationem cognoscere, id vero hominem sapientem non minus quam scientia scientificum facit.

Per spiritus namque instructionem docti, & per affectionem bonam sapientiam

pientes simus. Aliud enim est vbi multæ opes sint exploratum habere, aliud eas possidere. Scientia & cognitio diuitiarum opulentum neminem facit, sed vsus, sed fructus, sed possessio. Ita non multum scire hominem sapientem facit sed Deum timere. Vnde Ecclesiast. 1. dicitur. *Radix sapientiæ timere Deum*, vt enim ex radice folia, rami, & fructus progenerantur, ita ex timore Dei omnifariam virtutes progignuntur atque profeminantur: quicunque enim Deum timuerit, hic non nisi bene aget, iustus, prudens, fortis, temperans, in propositis firmus & cōstans erit; quia videlicet timor charitatem etiam in animam introducit. Ex quibus iam nunc intelligis Timorem illum merito omnis sapientiæ quoddam Zeugma & complementum appellari. O beatos igitur ac felices quibus hoc timendi donum iustissimus Deus fuerit elargitus! Prælegit hanc lectionem Spiritus S. discipulis suis quando per Psalmistæ os ait: *Venite filij, audite me, timorem Domini docebo vos*. Vbi notandum est quod dicit, *Timorem Domini*, videlicet ad differentiam naturalis illius timoris qui vt passio est, ita laudem non meretur, sed subito hominem malum aliquod animo præuenientem inuadit; cū

contra

contra timorem Dei non nisi voluntario
 spontaneoque studio addiscamus. Agite
 ergo (E. V. Seruatoris N. I. Discipulae,
 excitate ingenia, applicate intellectus,
 ut sanctum hunc timorem in vobis
 concipiat, qui vobis non contestim spiritum
 salutis in vobis gignat fieri non potest.
 Magnus qui inuenit sapientiam & scientiam.
 sed non super timens Dominum. Timor Dei
 super omnia se superposuit beatus homo cui
 donatum est habere timorem Dei qui tenet il-
 lum cui assimilabatur timor Dei initium direc-
 tionis eius Fidei autem initium agglutinandum
 est ei. Eccles. 25. & postea 34. capite fu-
 sius adhuc & copiosius sancti illius ti-
 moris vis atque perfectio ita describitur.
 Qui timet Dominum nihil trepidabit & non
 pauebit, quoniam ipse est spes eius: timens
 Dominum, beata est anima eius, ad quem re-
 spicit & quis est fortitudo eius? oculi Domini
 super timentes eum, protector potentie, firma-
 mentum virtutis, tegmen ardoris & umbra-
 culum meridiani, deprecatio offensionis, &
 adiutorium casus, exaltans animam & illu-
 minans oculos, dans sanitatem & vitam, &
 benedictionem. O insignes & illustres uti-
 los diuini illius timoris! o admirabiles
 utilitates quos sancta illa lectio omni-
 bus Christianis animabus affert! Per hunc

D

(sicu

(sicut ex duabus supradictis authoritatibus pater) fidē, spem, & amorem in Deo consequimur. Hic pulcerrimus ille flos fuit, ex quo Sancta Susanna sertum confectum habebat, de qua Dan. 13. legimus; quod videlicet speciosissimæ formæ fuerit, quod Deum timuerit, quodque id ab ineunte adolescentia à parentibus suis didicerit. Doceant mihi hanc lectionem omnes parentes liberos suos, non vanitates, non voluptates, non illecebras, & melius aliquanto vobis consuletis.

Secunda primæ isti agnata atque affinis lectione est Humilitas: Timor namque & Humilitas non consanguineę tantum sunt sed etiā sorores. Hinc quisquis Deū timet, ante eum se prosternit atque humiliat, & instar agnelli mitis mansuetusque efficitur. Et docuit nos hanc lectionem ipse Dominus noster, quādo ad Apostolos suos Matth. 11. ait: *Discite à me quia mitis sum & humilis corde.* Discite à me quia porta Paradisi sum, quā nemo ingreditur nisi qui se humiliat atq; inclinat. Discite à me, quia gratiæ fons sum, ex quo ut vitæ aquas hauriatis, vasa cordium vestrorum dimittere debetis. Discite à me Magistro vestro Discipulæ meæ, quem
quo

quo ex veritatis suggestu docentem audiatis in terram humilitatis sedere vos oportet. Discite quia sapientiam gratiamque comodo consequimini. Vt enim is qui domus aut Thesauri alicuius clauē habet, cum vult eum accedere & lustrare potest; ita qui humilitatem habet nullo plane labore ad sacrarum scripturarum intelligentiam cognitionemque potest peruenire: quæ enim grandes latuerunt, ea paruulis & humilibus patefacta explicataque fuerunt; quemadmodum Dominus Noster in Euangelio suo ipse confitetur. Porro si illud etiam verum est ijs nos libentius nostra credere & manifestare, ea qui tegere & non temere propalare didicerunt: incōueniens reuera foret superbis & arrogantibus sapientiæ ac scientiarū thesauros concedere, qui nihil eorum occultare possunt quibus inanis populi rumor & applausus capi posse videtur. Cum contra humilis scientiā prudentiāque suā non magnopere iactitet, eas supprimat, nec nisi proximi salute aut Dei honore exigente ostendet. Secundo plures humilibus quam superbis gratiæ conferuntur, quia videlicet eas conseruare didicerunt; quæ quidem ipsa illa causa est alteri quod nos

& nostra sæpenumerò credamus. Verum enim vero quemadmodum nemo est qui non existimet thesaurum aliquem consultius occultari, ne videlicet auferatur: sicut Ezechiae Regi euenisse legimus, qui cum thesaurum suum Babylonio Legato ostendisset, eo postea carere debuit, quam ostendi quamque in propatulo collocari. Ita humilitati proprium agnatumque est dona à Deo accepta tegere & non superbè arroganterque eliminare.

Tertia autem Collegij lectio in Charitate amoreque Dei & proximi consistit, qui cæteras vniuersas complectitur. Et dedit hanc nobis Seruator etiam noster, quando Ioan. 11. ait: *Mandatum nouum do vobis vs diligatis inuicem: in hoc cognoscent omnes, quod discipuli mei eritis, si dilectionem habueritis ad inuicem.* Et S. Paulus Romanorum 13. de hac lectione sic ait: *Plenitudo legis est dilectio.* Imo si quæ adhuc alia n. à data reperire est, ea omnia vrbis istis comprehenduntur. *Diliges proximum tuum sicut te ipsum.* Hæc denique vltima illa lectio & postremum præceptum est, quod Christus Seruator Noster in pulcherrimo sermone suo super cænam ad Apostolos suos habito omnibus nobis commenda-
uit.

uit; & ideo omnibus diligentius & accuratius à nobis obseruandum est. O breuem, ô facilem, ô insigniter vtile lectionem! quæ adeo clara perspicuaq; est, nemo vt non eam intelligere: adeo breuis & compendiaria, nullus vt non quam sepiissime eius recordari: adeo utilis, eam vt propter à Deo amari mereamur: adeo denique facilis vt non maria emetiti, non longas molestasque peregrinationes suscipere, non denique multa profundere necesse sit, amoris vt isti hoc præceptum impleas ac obserues. Insinuauit hoc Moyses Deut. 30. dicens *Mandatum hoc quod ego præcipio tibi non supra te est nec proxi populo, sed iuxta te est sermo valde in ore tuo vt facias illud.* Et Christus ipse Matth. 11. ait: *Iugum meum suauē est, & onus meum leue;* quæ reuera omnia istiusmodi sunt quemlibet vt Collegij huius studiosum ad Dei amorem & proximi dilectionem debeāt inflammare. Et quid omnino vetat quominus fratres sinus, habentes vnum patrem Deum, & vnā matrem Ecclesiam, & non nisi cælestem immarcescibilemque hæreditatem expectantes, Et enim si germanos & carnales nostros fratres diligimus, qui hæreditatem nobiscum diuidētes eam minuunt atque accidunt: absque

illis namq; foret maiorem portionem & partem consequeremur: quanto iustius Christianos fratres nostros amabimus, qui hæreditatem communem nobiscum cernentes, tantum abest, vt eam immi- nuant, augent potius & amplificant. Quanto enim beatorum numerus maior fuerit, tãto exaltatio lætitiæq; nostra copiosior futura erit: imo plus de proximi quam de nostra felicitate gaudebimus & gestiemus. O lectionē quā addiscamus multo quā dignissimam, siquidē in ea reliquæ vniuersæ comprehenduntur! O lectionē facillimā, nisi plane furgi, asini, & verueces sumus! O breuē & compendia- riam, siquidē in pauculis solū his verbis consistit: *Diliges Deum & proximum sicut te ipsum.* Hanc si nos memoriæ mandaue- rimus & memoriæ mandatam exercue- rimus, tum vero omnibus post homines natos Philosophis sapientiores peritio- resq; euademus. *In his duobus mandatis vniuersalexpendet & Prophetæ.*

DE VIRGA QVA COLLEGII

*Præceptor desides & igna-
uos castigat.*

CAPVT VII.

S Alomon in Prouerbijs suis ait: *Stulti-
ciam*

tiam puero alligatam esse & non nisi virga ab eo illā expelli. Et docet hoc ipsum quotidiana experientia, qua videmus iuventutē nihil potius quā lusumquā risum cōsectari, nec facile inter discendū vim sibi aliquā facere solere, absq; virgæ metu foret & disciplinæ. Corpus autē nostrum puero nō absimile est, quod voluptatibus suis indulgere appetit, bisq; feriari & pergræcari quā semel ieiunare gestit: Ei anima vt pædagog⁹ assignata est, eius vt imperio improbæ illius libidines coerceantur, & lasciuia desideria voluptatesq; cōstringantur. Cæterū si ea negotio suo indormiat, si provinciam suā male administret, & pædagogi officio minus accurate & diligenter fungatur: tū vero Deus virgas & flagella expedit, animam dolore & tristitia, corpus autem infirmitate aut alia quapiam aduersitate punit. Vtebatur hac virga Christus, quando mercatores è templo eiciens dicebat: *Domus mea domus orationis est*; imo verum Sapientiæ Collegium. Vos autem improbi & discoli discipuli nugastantum in eo tractatis, & ex schola mea forum & locum publicum venditionibus emptionibusque destinatum facitis. Et loquitur de hac virga Pro-


Propheta Dauid cum ait: *Si dereliquerit filius eius Regem, & in iudicijs non ambulauerint, visitabo in virga iniquitates eorum, & in verberibus peccata eorum* Tu autem Christiana anima & Vniuersitatis istius studiosa, nunquid etiam aliquando virgas, quod aiunt accepisti? nunquid aliquando à virga Dei cæsa castigataque fuisti? omnino credo: aliter enim ex illius amicis non esses, qui quo familiariores charioresque illi sunt, hoc sæpius & acius quandoque castigantur. At caue altius & incondite nimis clamores ac vocifereris: reque enim Magister tuus id curat, sed tam diu te cædit, donec quiescas, & appropinquare diligentius te deinceps lectionem addiscituram, & fructuosius in sapientiæ Collegio versaturam esse. Vbi observa discipulinam hanc seu flagellationem qua Deus nos cædit, præclaram sapientiam subsequi & insignes prudentiæ fructus comitari; quemadmodum Salomon Sapient. 8. docet cum ait: *Doctrina est enim disciplina Dei* Vnde consequitur patienter eam excipiendam esse, tametsi dura & aliquanto asperior inclementiorque nobis videatur. Pridò quia hæc disciplina manifestum signum iudiciumque est a Deo nos diligere & amare, imo veros

illius

illius filios liberosq; esse. Vt enim nem o
 est qui non confectum statuatur eum pri 4 i
 gnum esse qui minus punitur, eum que
 contra legitimum & naturalem filium
 qui à patre amplius ceditur & castigatur:
 ita Deus quos cælesti hæreditati destina-
 uit, alicubi si peccent & immorigeros se-
 se ostendant betula ac virga sua punit,
 sicque ad meliorem frugem reducit: im-
 probos contra & sceleratos impune ab-
 ire permittens, tamen si haud aliquanto
 durius asperiusq; cædi mereantur. Quod
 pessimum signum & indicium est, eos vi-
 delicet veros æternæ Patris filios non es-
 se, pro quibus ille cælestem hæreditatem
 seruauit. Et ideo Apocal. 3. ait: Ego quos
 amo arguo & castigo. Et Salomon 3. Prou.
 filium suum erudiens inquit: *Disciplinam*
Domini fili mi ne abijcias & ne deficias cum
ab eo corripieris. Quem enim dirigit Dominus
corripit, & quasi pater in filio comp'at et sibi.
 Cui Paulinum illud Hebræor. 12. cōsonat:
 Quod si extra disciplinam estis, cuius partici-
 pes facti sunt omnes: ergo adulteri & non fi-
 lij estis; & consequenter supernam hære-
 ditatem non adipiscemini. Et Prou. 3. di-
 cunt. *Qui pareit virgæ odit filium, qui autem*
diligit instanter erudit. Et rursus 24. cap.
No. i subtrahere à puero disciplinam, si enim

percuſſeris eum virga non morietur. Tu virga percuties eum & animam eius de inferis liberabis. Patiamur ergo non omnino moleſte feramur ſi à Magiſtro noſtro aliquando feriamur. Parens enim noſter eſt & tenerrime nos amat. Omnes illius filij talia ante nos paſſi ſunt. D. Virgo Maria diſciplinam afflictionis & dolorum accepit. Ipſe Jeſus Seruator Noſter virgis cæſus fuit, & ad columnam flagellatus. Et S. Paulus ait, ter virgis caſtigatum ſe fuiſſe, & verbera numeraviſſe: *A Iudeis quinquies quadragenas vna minus accepi.* Neque vero cæteris Apoſtolis aliter euenit, de quibus in actis legimus quod à Sacerdotibus legis verberati hilares à iudicibus diſceſſerint, gaudentes pro Chriſto Jeſu contumeliam paſſos ſe fuiſſe. O Chriſtiani quid agimus? cur humeros non demittimus à patre & Magiſtro noſtro diſciplinam accepturi, qui pro nobis virgis cædi & crudeliſſime flagellari ſuſtinuit? Nam quâti eſt pro amico colaphum vau accipere, qui antea immanes labores, pœnas, tormenta, & dolores pro nobis ſuſtinere non dubitauit? qui pro nobis cõſputus, deriſus, ludibrio habitus & poſtremo in Crucem actus fuit: quemadmodum Eſaias inquit:

Iſe

*Ipse autem vulneratus est propter iniquitates nostras attritus est propter scelera nostra, disciplina pacis nostrae super eum, & lixore eius sanati sumus. Verum dicat mihi hoc loco aliquis; Cum Deus virginis suis nos cædit ac punit, licetne tum suppliciter eum obtestari, quatenus manum suam cohibeat & parcat? Omnino vero respondeo: modo id recte fiat, quemadmodum Davidem Regem magna populi sui mortalitate plexum, cum Angelum virginis gentem suam cædentem conspicaretur, dixisse accepimus: Sufficit nunc, contine manum tuam. Ita namque & pueri sub Magistri ferula & berula solent exclamare, O Domine sufficit; Magister satis est. Diligentius deinceps studebo, & melius me tractabo. Nobis ergo etiam ad hunc modum dicere, vel potius Prophetæ Ieremiæ orationem recitare licebit: Scio Domine quod non est hominis via eius, nec viri ut ambulet & dirigat gressus suos Corripe me, verumtamen in iudicio & non in furore tuo, ne forte ad nihilum redigas me. Hæc precatione secundum Fulgentij & Divi Augustini expositionem, à Deo petimus ut nos in rectam viam deducat, & ut filios corrigere dignetur, quos ille
D.  punit*

punit ut emende, beneuolentia uidelicet
 & naturali stringit uiratus. Vnde si non-
 nunquam etiam labi eos haurire nanque
 intelligat ac permittat, ad vero idcirco
 facit ut cautiùs deinceps ambulent, suis
 uerbis non confidant, & absque diuino
 auxilio nihil se posse intelligant. Agite
 proinde Christianæ animulæ, agite stu-
 diosa discipulæ, scholæ non ualedicite
 quibus betulas, quia ulmos, quia virgas
 profert, non relinquit nec odite Magi-
 strum vestrum, quia discolos corri-
 git, quia inertes punit, quia improbos
 castigat. Exemplum vobis S. Paulus sit,
 qui ad Romanos cap. 8 scribit: *Quis ergo
 nos si parabit à charitate Christi? tribulatio?
 an angustia? an fames? an nuditas? an pericu-
 lum? an persecutio? an gladius? sicut scriptum
 est Quia propter te mortificamur tota die: esti-
 mati sumus sicut oves occisionis Sed in his om-
 nibus superamus propter eum qui dicitur nos.
 Certus sum enim quia neque mors, neque vita,
 neque angeli, neque principatus, neque virtu-
 tes, neque instantia, neque futura, neque fortitudo
 Neque altitudo neque profundum, neque
 creatura alia poterit nos separare à charitate
 DEI, quæ est in Christo IESU Domino
 nostro.*

Secundò virga hac equo animo feren-
 da ex-

da excipiendaque est, quia per eam emē-
damur non autem exterminamur, sicut
Psalmista dicebat. *Castigans castigauit me
Dominus & morti non tradidit me;* & alibi:
*Disciplina tua correxit me in finem, & disci-
plina tua, sive me docebit.* Legimus in ædifi-
catione templi Salomonis lapides ante
caesos, sectos, politosque fuisse, ne postea
cum quilibet suo loco collocaretur, mal-
lei sonus ullus exaudiretur. Et nos fru-
mentum non ante in seminaria grana-
riaque deponimus, quam flagellis rusti-
corum probe pulsatum & omni palea
fuerit repurgatum. Ita ergo & nos viui
lapides p iusquam loco stabili & firmo
in cælesti Hierusalē constituamur, mal-
leis ærumnarum pulsari polirique & ab
omnibus carnalium affectionum paleis
debemus repurgari. Et ideo, etsi nos non
intelligamus ac nunquam etiam vix ac
ne vix quidem persuadere nobis id valea-
mus, omnes persecutiones quas sustine-
mus commodum nostrum spectant &
utilitatem; quamadmodum D. Paulus
Heb. 12. adstipulatur. *Omnis disciplina in
presenti non videtur esse gaudii sed mæoris,
postea autem fructum pacatissimum exercita-
tis per eam reddet iustitiæ.* Vade quibus
Deus in hoc mundo coniuget, & quos

clementiæ suæ virga in præsentissimo sæculo non corripit : eos postea flagello ferreo castigat. *Reges eos in virga ferrea* ait Propheta Dauid. Nonnullis autem ideo in hoc sæculo non ignoscit, vt in æternum eos non plectat. Hinc enim Psalmista ait: *Virga tua & baculus tuus ipsa me consolata sunt.* O res admirabilem & insolentem ! virga in mel conuertitur, flagellum in saccarum mutatur ! Quid est hoc dicere ? Quod pulsandi, quod cædendi genus hoc est, tantam dulcedinem suauitatemque præ se ferens ? Ingratum est virgis cædi, dolet vapulare, dolet disciplinam accipere : at baculus nos fulcit, at erigit, at sustentat ne videlicet in impatientiam prolabamur. Deus mærentes consolatur, tristitiam eximit, & lachrymas detergit. Vt enim mala Punica cortice amaro ingratoque sunt, fructus autem dulces & visu delectabiles habent : ita virgæ ac punitiones diuinæ, hoc ipso quod affligunt, amaræ, & dum consolationem in corde relinquunt suaues iucundæq; sunt ; vnde Psalmista ait : *Secundum multitudinem dolorum meorum in corde meo, consolationes tuæ letificauerunt animam meam.* Et D. Paulus. 2. ad Romanos cap. 1. ait : *Sicut abundant Christi passionibus in nobis :*

ita & per Christum abundat consolatio nostra. Et Hebræorum nono dicit, in Arca Moysis vna cum virga tabulas legis & manna fuisse, vt videlicet constet manna consolationis diuinæ virgam correctionis subsequi aut comitari. Ita ergo D. Andreas hilari & sereno vultu Crucis sue baculum quo vapulaturus erat intuitus fuit, & elata altaque voce exclamauit dicens; O bona crux, quæ decorem & pulcritudinem de membris Domini suscepisti; accipe me ab hominibus, & redde me magistro meo: vt per te me recipiat, qui per te me redemit. Ita etiam Regina Hester virgam Assueri ad se protensam osculata fuit. Ita denique nos disciplinam qua corrigimur, amplecti diligereque debemus: benedictum enim omne lignum est, per quod iustitia fit. Cæterum sicuti parens postquam filium suum ceciderit & castigarit, non illico virgam igne comburit, sed filio osculandam offert, & ab eiulatu cessare illum iubet: ita Dei virgæ quædam sæpenumero sunt inimici & persecutores nostri, quemadmodum Ezechiel capite septimo, attestatur dicens; *Floruit virga, germinauit superbia,*

iniquitas surrexit in via impietatis. Volens itaque clementissimus pater noster non omnino dolore nos opprimi, vult vt virgam eius qua cæsi fuimus osculemur, & inimicos qui persecuti nos fuerunt diligamus: sicut ipse in c. 5. Matr. docet: *Diligite inimicos vestros, benefacite his qui oderunt vos, & orate pro persequentibus & calumniantibus vos, vt sitis filij patris vestri qui in celis est.* Cōsidera mihi itaq; iam nūc studiosa Christiana discipula, quomodo deus nos ceu filios suos castiget, quomodo ad nostram correctionem & emendationē nos puniat, & quomodo denique virgam patienter tolerare; ei pro amore & beneuolētia paterna gratias agere debeamus: quemadmodum adulti iam nonnulli faciunt, qui pro præceptoribus suis Deum precantur, à quibus sæpenumero cæsi castigatique fuerunt.

Tertius virgæ istius fructus vtilitasque hæc est, quod illius beneficio sæpè pœnas poenæ effugimus, & euidentissimo signo deprehendimus, aliquando nos in Paradiso regnatos esse. Verum enimvero quemadmodum malefici nonnunquam mortem cui merito adiudicari poterant, virgarum supplicio effugiunt: & sicut Pilatus Redemptorem nostrum le-

sum

sum à morte præferuare volens, cædi flagellarique eam præcepit, quemadmodum Luc. 23 legimus? *Emendatum ergo dimittā illum.* Ita virgarum diuinarum beneficio, inferni patibulum Crucemq; effugimus. Iam præterquam quod ingens istud diuinæ bonitatis testimonium est, quia videlicet leui pænæ genere iustitiæ sati fieri & peccata nostra expiari vult, aliud quoque accedit, quod nimirum per Dei flagella agnoscimus aliquando nos in cælesti Paradiso regnatos esse. Vt enim illic quem Regem condimus & salutamus virgam regiam seu regale sceptrum in manus porrigimus: ita Deus quos punit atque castigat, verum ijs dominatus signum virgam videlicet præbet. Hinc enim ipse ceu Rex Regum tenet, de qua Psalmista ait: *Virga æquitatis virga regni tui.* Hac ille nos ferit non enecat: Hac pulsat, non occidit: Hac verberat, non autem mactat. Audite proinde quotquot estis Christianæ Discipulæ quid Propheta Regius vobis suggerat, & ad quid vos vocet: *Apprehendite disciplinam ne quando irascatur Dominus, & peccatis de via iusta.* Sufferte laborem modicum, tolerate pænas, & in hoc mundo humiles abiecteq; estote, donec insequenti

vita

vita tripudietis, gestiat, & flagrorum
verborumq; omnium expertes viuatis.

*DE DIDACTRO QVOD IN
Collegio Sapientiæ soluitur.*

CAPVT VIII.

SI eadem Collegij Sapientiæ ratio con-
stitutioque foret, quæ vel Parisiensis
vel Tholosanæ Academiæ est, in quibus
qui quâdam velut bonarum artium mer-
caturam exercere desiderant, probe num-
matis opulentosq; esse oportet: tum ve-
ro non immerito studiosi Christiani di-
dactri magnitudinem accusare, & quod
propter id à Collegio Sapientiæ abstinue-
rint seseque absentauerint, testari vocife-
rarique possent. Id Deus multo eum
ante præuidisset, maximas Collegio illi
facultates addendas & insigniter sibi il-
lud dotandum esse existimauit: quo vi-
delicet illius studiosi & Auditores loco
didactri & argenti gratias Doctori Iesu
Christo tantum referrent, huic soli glo-
riam darent, honorē obseruantiamq; de-
bitam adhiberent, & totos vni se illi de-
dicarent. Vnde præclare Sapiens Eccle-
siast, 2, ait: *Appropiate ad me indocti & cōgre-
gate*

COLLEGIUM SAPIENT. 91

gate vos in donum discipline: quid adhuc retardatis & dicitis in his? anime vestre stant vehementer, aperui os meum & locutus sum. Comparate vobis sine argento sapientiam & collum vestrum subiicite collo eius. Et suscipiat anima vestra disciplinam. In proximo est enim inuenire eam. Socrati cum multa multi pro suis quisque facultatibus offerrent, Aeschines pauper auditor, Nihil, inquit, dignum te, quod dare tibi possum inuenio, & hoc modo pauperem me esse sentio. Itaque dono tibi quod vnum habeo, me ipsum. Hanc munus rogo qualecunque est boni consulas, cogitesque alios cum multum tibi darent, plus sibi reliquisse. Cui Socrates. Quidni tu, inquit, magnum munus mihi dederis, nisi forte paruo te aestimas? Habebo itaque curæ, ut te meliorem tibi reddam quam accepi. Vicit Aeschines hoc munere Alcibiadis patrem diuitijs apertum, & omnium iuuenum opulentorum munificentiā. Quid? annon idem nobis quod Aeschini liceat? & tanto amplius quanto minus IESVS Christus Magister noster temporalibus nostris bonis indiget, & beneuolū tantū memoremq; animū reposeit: aliud pro
dida-

didactro non efflagitans quam gratiarum actiones. Et inuiauuit iam ante ad hoc. Ios. S. Paulus in Epistola ad Colofenses cap 3 vbi ait: *Omne quodcunque facitis in verbo aut in opere omnia in nomine Domini nostri Iesu Christi facite. gratias agentes Deo & Patri Eterni. ad Th. Galatenses c. p. 5. In omnibus gratias agite; hæc est enim voluntas Dei in Christo Iesu in omnibus vobis* In omnibus inquit, vt intelligas, tam pro generalibus quam pro particularibus gratias reilli reddere persolvereque debere. Generalia autē beneficia & ea quæ vniuerso hominum generi collata sunt, D. Bernardus declarat dicens: *Fratres mei, gratias agamus factori nostro, Benefactori nostro, Redemptori nostro, & Remuneratori nostro: qui nos ad suam imaginem & similitudinem condidit, & perditos Diaboloque venditos pretioso sanguinis sui litro redemit; qui homo factus fuit vt nos, carnem vt nos, & esse nostrum assumpsit: Quique coronam gloriæ nobis reservat, aliquādo vt se nobis totum donet ac largiatur. O merita! O beneficia! quis vobis par sit, aut quis demum condignas vobis gratiarum actiones persolvere sustineat? Cum ecce nihil omnibus inexhausta illa diuini numinis boni-*

bonitas, particularia illis quodidie adhuc addit, & in specie quamlibet non multo minus demeretur. Porro specialia illa seu si maioris particularia beneficia ad tria fere capita reuocari possunt. Primum est quod nos peccati cæno immerfos ad pænitentiam vitæque nostræ emendationē multo quam patientissime expectat & præstolatur. Secundum est, quod ex scelerum ac flagitiorum sordibus emergentes diuinæ gratiæ infusione iustificat.

Tertium quod iam iustificatos in bono confirmat atque conseruat. Quorum vnumquodque trifariam expendendum considerandumq; est. Cogitabimus itaq; primò quoties peccatus nostris grauissimis frequentissimisque pænitentiae tempore indignos nos reddiderimus: quod toties factū fuit quoties peccato aliquo mortali nos obstrinximus; omnis enim peccator eo ipso vitæ vsura indigneus est, quod erga vitæ auctorem immemorem ac in gratum sese demonstrat. Redigemur deinde nobis in memoriam, quoties in periculo mortis vitæque perdundæ constituti pænitentiae opportunitatē amittere potuerimus, nisi peculiari beneficio Deus nos protexisset. Vnde etiam intelligis quantum Protectori & Vindicti tuo debeas,

debeas, qui collum tibi è recte exemi,
& ceruices incumbenti securi subduxit:
si enim peccatis ita obrutus exspirasses,
nunquid recta ad damnationem con-
tendisses? Tertio & postremo tempo-
ris nobis præstantia consideranda est,
quod à Deo nobis ad salutares pæniten-
tiæ fructus exercendum indulgetur, &
in quo Paradisum lucrari possumus, quod
in Inferno constitutis non licet. At prò
dolor, ea nunc nostra sunt tempora, ni-
hil ut minus quam tempus faciamus,
pessime id collocemus, & ludicris futi-
libusque rebus transigamus. Iam quod
ad secundum particulare beneficium iu-
stificationem videlicet attinet, consi-
deremus, quibus non peccatorum vin-
culis Deus nos exoluerit, quæ non de-
licta nobis condonarit, & quoties nos
non à corporea sed æterna morte trans-
gressionibus nostris debita liberarit.
Cogitemus adhæc etiam, quomodo nos
DEVS è peccatorum pulvere ac sordi-
bus eductos, in illustri iustificationis di-
gnitate collocarit, quomodo è statu per-
ditionis nos extraxerit, quomodo in
saluationis viam erroneos reduxerit, &
ex filijs iræ misericordiæ filios effece-
xit,

rit, quod nequaquam vnique ha-
 stenus præstuit. Porro intellecto benefi-
 cio quod est boni confirmatio, difficul-
 tatem in bono persistendi considerabi-
 mus, & quomodo id citra peculiare Dei
 beneficium continuare non valeamus,
 perpēdemus. Testatur hoc Lucifer, qui in
 gratia ac veritate persistere nō sustinens
 ē cælo præcipitatus fuit. Confirmat hoc
 protoplastus Adam, qui etsi in terrestri
 Paradiso constitutus foret, diu tamen in
 statu innocentiae persistere non potuit.
 Clamat hoc denique Apostolus Iudas,
 qui in schola Seruatoris Nostri IESV
 Christi per concupiscentiam in apostasi-
 am prolapsus fuit. Quid multis? Probat
 hoc naturæ nostræ fragilitas, inimici
 vastities, & innumerabilium tenta-
 tionum ac peccandi occasionum ille-
 cebra. Vnde concludimus perseveran-
 tiam in bono peculiare DEI donum
 esse: quod sicut nemo non assiduè ef-
 flagitare, ita qui id acceperit, stu-
 diosissime pro eo gratias referre de-
 bet.

NUNC quoniam ea hætenus ve
 opinor satis declarata sunt ex qui-
 bus gratiarum nostras actiones,
 com;

componere extruereque debemus, videamus item etiam quibus conditionibus affectu illarum se debeant ut bona Deo que accipere sint. Ego itaque sic eas multum debere intelligo, ut immortales, ut continuæ, ut vniuersales, & à bono sinceroque animo profectæ sint. *Et primo*, quid est gratiarum illas actiones magnas seu immortales esse volumus, ut beneficiorum que à Deo accepimus magnitudinem aliqua saltem ex parte respondeant. Intellexerunt hoc Machabæi illi cum dicerent: *De magnis periculis à Deo liberati, magnifice gratias agimus ipsi.* Verum enim vero si nefas & indignum arbitramur ei à quo vini amphoram dono accepimus, gratias non reddere ac persolutum ire, quantas putas ei agere & referre par erit, qui omnia ex mera sua liberalitate & munificencia in nos confert? *Secundo* continuas gratiarum actiones esse volumus, quemadmodum supra ex D. Paulo demonstrauimus: ob hanc enim causam omnes omnino horum Canonicæ cum Deo gratias absoluantur, quod videlicet intelligamus vniuersas nostras operationes gratiarum actione finire debere ac terminare. *Tertio* vniuersales etiam esse oportere dicimus, quia in omnibus & pro omnibus Deo
per

persolui debent, æque in prosperis ac ad-
 uersis, ut in bonis ita & malis, & non mi-
 nus pro exiguis quam magnis præstan-
 tibusq; muneribus. Et alludit huc S. Pau-
 lus cum ait: *Gratias Deo semper agentes pro*
omnibus. Comprehenduntur ergo hic etiã
 morbi, infirmitates, ærumnæ, & pauper-
 tas; Nam pro bonis quæ apud nos depo-
 sita sunt gratias agere & benefactori re-
 ferre, id vero natura ipsa animantibus
 in seuit; quemadmodum canis qui pro pa-
 nis frusto blanditur, illoque accepto nes-
 cio quam suo modo gratitudinem præ-
 se fert. Imò cognouit bos possessorem suum &
 asinus præsepe Domini tui. A Christianis au-
 tem haud aliquãto plus requiritur & po-
 stulatur, ut videlicet inter dubia & aduer-
 sa inque angustijs miserisq; constituti
 vocem non edant quin ante dixerint;
Laus Deo. Sit nomen Domini benedictum.
Gratias ago Deo pro omnibus. Et obseruauit
 hoc admirabilis ille diuinę sapientię the-
 saurarius Iob quãdo in extrema necessi-
 tate cõstitut⁹ ait: *Dominus dedit, Dominus*
abstulit sit nomen Domini benedictum. Cæ-
 terum si gratiarum illas actiones vniuer-
 sales esse oportere intelligimus, illud re-
 uera etiam consequitur, & pro Inferno
 gratias nos Deo dicere persolvereque o-
 portare,

portere, quemadmodū S. Ioannes Chry-
sostomus declarat in Paulinæ sententiæ
paulo ante à nobis allegatæ expositione.
Et quis omnino inficiari ausit pro tor-
mentis supplicijsq; Infernalibus Diabolo
& illius complicitibus destinatis Deum
nos laudare debere & exaltare? siquidem
illorum salutari contemplatione ac me-
ditatione sanctum in nobis horrorem
excitamus, & non aliter quam potenti
aliquo freno à male agendi instituto
impetuique cohibemur. Maneat ergo
sempiterno illi omnium bonorum e-
largitori Deo, non modo pro cognitis
& manifestis, verum etiam pro ignotis
& occultis beneficijs gratias agen-
das esse. Vbi grauis illorum error
deprehenditur, qui cum in aduersitates
à DEO conijciuntur, aullo se peni-
tus beneficio affici arbitrantur. Diuini
enim numinis immensa & inexhausta
bonitas tanta est, vt etiam nolentibus
& nihil tale cogitantibus gratias cæle-
stiaque sua dona impertiat. Itaque cum
etiam Turci & scelerati Hæretici DE-
VM impijs suis linguis proscindunt ac
blasphemant, ille nihilominus eos
gubernat ac nutrit, possessiones, hæ-
reditates, sanitatemque illis confert.

Iam si DEVS istiusmodi hominibus bona sua elargitur, qui præterquam quam quod id ignorant, insigniter etiam ingrati sunt, quid vos cum nobis non collaturum arbitramini? Et quid omnino aliud Deus agit quam hominum generi benefacere, modo quietem modo laborem, iam infirmitatem iam sanitatem ipsi indulgendo? His ergo ita accurate à nobis expensis & consideratis, quomodo amabo fieri poterit, ut non vniuersales gratiarum actiones DEO persolvere cupiamus? Fecit id præclare Diuus Augustinus cum ait: Laudandus mihi es DEVS meus, quia in prosperitate consolatus es me, & in aduersitate castigauiste me. Antequam essem, quia tu me fecisti. Cum essem, quia tu salutem mihi impertiuisti. Cum peccassem quia tu mihi condonauisti: Quando patiebar, quia me adiuuisti: Quando perseuerabam, quia tu me coronauisti.

Quemadmodum ergo Philomelæ id à natura datum concessumque est, ut noctem diemque pariter cantu traducat: ita spirituales auiculæ quæ per conuersationem cælestem in cælum euolant,

lant, iucundissime Deo canere & tam in die sanitatis quam in nocte infirmitatis psallere debent ac modulari. At quantus imò quam exiguus istiusmodi Philomelarum numerus est! Immemores sumus, ingrati viuimus, & beneficia non agnoscimus. Audi proinde quid Psalmista de nobis dicat: *Confitebitur tibi cum benefeceris ei.* O impios ô perditos ingratos, qui non nisi in prosperis & secundis rebus Deum laudare illique benedicere didicistis! Hoc est in Collegio sapientiæ didactron suum exoluere, cum bene habes Dei tui meminisse? Sciebat hoc versipellis ille Sathanas, vnde ad Deum conuersus Iob 1. ait. *Nūquid Iob frustra timet Deū? Non ne tu vallaſti eum ac domū eius, vniverſamque ſubſtantiam eius per circuitum: operibus manuum eius benedixiſti, & poſſeſſio eius creuit in terra? Sed extende paululum manum tuam, & tange cuncta quæ poſidet, niſi in faciem benedixerit tibi.* At præclare eo loco Diabolus falſus deceptusque fuit: Iob enim gratiarum ſuarum actiones indefinenter continuabat, quod egregie Diabolo displicebat. Inter omnia enim quæ ab hominibus fieri ſolent exoſiſſimum illi eſt, Deum in aduerſis laudare, quem ipſe in inferni ſui penis conſtitutus con-

tinuo blasphematur. Author est Aristoteles sub finem libri secundi Politicorum, Platonem inter cæteras suas leges hanc etiam ciuibus suis dixisse, assidue vt luctando se exercerent, quo ambidextri euadentes ad bella certaminaque promptiores deinde essent. Et erat istiusmodi ambidexter Aioth ille de quo in libris Iudicum legimus, quod Eglon Moabitarum Regem interemerit, & æque dextra ac sinistra manu expedite vsus sit. Fuerunt quoque tales ambi dextri filij Israel qui in templi ædificatione altera manu laborabant, altera gladium tenebant, vt eos qui se à reædificatione impedituri essent, arcerent ac submouerent. Porro ex istorum etiã numero Christianos nos esse oportet, vt videlicet æque dextra prosperitatis ac læua aduersitatis inimicum Diabolum debellemus; & tam hoc quam illo tempore gratiarum Deo actiones persoluamus. Eæ autem non à lingua tantum, sed ex intimo pectore procedent, leuatis in altum manibus, id est bonis ac sanctis operibus. Iam sicut Psalmista ait Cælum ceu Creaturam etsi mutum ac voce destitutum, Creatoris tamen sui Dei gloriam annuntiare, ita qui in seruitio Dei ætatem suam exigunt, etsi muti forent,

DEVM tamen suum laudarent & superexaltarent. Cæterum ad generalitatem illam vniuersalitatemque gratiarum illud etiam non omnino inepte referri potest, quod Diuus Chrysostomus in Comment. super secunda ad Corinthios capit primo ait; Non tantum pro omnibus quæ nobis exhibita sunt beneficijs grates Deo persolui oportere, sed etiam in genere pro vniuersis quibus Rēmpub. Christianam affecit, & quorum participes facti sumus. Ad eo vt sicut pro priuatim mihi collato beneficio in publico & coram omnibus gratias ago, id etiam pro publico priuatim gratiarum actionem Deo instituam. Iatuere mihi paulisper lucidum illud mundi sidus, solem puta, qui etsi non propter te tantum creatus est, sed pro vniuerso humano genere, tu tamen non aliter eius lumine vteris quam si pro te solo conditus esset. Ita virtus quam in proximo relucere conspiciamur, mirabiliter nos iuuat atque ædificat; vnde etiam gratias pro illa DEO reddere persolvereque debemus. Certe si illud etiam cogitas quomodo DEVS Pentapoli Sodomorum & Gomorræorum parcere voluerit, decem si

tantū iustos in ea reperisset: annon quoque iuxta manifeste intelligis quantū beneficij ab alterius virtute ac bonitate recipere valeam? Sciuit hoc B. Paul. Apost. qui pro Corinthijs ac Romanis & deniq; pro omnibus ad fidem conuersis Deum glorificabat. At dices, Alteri⁹ bonū meū non est, & cur pro eo gratias Deo acturus sum? Respondeo itaq;, etsi id ita se haberet, nihilominus tamē Deū te laudare oporteret, quia vidi licet proximi tui bonū parti seu mēbro corporis tui accidit, omnes enim vnum corpus constituimus & Iesum Christum caput nostrum agnoscimus. Iam tamen si bonum illud alienū foret, tu nihilominus tuum id facere potes, si pro eo Deo gratias persoluas. Consuetudo illa, ait D. Chrysostomus, semper in Ecclesia plantata fuit, alter vt pro altero communi nostro Creatori gratias agat. Et diximus iam ante D. Paulum sedulo id fecisse, qui pro donis Ecclesiæ Christianorum ad quos scribebat DEO gratias persolvebat. Quartum ad gratiarum actionem rite instituendam requisitum est, vt in hilaritate cordis, affectione voluntaria non autem coacta & in tristitia eam offeramus. Vnde S. Paulus cap. 5. ad Ephesios ait: *Cantate*

tes & psallentes in cordibus vestris Domino,
 gratias agite semper pro omnibus. Ingrati au-
 tem lagenæ quædam aut hydriæ sunt, in
 quas vinum infusum sensim & cum læti-
 tia quasi defluit, at non nisi cum murmu-
 re quodam strepituque effunditur: ita in-
 grati beneficia fronte hilari & serena ac-
 ciipiunt, cum surdo autem quodam mur-
 mure gratias reddunt. Cum contra San-
 ctus & Grati gratias suos cantent, quemad-
 modum Ieremias de ciuitate superna Hie-
 rosolymitana ait: *Gaudium & lætitia inue-
 nietur in ea, gratiarum actio & vox laudis.*
 Ultima gratiarum conditio est, ut humi-
 les sint, prout Propheta Micheas cap. 6.
 ait: *Quid dignum offeram Domino? curuabo*
genu Deo excelsò, agam illi gratias non ut
Pharisæus, qui inflatus & turgidus erecto
corpore eas recitabat, quemadmodum
S. Lucas cap. 18. ait: Pharisæus autem stans
dicebat, Deus gratias ago tibi. Aliter ergo fa-
ciam, inclinabo caput, curuabo reue-
renter genua, sicq; Præceptoris meo
gratias dicā, qui alio didactro
in suo Collegio non pasci-
tur quam gratiarum
actione.

COLLEGII SAPIENT. 105
DE DIAETA ET SYSTENTA-
tione studiosorum in Collegio
Sapientie.

CAPVT IX.

QVam communiter omnes ij qui
artem scientiamque aliquam tra-
ctandam excolendamque susceperunt,
viribus exhauriantur ob eamq; fere cau-
sam famelici sint, & Mecæmate aliquo
qui alimenta victumque illis sufficiat in-
digeant, nemini non compertum explo-
ratumque est. Itaque cum etiam supre-
mus ille Collegij Sapientie Rector &
Administrator Deus præclare id intelli-
geret, istiusmodi sibi alimenta studiosis
suis subministranda esse existimavit, ijs
vt cõfirmati & recreati paratiores ad in-
genij cultum efficerentur. Ea ergo Verbũ
Dei sunt, quod qui audiunt, eos repente
omnis cibi potusque obliuio subeat ne-
cesse est. Non enim in solo pane viuit homo,
sed in omni verbo quod procedit ex ore Dei.
Vnde discipulus Moyles librum legis ac
Sapientie in monte Sina Dei manibus
exaratum accipiens, potu aut cibo corpo-
reo refectus non fuit, sed quadraginta
diebus & noctibus continuo ieiunauit:
E 5 susten-

sustentante illum verbo DEI, quod pel-
lem macerabat & spiritum animamque
explebat. Hic enim est verus ille vitæ pa-
nis, quem Discipuli à Præceptore nostro
Iesu Christo Ioannis 7 efflagitabāt dicē-
tes: *Domine da nobis semper panem hunc.*
O felicem Sapientiam quæ Discipulos ac
Auditores panis potusque loco ex satiat!
Alludit huc scriptura cum ait: *Cibavit*
eum pane vitæ & intellectus, & aqua
sapientiæ salutaris potavit illum. Et quam-
uis quæ hætenus diximus istiusmodi
plane sint liquido ut ostendant & a-
struant, verbum DEI sapientiæ stu-
diosorum cibum alimentumque esse,
nescio tamen quo pacto de sola diuina
gratia conuenientius id nos posse dicere
videamur, quæ instar panis & vini illis
est. Et faciunt omnino adhuc locum
quæ Sapientiæ quintodecimo de gra-
tia diuina inueniuntur: *Propter hoc om-*
nium nutritici gratiæ tuæ deservebant, ut sci-
rent filij tui quos dilexisti Domine, quoniam
non natiuitatis fructus pascunt homines, ser-
mo tuus hos qui in te crediderint conseruat;
ait Sapientia de filiis Israel in deserto
constitutis. Ex quibus præclare intelli-
gimus gratiam diuinam altricem ac nu-
tricem nostram debere appellari. Et te-
stat

statutur id ipsum Diuus Paulus qui in epistola ad Hebræos capit. decimo tertio ait: *Optimum est gratia stabilire cor, non escis, quæ non proderunt ambulanti in eis.* Declarauit hoc etiam ipse Seruator Noster in Euangelio ad Samaritanam dicens: *Qui biberit ex aqua quam ego dabo ei, non sitiet in æternum, ubi per aquam gratiam suam intelligit, quam cum ex misericordiæ fonte haustam Samaritana illa IESV CHRISTI discipula effecta gustasset, omnem repente sitim perdidit atque restinxit. In cuius postea rei fidem ac signum hydriam cum aqua ad fontem relinquens, confestim in ciuitatem se recepit, eum ut ciuibus ac inquilinis annuntiaret, qui totam suam vitam sibi explicarat. Neque vero huic tantum acquieuit, sed Discipula IESV iam effecta & in cæleste illius sapientiæ Collegium introducta, Theologicum dubium Magistro sibi suo proponendum esse existimauit. Id tale erat; Præstaretne DEVM in monte Garizin, in quo Prophetæ facere id soliti fuerant, an vero in Templo Hierosolymitano venerari & adorare? Cui CHRISTVS respondit dicens; Neq; in monte neq; in*

Templo necessario illum adorari oportere, sed in spiritu & veritate. Etenim cū Deus spiritus sit in spiritu etiam orari adorari que debet, & non tam corpore quā corde, ac potius interius quam ex erius hoc orari; tamen si vtrumq; bonum Deoque acceptum sit. Maneat ergo iam nūc illud quod antea diximus, gratiam videlicet diuinam Studiosorum Collegij Sapientiæ cibum esse, quo eorum animæ saginantur, ingenia curantur, & animi recreantur. O delicatum ferculum! ô dapsiles cibos! Hoc pretiosum cælestique illud ferculum est quod omnem suauitatem in se continet, ipsumque adeo manna quo Israelitæ vefcebantur excedit. Atque si etiā hoc loco ex me quæras, quidnam diuinam gratiam nominem atque appellem, dico donum illam esse animæ à Deo collatum, & qualitatem supernaturalem, per quam homo Deo gratus efficitur, & illius benevolentiam indispiscitur. Hac mediante Homo diuinæ naturæ particeps fit, & filius Dei per adoptionē nūcupatur. Per hanc imago Dei sordibus peccati originalis conspurcata & maculata reparatur & pristino quodammodo nitore restituitur. Hęc deniq; vt semel dicā, symbolū est quo mali à bonis, improbi à iustis,

iustis, & Sancti à sceleratis discernuntur. Tres autem gratiæ sunt; prima gratia præueniens nominatur, Secunda cooperans appellatur, & Tertia denique consummans nuncupatur. De quibus omnibus breuiter & neruose S. Paulus epist. I. ad Corinthios ca 15. ait: *Non ego sed gratia Dei mecum gratia eius in me vacua non fuit & gratia eius sæper in me manet.* Vbi cum dicit; *Non ego sed gratia Dei mecum*, gratiam præuenientem intelligit; Cum autem addit; *Gratia eius in me vacua non fuit*, quis non videt eum de gratia cooperante & concomitante loqui, quæ omnibus nostris operibus adest. Itaque cum etiam concludit dicens; *Gratia eius semper in me manet*, quid amabo aliud intelligi potest quam consummans illa gratia quæ perseverantiam in bono nobis tribuit ac largitur? Per primam ergo gratiam filius prodigus bonis suis dilapidatis ad se reuersus fuit & dixit; *O miserum me! ô desperatum! perdidisti meam patris mei, excidi ab illius gratia, porcorum commensalis factus sum: surgam ergo & ad parentem meum reuersus dicam: Pater peccaui in cælum & coram te.* Per secundum deinde Gratiaæ genus bonum propositum in effectum deduxit, patri se suo stitit, & vnā ab illo

110 PRIMA PARS

efflagitauit. Per tertium denique primis vestimentis induitur, paternæ mensæ accubit, deinceps cum parente viuit; subque primum illius ingressum in gratiæ restitutæ signum vitulus saginatus mactatur. Cæterum tres istæ gratiæ Græcorum illæ Charites sunt, quæ Amorem seu Charitatem continuo stipant ac comitantur; quia videlicet vt ex sole radij ita ex diuina gratia Caritas & vniuersæ reliquæ virtutes proficiunt. Vnde Ecclesiastici cap. 40. dicitur: *Gratia Dei sicut paradisus benedictionis.* Quemadmodum enim in terrestri Paradiso diuersæ frugiferæ feracesque arbores conspiciebantur, inter quas arbor vitæ, quæ hominem nutrebat spectabilis maximè erat: ita etiam diuina gratia DEO nos acceptos facit, omnesque in se virtutes continet, ex quibus postea fructus sanctorum operum actionumque procedunt. In harum autem medio Caritas eminet & antecellit, vita inquam animæ & optimo iure arbor vitæ Spiritualis nuncupata. De gratia præueniente S. Ioannes in 1. sua Canonica cap. 4. ait: *In hoc apparuit Caritas Dei in nobis, non quod nos dilexerimus Deum, sed quoniam ipse prior dilexit nos.* Et Psalmista dicit: *Deum mem, misericordia eius*

COLLEGII SAPIENT. in

eius praeueniet me. Et alibi Deum orans inquit: *Cito nos accipient misericordiae tuae, quia pauperes facti sumus nimis.* Hæc gratia omnia nostra merita praeuenit: etenim si ex operibus nasceretur, non iam gratia (ait D. Paulus) sed debitum esset. Per hæc ergo Deus nos à peccatis repurgat atque iustificat, tamen si nihil minus quam excellentem istiusmodi statum mereamur. Vnde præclare D. Bernardus in Canticis Synagogæ arrogantiam reprehendens, exclamat & ait: O stolidam sponsam Synagogam, quæ iustitiam Dei, id est gratiam sponsi tui qui te iustificet continis, illique iustitiam tuam anteponis subijcereque non vis! Et ob hanc postea causam miserabilis illa sponsa repudiata, & in illius locum sponsa Iesu Christi Ecclesia inquâ substituta fuit: quæ omnem suam gratiâ ac vniuersa virtutum ornamenta dilecto sponso attribuit, eiq; accepta fert à quo sanguineo lauacro lota, à peccatorû sordib; mûdata, & amictu pretiosissimo fuit condecorata. Vnde apud Oseâ c. 2. ait: *Spôsabo te mihi in iudicio & iustitia, & in misericordia & miserationibus;* quibus addere nō immerito potest: Non elegisti tu me in sponsum, ego autem te in sponsam elegi: & vt te eligerem nō me

merita

merita tua exētauerunt quæ præueniſ
Non inueni, inquam, ſed præueni. Quid er
 go ſuper eſt niſi vt rectum iudicium in
 ter vtramque partem inſtituatur? Non
 extollant te opera tua, non inflent te iu
 ſtitia legis, non glories de onere & ca
 loribus æſtuq; diei, in miſericordia enim
 & fide per meam gratiam deſponſata mi
 hi es. Porro de miſericordia Dei ſubſe
 quente Pſalmiſta ait: *Et miſericordia eius*
ſubſequetur me, omnibus diebus vitæ meæ.
 Et Sponſa in Canticis cap. 2. de duabus
 ſuis gratijs ſic inquit: *Dilectus meus mihi &*
ego illi. *Dilectus,* inquit, *meus mihi,* qui me
 præuenit, & *ego illi* qui me cuſtodivit, in
 bono per ſuam gratiam conſeruauit, qui
 que denique per perfeuerant am omnia
 conſummabit. Porro tres etiam iſtæ gra
 tiæ, tres illi panes Euangelici ſunt, quibus
 ſapientia Collegium frequentantes reſi
 ciuntur, & de quibus ſeruator noſter Lu
 cæ vndecimo ait, quod à vicino mutuo
 accipi debeant, ijs vt amicum peregre ad
 nos venientem excipiamus. *Amice com*
moda mihi, dicit alter, *tres panes, quoniam a*
micus meus venit de via ad me, & non ha
beo quod ponam ante illum. At quo pignore
 eos tu te panes accipere poſſe arbitraris?
 nullo reuera alio quā gratia obedientia
 ac hu

ab humilitatis. De humilitate namque apud Ecclesiast. cap. 3. scriptum est: *Quanto magnus es, humiliat te in omnibus, & coram Deo inuenies gratiam.* De obedientia autē Prou. ca. 1. dicitur. *Audi fili mi disciplinam, & ne dimittas legem matris tue, vt addatur gratia capiti tuo.* Iudō vt paucis viriusque virtutis vim & efficaciam comprehendā, dico vbiuis gentium seruum humilem & obedientem æque coram mundo atque Deo gratiam inuenire. Gratia autem ista oleum illud est, quo vidua illa elemosynaria tempore annonæ charitatis in Sarepta Sidoniorum se & Eliam pariter sustentauit; quemadmodum tertio Regum cap. 17. legimus Et S. Ioannes diuinā illam gratiam vnctionem appellat, quia videlicet Christiani ea iniunguntur, qui oleū gratiæ per Iesū Christū plus omnibus Angelis hominibusq; illo affluentē acceperūt. Illud vero etiā admirabile est quod gratiæ istud alimentū, doctos prudentesque nos facit: quod videlicet manifestior Diaboli fraus euadat, qui falso id ipsum fructu arboris comesto se prestiturum spondit. Quoniam vero Christiana anima persuasissimum mihi est, fieri non posse, vt hæc legens cumque animo tuo ruminans confestim nō interrogēs,
sciri;

scitine aliquo modo possit vtrum gratiæ istius oleum in te effusum sit; sic habet; Quatuor admodum signa esse ex quibus non obscure colligi possit, homo ne quispiam gratiam S. Spiritus habeat, & illius oleo pctusus delibutusq; sit. Primū est, Si Dei mandata obseruet: Quemadmodum enim ligna 'cui inūcta, aut lychnus lampadis oleo intinctus melius ardet, clarius lucet, & longius flagrat: ita diuinæ gratiæ vnctio præcepta legis obseruari, corda nostra ampliari, & animos facit inflammari. Alterum cælestis illius vnctionis, indicium est, si lubrici simus sicque tentationes Diaboli per quas nos capere nititur effugiamus. Quemadmodum de veteribus Lanistis pugilibusque accepimus, qui nudi dimicantes corpora oleo inungebant, quo facilius aduersarij manum effugerent & angillarum instar elaberentur.

Tertium diuinæ gratiæ in nobis habitantis indicium est, si bona à malis acri iudicio discernentes quid sequendum fugiendumque sit facile dispiciamus. Qui enim vnctus est, hic perse satis superque lucidus & apparens est. Vnde D Ioannes in supradicta sua Canonica ait: *Non necesse habetis vt aliquis doceat vos, sed vn-*
ctio

Deo docet vos de omnibus. Quartum signum erit, si onera tribulationum & fasces persecutionum imperterriti inuicto que animo feramus, eos patienter toleremus, & nequaquam murmuremus: quemadmodum rotæ probè inunctæ faciunt, quæ immani currus pondere grauatae absque ullo stridore voluuntur ac iter suum ementiuntur. Illud tamē ante omnia, Christiana animula, scire te velim, quod quemadmodum muscæ & vespe pinguibus inunctisq; locis facillime adhærescentes, eos maculant inquinantque; & sicut vespertilioes ex Templorū lapidibus oleū exsugunt, præsertim si ignis earum sopitus sit: ita quoq; vanarū & superbarū cogitationum muscas gratia diuina perunctis facillime omnino adhærescant. Itaq; dū antiquum suum faciunt & turmatim panem ac esculenta studiosorū obsident, depellendæ subito sunt & amouendæ. Eadem tamen si cor seduli & diligentis cuiuspiam studiosi ardere conspiciant, suapte sponte cedunt & fugam petunt. Illud denique omnibus omnino Collegij Sapiētis auditoribus antiquissimum esse velim, vt alimentū cibumq; istū suū quā diligentissime custodiant; neq; enim viator absque viatico, nec studiosus absque

ascu-

esculentis, nec anima absque diuina gratia viuere potest aut superesse. Cum autem eam consecuti fuerimus, tum vel maxime studendum nobis fuerit eam ut custodiamus & retineamus. Quemadmodum ergo ante astruximus humilibus & obedientibus à Deo illam concedi, ita iam nunc dicimus tumidis & arrogantibus eam subtrahi atque auferri. Et S. Bernardus cap. 4 & 50. ait, Gratiā non nisi per Superbiam à nobis exulare, semperque in nobis habitare nisi per peccati lapsum expellatur. Cuius quidem rei locuples nobis testis est B. Paulus Apostolus, qui inuitus & coactus carnis stimulos aculeosque sentiebat, non quod superbus esset, sed ne aliquando fieret; habens nihilominus tantum roboris ac viriū quantum ad illis resistendum sat esset. Certum namque & iudubitatum est quamlibet elationem, subsequens illa existensque sit, diuinā gratiam nobis subtrahere, quam cum semel indepti fuerimus, sollicitè nobis procurandum est ne superbiæ typho inflemur, sicque concessæ nobis vñctionis ac cælestis gratiæ iacturam faciamus. Et aduertendum adhuc est gratiæ illo nomine aliū adhuc cibū haud aliquanto isto præstantiorem significari,
panem

panem videlicet sacramentalem corpus
 & sanguinem Iesu Christi in se continē-
 tem, qui à Græcis Eucharistia appellatus,
 apud Latinos bonam gratiam sonat. Per
 quem non tantum gratia sed ipse serua-
 tor Noster Iesus Christus omnis gratiæ
 elargitor recipitur. O præstans ferculum?
 ô sumptuosum conuiuium! Certe nec ip-
 si Angeli in cælesti suo Collegio laurius
 delicatiusque nobis reficiuntur. Iam si
 illud etiam verum est eos demum cibos
 laudari commendarique satis non posse
 qui naturæ humanæ medeantur, quid
 de nostro illo ferculo dicendum erit,
 quod præsentissimum contra mortem
 antidotum & alexipharmacon est? quæ-
 admodum ipse seruator Noster confir-
 mat dicens: *Caro mea vere est cibus, & san-*
guis meus vere est potus, qui manducat hunc
panem viuet in æternum. Hic cibus delicata
 delicatissimi agnelli Iesu Christi caro est,
 quæ postea ad ignem acerbissimæ passio-
 nis affata fuit. Hæc venatica illa est quæ
 etsi Iudæi insequerētur, neutiquam eam
 tamen degustare potuerunt, sed vt im-
 mundi impurique canes ab illa repulsi
 sunt; ita nobis veris ac legitimis DEI
 filijs præparata appositæque est. Hac di-
 ligens illa Iesu Christi discipula D. Ca-
 thari,

tharina Senensis refecta longo tempore cibum potumque non gustauit. Agite ergo vos etiam studiosi sapientiæ, cumq; à studijs non nihil respirare voletis, ante manibus decenter lotis mensæ vobis strætæ apparatusq; accumbite; & illud Paulinum diligenter recogitate. *Probet seipsū homo, & sic de pane illo edat & de calice bibat.*

DE FVRIBVS QVI SAPIENTIAE studiosis alimenta conantur suffurari.

CAPVT. X.

INter omnia plane poculenta ac esculenta quæ supremus ille terrarum Oeconomus Deus humano generi sustentando largitus fuit, nullum pane vinoque aut salutaris aut præstantius est; siquidem hoc hominem exhilarat, & ille exhaustum debilemq; confortat; cui Psalmista adstipulatur dicens: *Panis cor hominis confirmet, & vinum letificet cor hominis.* Vtrumq; autem ad humanam naturam sustentandam nutriendamq; à Deo concessum nobis est. Hoc ergo cum nonnulli nebulones sciant atq; intelligant, omnibus modis allaborant, eum vt cibum Sapientiæ studiosis subtrahant ac suffu-

ren-

rentur. Itaq; cum frumentū in promptua
 ria seminariaque conuectū est, adfunt re-
 pente insecta, quæ instar furum angulos
 occupantia, omnem frumenti medullam
 depascuntur, & præter corticem paleasq;
 nihil relinquunt. Similiter in cōpluribus
 locis proximis annis talpæ campum in-
 uaserunt, illicque ex agris in occultas ca-
 uernas frumentum deuehentes, insigni
 damno colonos affecerunt. Ex hoc ge-
 nere sunt vsarii & sæcrotiores qui alijs
 damnis & alterius paupertate opes suas
 augere cupientes, & opulenta filiabus
 connubiâ apparantes, agros inuadunt &
 frumentum eo modo flagellant vt non
 nisi ab ijs haberi coemique possit. Verum
 his omnibus pestilētiore totique Chri-
 stianæ Reipub. perniciosiores illi sunt,
 qui cibos & alimenta Seruatoris IESV
 discipulis ac auditoribus furari satagunt,
 & Verbum Dei scripturamque sacram
 ijs subducere & extorquere cōtendunt:
 exuentes medullam sensus spiritualis,
 & præter inutilem literę verborumque
 corticem nihil relinquentes. Quos tamē
 illi adhuc superant qui falso scelerato-
 que dogmate CHRISTVM in sacra-
 mento altaris contineri inficiantur: asse-
 rentes Christi Discipulos ac studiosos
 panem

panem tantum benedictum recipere, qui
et si signum corporis Iesu sit, alius ab eo
tamen non est quem pistor exiit: sicque
quantum ipsis est, animabus Christianis
caelestis & angelici panis nutrimentum
subtrahere conantur. O fures! O nebulos-
nes! O surdastros! ergo diuinæ iustitiæ
Administros non timetis, neue ij vos
apprehēdāt nō formidatis? bene ad nodū
surdastros vos appellaui, si nāq; aurū sē su-
vteremini, utiq; verba Iesu Christi intelli-
geretis qui ait: *Accipite & māducate, hoc est
corpus meum; quemadmodum S. Paulus
ad Corinth 1. ca. 11. ait: Ego accepi à Domi-
no quod & tradidi vobis, quoniam Dominus
Iesus in nocte qua tradebatur, accepit panem,
& gratias agens fregit & dixit. Accipite &
manducate, hoc est corpus meum quod pro vo-
bis tradetur: hoc facite in meam commemora-
tionem. Similiter & calicem post quam cæ-
navit dicens, Hic calix novum testamentum
est in meo sanguine, hoc facite, quotiescunque
biberitis in meam commemorationem. Quo-
tiescunq; enim manducabitis panem hunc, &
calicem bibetis: mortem Domini annuntiabi-
tis donec veniat. Itaque quicumque manduca-
uerit panem, & biberit calicem Domini indig-
ne: reus erit corporis & sanguinis Domini,
Probet autem seipsum homo; & sic de pane il-
lo edat,*

lo edat, & de calice bibat. Qui enim manducat
 & bibit indigne iudicium sibi manducat &
 bibit, non diiudicans corpus Domini. Hec ver-
 ba quisquis sanæ mentis compos pensi-
 culatus examinarit, & adhibita in consi-
 lium ratione trutinavit, fieri reuera non
 poterit, quin confestim intelligat verum
 corpus Iesu Christi secundum fidem nostram
 in altaris illo sacramento contineri, quod
 nobis pro animæ nostræ nutrimento ac
 refectioe propinatur. Neque enim Chri-
 stus tantum corpus id suum esse dixit, sed
 ipse etiam D. Paulus Apostolus præpara-
 tionem dispositionemque nobis incul-
 cans, quid omnino aliud manifestius ac
 euidentius indicare potest, quam facta
 consecratione aliud quippiam quam pa-
 nem & vinum in altari remanere. Id enim
 si non fieret, quid præparatione & anxia
 illa dispositione opus foret, siquidem ad
 panem digne decenterque manducandum
 cum benedictione illum sufficit accepta-
 re? Præterquam quod etiam Servator No-
 ster Iesus in memoriam mortis sue carne
 nos sua vesci voluit, & precioso sanguine
 potari. Quemadmodum enim filij Israël
 in memoriam illius quod ex Aegyptiaca
 servitute liberati; quodque eorum pri-
 mogenita cum Aegyptijs ab Angelo occisa

cisa non fuerint, quotannis Paschalē agnum escitabant, quemadmodum Exodi duodecimo legimus: Ita nos Christiani per Iesum seruatorem nostrum ex captiuitate Diaboli, Mundi, Carnis & Peccati liberali manu in libertatem afferti, & lōge quam Israelitæ illi excellētoribus beneficijs affecti, ex iussu & mandato Præceptoris nostr. quolibet vertēte anno in tantorum meritorum memoriam Agnū nostrū Paschalem qui est idē Iesus Christus seruator Noster, manducare debemus ac escitare. Verum enim vero quo veritas figuræ respondeat, sicut agnus Paschalis quo Iudæi vesebantur, nō solum occidi debebat ac immolari, sed etiam ab illis māducari: ita cōueniens erat vt Iesus Agnus Dei nō modo in Crucis patibulo immolaretur, sed etiam in cibum à Christianis fidelibus adhiberetur, quemadmodū S. Paulus docet cum ait: *Pascha nostrum immolatus est Christus. Itaque epulemur.* Et quamuis alia scripturę testimonia ad manus plane nulla forent, quibus veritas Teruenerandi istius Sacramenti adstrui posset & confirmari, ipsa tamen id ratio euincere & vulgaris agendi modus interque homines recepta consuetudo cōprobare illud posset. Neque enim omni-

no res adeo insolens est, Regem tam potentem, Dominum tam liberalem, & spōsam Nostrum tam perditę nos amantem liberale & inestimabile corporis sanguinisque sui donū Ecclesię spontę suę reliquisse. Illud namq; omnibus etiam mortalibus à natura insitum est, vt ab amico aliquo discessuri pretiosū quodpiā mnemosynō p̄li relinquamus: quo videlicet nobis absentibus donum id intuēs nostrī memoriā ex animo nunquam depōnat sed multo quam suauissime iucundissimeque recordetur. Id vero ita se habere confiteri plane debes, quisquis ab omni amore & humanitate non omnino alienus es. Cum ergo Christus etiam Dominus ac Seruator Noster Ecclesiam spōsam suam enixe deperiret, proque ea exquisitissimis tormentis ad mortem vsque omnium facile crudelissimā subijci & excarnificari iam iam vellet, pro passionis suę suiq; etiam Mnemosyno corpus illi suū reliquit, quod nihilominus corporeos oculos non incurrit, sed sub speciebus sacramentalibus latet absconditūq; est. Quis verō non egregie sordidū & illiberale Dominū Nostrū existimare potuisset, si iā iā à dilecta sponsa, id est Ecclesia discessurus panis illi frustū mnemosyni

loco reliquisset: nō multo parco & auaro alicui ab similibus mēdicabulo & egeno ripem seu panis crustulam porrigenti. Non audiantur itaque friuolæ illæ & absurdæ voces quas nostra tempestate Sacramentarij iactant: asserentes ad sui perditionē in cæna Dominica, præter panem ac vinū nihil reperiri. O linguas virulētas! ò blasphemias execrandas! Negate certe non potestis, mortales miserrimi, Christum Sacramentum hoc suum in sui memoriam instituisse cum ait: *Hoc facite in meā commemorationem*. Id autem si ita est, (si pro quia) an nō existimatis Reges ac Principes sponis suis valedicturos, viam suī effigiē relinquere debere, imò si possent seipsos, amoris videlicet vi ac vehementia eos incitante? Et quis dubitet Christū verum Deum & hominem, cui facultas & voluntas vnū sunt, quique omnia potest, Ecclesiæ se suæ dilectissimæ sponsæ corporaliter sub panis & vini specie relinquere voluisse? sequamur ergo poti⁹ quoratio aurigatur, & quod scriptura clare ac diserte attestatur, nos similiter absque scrupulo credamus, & Seruatorem Nostrum Iesum in altaris Sacramento adoremus ac veneremur. Verum enim vero, Christiana anima, vnde tu deuotionem
illam

illam quam in te sacramento isthoc dig-
ne accepto experiris, proficisci credis, vn-
de corporis animæque illud robur, vnde
lætitiâ & tripudium internum, feruorẽ
diuinæ charitatis, cælestem dulcedinem
& gustum rerũ spiritualium, vnde afflu-
entiâ pacis & tranquillitatis internæ, a-
morem bonorum æternorum, desiderium
indies in melius proficiendi, affectionem
virtutum, & denique vehementem illam
ardentemque ignearum gratiarum exhi-
bitionem promanare arbitraris? An tu
ergo panem materiale tantâ virtute po-
testateq; pollere existimas? Nequaquam:
IESV enim Christi ea vis & efficacia oc-
cultâ est. Etenim si ora vestimenti Domi-
ni nostri Iesu Christi digitis tantum con-
tacta hæmorroissam sanauit; quid mirũ
est si post sacramentum altaris digne &
reuerenter perceptum in præsentia Iesu
Christi tantam vim ac efficaciam sentia-
mus? Certe post susceptionem humilem
ac deuotam sanctissimi huius sacramen-
ti, odia inter Condiscipulos cessant, con-
tentiones sopiuntur, controuersie tollũ-
tur, lites componuntur, vitia displicent,
terrena sordent, pudicitiaque ante omnia
colitur ac honoratur. Per hanc homo to-
tus alius fit, non natura sed gratia, totus

conuertitur ac-totus in melius mutatur, refrenat linguam, amat silentium, orationi vacat, fraternitatem vnionemque desiderat, cordis munditię conseruat, & omnia quę Deo placere intelligit confestim exequitur. Qui omnes spirituales profectus tales reuera tantiq; sunt, nō vt aliunde quam à bonitate S. Spiritus & iucunda Iesu Christi præsentia proueniunt, qui in sacramento altaris mirabiles actiones exercet, sed non æqualiter erga omnes, ob stupendamque suam efficaciam pro dispositione recipientis distribuit. In huius olim venerabilis sacramenti honorem & solennitatem Virbanus 4. Papa, duobus laudatissimis ea tempestate hominibus D. Thomę è familia nostra Prædicatoria, & D. Bonau. ex Ordine S. Francis. in mandatis dedit, solenne vt Officium de venerabili illo sacramento conscriberent. Vtriusq; ergo ab viroque absoluto, D. Thomæ plus placuit, idq; postea approbatum etiamnum in S. Romana Ecclesia decantatur. Itaq; inter omnia etiam diuina officia & annuas solennitates, vnū hoc mihi maxime placet & ad deuotionem in hominum cordibus singularem excitandam appositissimum esse videtur: in quo plus Diuinum quam Humanum de-

pres

prehenditur, vbi figurę cum veritate miscentur, & vetus nouumq; testamentum ita aff. bre iucundaque copula colligantur, modo vt Responsorium ex nouo & Versiculus ex antiquo depromatur, & modo versus ex nouo Responsorium autem ex vetere Instrumento petatur. Quis non commoueatur, quis non occulte feriatur pulcherrimum istum versiculum cani audiens? *Panis angelicus fit panis hominum, dat panis cælicus figuris terminam* O res mirabilis, manducat dominum pauper seruus, & humilis. O sacrum conuiuium in quo Christus sumitur! O singularem & admirabilem, cum donator Deus qui donat, donū est quod donatur! Qui dat oblatus est & datur. O insignem munificentiam, dū Redēptor noster in cibū se nobis porrigit & loco alimēti Discipulis suis apponit! Facit hoc videlicet ille, vt nobis per cibū vitā restituat, qui per cibū mortē nobis cōsciueramus. Lapsus fuit homo māducatō cibo prohibito, & ecce iam fructu vitę sibi cōcessio atq; indulto comesto releuatur. Alter letalis est, vitalis alter: alteri mortis ferculum appendet, alteri vitę nutrimentum. Gustus prioris nos vulnerauit, iste autem contra nos sanauit. Sicque vnde plaga processit,

medicina pariter consecuta fuit. De altero dicitur: *In quocunq; die ex illo comederis morte morieris*. Et de altero seruator Noster ipse ait: *Si quis manducauerit ex hoc pane, uiuit in eternũ*. Elucet profecto in hoc caelesti Myſterio mirabilia tua, ò bone Ieſu, qui nullam animam perire ſed vitam habere vis: qui mortuos, & iam cum Lazaro quatuor ſepultos ac fatentes, id eſt, in longa peccatorum conſuetudine deſunctos, à ſcelerum morte ad uitã ſpiritualem reſuscitas, reſuscitados menſæ accumbere iubet, & accumbentes delicatiſſimo ſanguinis & corporis tui epulo paſcis. Poteras ne aliquid, ò bone Ieſu in cœlo vel mundo reperire quod melius dare te nobis poſſe exiſtimares? Non credo: tu enim ſummum bonũ eſ, imo te nihil melius præſtantiuſq; eſt, quippe qui æternum Dei uerbum eſ, in quo omniſ uitaſ habent, filius vnigenitus Dei, ſapiẽtia patris, ſplendor glorię, inuiſibilis imago illius bonitatis, fons uitę, principium creaturarum, conditor Angelorum, plaſmator hominum & Redemptor. O amorem! ò amorem! Aſſumpſiſti tu ante humanitatem noſtram, & ecce iam nunc etiam in cibum tuam nobis largiris Deitatem! O Diſcipuli Ieſu, cuſtodite amabo
pottio-

portionem hanc vestram, seruate cibum
 ne ab impijs Hæreticis vobis auferatur.
 Quod si aliquos animadaertatis, ne du-
 bitate vocē mittere & clamore eos pro-
 dere: eum namque Deo sit laus Gallorū
 Regem habemus, qui iussu ac seuerè in
 latrones istiusmodi animadaertet, sicut
 nuper declarauit, quando Sacramenta-
 rios, post luculenta damna Lutetiæ ac a-
 lijs ciuitatibus illata, postque blasphema
 mandata & schedas affixas, igne sibi pu-
 tauit esse exurendos. O insigne beneficiū
 quo Deus in calamitoso isthoc & exulce-
 rato sæculo Rempub. Christianā affecit,
 largiēdo illi Principem quā nomine quā
 facto Christianissimum. Que nammodū
 enim Phinees, fornicatore Iudæo & Ido-
 lolatra Madianita è medio sublato, etsi
 alter Dux altera Ducis filia esset, Deum
 placauit & genti sug reconciliauit: Ita et-
 iam iam nunc sublatis impijs Hæreticis
 Christianissimus Noster Rex Deum pla-
 cauisset, & pacem tranquillitatemque no-
 bis restituisse iudicandus est. Odor reuera
 namq; pulcherrimi istius Galbei lilij ve-
 nenum serpentis nullo modo pati potuit
 ac tolerare. Neque vero minus beneficii
 supremus ille Deus nobis contulit, quan-
 do maledictos illos Hæreticos in diuer-

ssimas sectas opinionesque ita diuisit, nullus ut cum altero facere velit ac consentire. Ita dum Lutherus hoc, Oecolampadius istud, & Brentius utrique contrarium dogma fabricatur, turpissima discordia, puridum suum errorem produunt, & conficiuntur: diuagantes per obliqua viarum & proprijs hæresum gladijs miserrime se conficientes. Vnde sicut olim Gigantes illi Nemroth turrim ad cælum usque erigere satagebant, quo videlicet hoc pacto nominis sui ad posteros celebritatem transmitterent: quos tamen postea Deus ita confudit, alter ut alterius linguam intelligere non posset: Ita moderni nostri Hæretici nefarijs ac inauditis suis dogmatibus nouam Ecclesiam alteram turrim Babel extruere molientes, eadem qua Gigantes poena puniuntur, nemo ut alterius placita vocemque velit recipere: omnibus in vnum hoc conspirantibus soli ut Sapientes & Apostoli habeantur. Quo maior Dei Nostri beneficentia est, qui ex alto Ecclesiam suam respiciens, Hæresiarchas mutuis telis se conficere & inuicem contrucidare sinit. Cui soli honor & gloria, qui singulari isthoc modo Ecclesiæ gregique suo auxiliatur. Amen.

COLLEGII SAPIENT. 131
LAUS ET ENCOMIVM COL-
legij Sapiaentia.

CAPVT XL

INter omnia nostræ ætatis Prytanæ
& quædam veluti bonarum artium
Collegia, non immerito Romanum illud
quod non re ipsa minus quàm titulo Sapi-
entiam præ se fert, principem facile locum
obtinet & cæteris amplius celebratur. Id
tamen neutiquam cum magnifico illo
nostro splendidissimoque collegio com-
parari potest, quod Iesus Christus exedifi-
cavit, templum inquàm Dei & in quo om-
nes thesauri sapientiæ absconditi sunt. Et est
reuera ille sapientia nostra, est pulcherri-
mum Collegiū nostrū in quo bona omnia
& scientiæ vniuersæ cōprehēduntur. Hūc
ergo quisquis perfecte cognouerit, is ple-
nā absolutamq; doctrinā indeptū se esse
existimet; quēadmodū S. Paul. ad Philip.
3. attestatur dicens: *Existimo omnia detri-*
mentum esse, propter eminentem scientiam Ie-
su Christi Domini mei, propter quā omnia detri-
mentum feci, & arbitror omnia vt sterco-
ra vt Christū lucrificaciā Neq; enim quidquā
melius sciri potest verbo diuino, quod
Sapientia infinita est. Itaque sicut Maria
Magdalena IESV CHRISTI diligens

ac studiosa D. scipula, aham lectionem
 quam verbū audire non voluit: Ita quoq;
 nos Christiani Dei verbo ac sermone cō-
 tenti esse debemus: non tentantes ma-
 re scripturarū v: & inexhaustam illarum
 abyssum perscrutantes. Imitare m. hi, ō
 Christiana Anima, quod D. Petro dictū
 fuit, qui solus maris profundum ingredi,
 & retia piscaturus eijcere iussus fuit. Suf-
 ficiat tibi cum filia Regis Pharaonis ad
 litus maris exspatiari, illicq; seruatorem
 Nostrium Iesum Christum cista vteri vir-
 ginalis inclusum piscari. Quod si etiam
 alto te credere cupis & profunda scriptu-
 ræ sacræ mysteria perscrutari desideras,
 peritum tibi nauclerū elige; nisi in pro-
 priam perniciem facilis esse velis. Scriptu-
 ræ lectio vt optima ita vtilissima est, sim-
 plicibus autem interprete ac Philippo a-
 liquo opus est. Nam & S. Petrus in secū-
 da sua Canonica ait, in Epistolis D. Pauli
 difficilia quædam obscuraque reperiri,
 quæ quod minus à rudibus intelliguntur,
 ideo ad corruptū adulterinumq; sensum
 à malis trahuntur. Vnde consequitur In-
 terprete aliquo opus esse qui faciem præ-
 ferat & obscura difficiliaque enucleet. Si-
 mile est quod S. Paulus primæ ad Corin-
 thios ca. 14. ait; Eum qui donum lingua-

rum

rum acceperit in Ecclesia tacere oportere nisi interpretem habeat: Et causam addit, quia videlicet dona Dei ad utilitatem Ecclesiæ non autem alio fine adhibenda sunt. Ecce tibi hic causæ meæ præsidium, ecce arcem ecce fundamentum! Etenim si rudes ac illiterati dum Biblia Gallico aut vernaculo alio idiomate descripta legunt, inde non edificantur, ecquid opus est ea illis porrigere? Annō est hoc loqui secundum linguarum donum absque interprete? quod ideo à S. Paulo Apostolo prohibetur, quia sæpius ruinæ quàm edificationis causa est. Ac vide mihi paulisper quid Neemiæ 8. cap dicatur: *Leuite silentium faciebant in populo, populus autem stabat in gradu suo, & Esdras interpretatus est eis verba legis.* Vt enim qui militiam & castra secuturi sunt à prima adolescētia arma tractant, & sub insignibus strategis ac Imperatoribus militarem disciplinā discunt; quemadmodum adolescentuli illi faciebant, quos David sagittandi artem docebat: Et sicut etiam sclopetarij ac sagittarij certos statutosq; dies habent, quibus ad scopum colliment & eiaculentur, donec artis periti sint: Ita etiam in sapiētia diuina, quæ ex scripturis sacris hauritur, nonnullos auditores ac discipulos,

& alios Magistros Doctoresq; esse oportet. Vnde magno bono & sapienter admodum in alia nostra vniuersitate Parisiensi cautum est, ne impune sit effreni nonnullorum licentiæ sacras literas interpretandas suscipere ac explicare. Vbi terminum illum obserua *effrenis licentiæ*; Neque enim omnino vsum sacrarum literarū vulgo interdicit, quod stupidi nonnulli & deliri calumniantur; Quippe cum scriptura sacra optima per se sit & potentissima animarū Medicina. Verū adhibenda illa est ex præscripto Medici spiritualis, sequēda explicatio Doctoris Ecclesiæ, ne quod ex se bonū est, quia male intellectū fuit, explicanti male cedat. Nā si pharmaca etiam quæ per se bona esse nouimus, tamen nō nisi cum periti doctiq; Medici cōsensu & cōsilio accipimus, & si id propter corporis rationē faciendū nobis esse ducimus, ad maiorē animarū salutē id ipsum nō faciamus? Quod si etiā hoc loco obieceris: Vinū bonū ac generosum vendere licere, etsi nonnulli eo abutantur ac inebrientur, eodemq; modo nec vinū diuinæ Sapiētiæ quod in scriptura sacra nobis propinatur, populo interdici, tametsi nonnullos mala & peruersa ei⁹ explicatio perdidit ac inebriarit; Respōdeo, si modus

dus aliquis vini illius boni absq; aliorum
 pernitie & ebrietate vendēdi sciri posset,
 adh beri eū frequentariq; oportere. Hinc
 veri nos & nō adulterini Iesu Christi D. s-
 cipuli modū omnibus scripturæ sacrę vi-
 nū propinandi habemus, nullus vt ex eo
 corrūpatur ac inebrietur: offerētes videli-
 cet illud aqua Doctorū Ecclesię & perito-
 rum concionatorū ante dilutū. E si & il-
 lud non immerito videri potest aliquid
 quod quantūvis vinū per se bonū sit, id ta-
 men nō omnibus promiscue, & infantib-
 us plane non propinatur, quia videlicet
 vsum illius ignorant. Age proinde & tu
 Christiana Discipula, bibe vinū sacrarum
 scripturarū quēadmodū id ego tibi prę-
 bibo, propino, & explico; hacque ratione
 nō te corrūpet, nō inebriabit, nō demēta-
 bit. Precare adhęc diligenter Spiritum S.
 quatenus tibi gratiā suā largiri dignetur,
 quo facilius dulcissimum illius vinum ā
 fēcūlētō & adulterino dignoscas. Preca-
 re inquā illū assidue & sedulo, & introdu-
 cet te cōfestim in cellā suā vinariā, illico
 que generosissimum diuinę sapiētię vinū
 nunquā inebriandæ & eo quo dixi mo-
 do promer ac propinabit. Verū hęc vt o-
 pinor satis superq; multa sunt, vt tāijs qui
 vulgatam nimis Bibliorum lectionem.

accusant, quā qui eam defendunt & propugnant, factum à nobis satis esse videatur. Neque enim quod illi mendaciter calumniantur, patris sui testamētum eripio, sed id à Presbyteris & publicis Dei notarijs legi præcipio. Non aufero illis panē filiorum, sed à legitimis Patrisfamilias seruis & Dispensatoribus distribui eū debere dico. Non rejicio bonum vinum, sed instar præconis clara voce ad tabernam publicam bibituros inuito. Non repello studiosos, sed eos in Collegium Sapiētiæ recipio; vnumquemque autem secundum regulam, hunc Magistrum, illum Auditorem salutādo. At quæres tu fortassis hoc loco dilecta Iesu Christi Discipula, quomodo qui de Collegij Sapientię laudibus dicere instituerim, ad hanc disceptandi materiam prolabar. Et quamuis à proposito aberrauisse me non nihil faterer, cum tu tamen errorem vt salutare interpretaberis, & eorum tātum gratia commissum credes, qui scripturam ab hominib⁹ discere, & sacras literas à legitimis doctoribus explicari audire dedignātur; dicentes paruulis & simplicibus reuelata esse quæ literatos fugiant & eruditos Occam ignorantiam! ô ignorantem cecitate! Qui ergo superbiæ typho inflati sunt,
qui

qui plus omnibus sapere se arbitrantur, qui mortalium arrogantissimi sunt, qui Doctores aspernantur, & nō aliter quam Atlante cælū ita suo supercilio Religionem & Spiritum S. etiam niti existimant? Quid est Hierarchiam Ecclesiasticam evertere si hoc non est? de qua S. Paulus ait: *Deum ded t quosdam quidem Apostolos, alios autem Prophetas, alios verò Euāgelistas, alios autem Pastores & Doctores ad consumptionem Sanctorum in opus ministerij, in edificationem corporis Christi.* Et alibi docet, Singula corporis membra singulas operationes habere, alio oculum, alio manū, alio deniq; officio pedes fungi: ostendēs similiter in Ecclesia alios vt oculos se habere, ignorantes ducendo & rudibus præcundo: alios autem manuum instar esse, labores exantlando & operando. Quid? Moyses ille intimus vt sic dicam Dei familiaris, etsi cum Deo colloquiū institueret, affinis tamen sui Ietronis cōsiliū non aspernabatur. Quin & S. Paulus ab ipso Deo doctus, vsq; in tertiū cælum raptus, ad Ananiam erudiendus accedi, postquam iam ante ad pedes Gamalielis legē didicisset. Similiter Cornelius auctore & suatore Angelo, S. Petrū quaesivit, vt ab eo in vera fide instrueretur. Sci-

mus

mus adhæc D. Hieronymum SS. Grego-
rio Nazianzeno & Didymo præceptoribus
vſos fuiſſe. Scimus S. Auguſtinum à
D. Ambroſio, & S. Martinum à D. Hilario
ſanctè ac religioſe viuendi præcepta ac-
cepſiſſe. Scimus deniq; S. Irenæum ab ijs
qui Diſcipulos Apoſtolorum audiuerant
incorruptum Chriſti Euangelium doctri-
namq; hauſiſſe. Verum hæc ego iam nūc
miſſa faciens ad propoſitum noſtrum re-
gredior, & quod inſtitui Collegij noſtri
dignitatem encomiumq; expono. Id au-
tem in quatuor fere punctis conſiſtit. Pri-
mū in illuſtri dignitatis gradu & autho-
ritate, quam ex ipſa ſapientiæ ſcaturigi-
ne haurit, quæ immediate à Deo inſpirata
eſt. Quæ autem in rebus corporeis à Deo
immediate proficiſcuntur, ea omnium
plane iudicio cæteris vniuerſis anteferē-
da ſunt, quæ à ſecunda naturalique cau-
ſa procedunt. Ita D. Chryſoſtomus ait,
vinum in nuptijs Galileæ à Deo ex aqua
factum omni vino nobilius ac genero-
ſius fuiſſe. Vnde concludimus Scripturā
ſacram immediate à Deo inſpiratam, &
ab illo in Sapientiæ Collegio legi ſoli-
tam omnibus reliquis ſciētijs & libris ad
ſpiritualē animæ perfectionē facientibus
ante-

antecellere arque præstare. Nam & sapiē-
tia cap. 7. ait, eam puram & sinceram cla-
ritatis diuinæ emanationem esse. Secun-
da Collegij nostri dignitas in eo consi-
stit, quod omnes disciplinas antecurrit,
quia omnibus meliorem religiosiorem-
que finem intendit; & hæc ex Prima ori-
tur atque promanat. Quo enim aliquid
principium excellentius & originem no-
biliorem habuerit, hoc perfectiorem lau-
datorēq; sibi finē proponit, quemadmo-
dū in igne patet, qui ideo ad sublimem
locū emicat quia videlicet ex sublimi al-
tissimaq; aeris regione descendit. Verum
enim vero scientiæ illæ cæteræ quæ in
Collegijs hominum tractantur, quia ab
hominibus inuentæ & excogitatæ sunt,
ideo terrenum humanumq; tantummo-
do sibi finem præfixum habent: & ex ter-
ra ortæ in terram necessario reuertuntur.
Nostra autem sapientia ad Deum nos de-
ducit, & ad Paradisum vsque nos comi-
tatur. Tertia Collegij dignitas in eo elu-
cet, quod omnem veritatis certitudinem
excedit: siquidem sapientia illa quæ in sa-
cris literis continetur: nō naturali aliquo
lumine comprobata, cui sæpissime error
adiunctus est, sed diuina reuelatione &
certa infallibilique diuini numinis fide
confir-

confirmata receptaque fuit. In hac ergo sacrosancta doctrina, quidquid dicitur veritas est, quidquid præcipitur bonitas, & quidquid promittitur felicitas est. De^o enim veritas sine fallacia est, bonitas sine malitia, & felicitas sine miseria. Quarta Collegij nostri laus à profunditate sublimium mysteriorum & secretorum diuinorum in hac doctrina latentium & occultum sensum habentium petitur. Vt enim diuinitas Redemptoris nostri Iesu Christi sub veste humanitatis delituit, ita sub velo & quasi terra Sacrarum scripturarum spiritus æternæ Sapientiæ absconditusq; est. Sapiencia autem ista tam alta & profunda est, ipse vt S. Paulus ad Romanos vndecimo exclamere non vereatur: *O altitudo diuitiarum sapientiæ & scientiæ Dei, quam incōprehensibilia sunt iudicia eius, & imperuestigabiles viæ eius!* Et alibi. *Quis cognouit sensum Domini aut quis cōsiliarius eius fuit?* Vnde ad Ephesios cap. 3. ait, Deum se indies sollicitare, quatenus illis diuinorum & sublimium mysteriorum intelligentiam concedere ac enlargiri dignetur *Huius rei gratia*, inquit, *flecto genua mea ad patrē Domini Nostri Iesu Christi, ex quo omnis paternitas in cælis & in terra nominatur, vt det vobis secundum diuitias*

tias gloriæ suæ virtutem corroborari per spiritum eius in interiori homine Christum habitare per fidem in cordibus vestris, in charitate radicati & fundati, ut possitis comprehendere cum omnibus sanctis, quæ sit latitudo, & sublimitas & profundum: scire etiam supereminentem scientiæ charitatem Christi, ut impieamini in omnem plenitudinem Dei. Habes hic in tabula sapientiam Christianam quam quilibet hominum in hoc Collegio discere debet, viuis coloribus à S. Paulo adumbratam; quæ Charitas est. Quidquid enim in mysterio redemptionis humanæ & incarnationis Iesu Christi cælū ac terrā admiratur, id totum charitatis opus est; adeo ut ipse propter charitatem humanā naturā assumpserit, & simul in cruce expiaret. Quisquis ergo Iesu Christi charitatē nouerit, is profundissima natiuitatis, mortis, ac passionis suæ mysteria simul intelligit, quæ ex immensa illa Dei charitate profluxerunt, quæ omnem sensum intellectumque humanum excedit. Hanc autem S. Paulus ideo supereminentem vocat, quia videlicet quatuor dimensiones in se continet atque complectitur; Latitudinem, Longitudinem, Altitudinem, & Profunditatem. Latitudinem trabes fransum in formam Crucis dispositæ cōstituant,

Situunt, vbi seruatoris Nostri sacratę
 manus clauis traiectę & ligno affixę fue-
 runt: quę ideo etiam Charitatem ipsius
 significant, quia ad inimicos vsque suos
 protendebantur, pro quibus Deū Patrem
 orauit, idem faciendi paradigma & pro-
 totypon nobis relinquens. Longitudo in
 Cruce recta ac eleuata spectatur, quę pō-
 dus Dōminici corporis à pedibus vsq; ad
 caput sustinuit, simulq; perseverantiam
 non obscure significat quę hominē sal-
 uat ac sustentat: Nam *qui perseverauerit vs-
 que in finem, hic saluus erit.* Et perseverauit
 eo modo in Cruce Dominus Noster, ta-
 met si ei à transeuntibus acclamaretur:
Descendat de Cruce & credimus ei Altitudi-
 nem & sublimitatem per Crucis partem
 superiorem vbi sacrosanctum eius caput
 quiescebat, & per tabellā titulū triplicē
 continentem intellige; quę sicut in altū
 tendit & cęlo proxima est, ita nos precla-
 re docet, quemadmodum cogitationes
 nostras sursum attollere & in Deo spera-
 re debeamus. Profunditatē deniq; quantā
 & ultimam dimensionem inferior pars
 & Crucis in terram descensus represen-
 tat, simulque profundam eius humilitatē
 omnibus nobis sedulo scētādā figurat.
 Maneat ergo quod antea diximus Sapiē-
 tiam

COLLEGII SAPIENT. 143

tiam esse quæ isthæc omnia in se contineat, & hæc mysterium mysteriorum complectatur. Præterquam quod etiã in Deo per modum similitudinis quatuor istas dimensionones repetiri elucereq; dicere possumus. Latitudinem namq; illius potentia & sapientia super omnes effusa præ se fert. Longitudinem æternitas siue æterna duratio. Altitudo excellentiam & nobilitatem diuini ortus, qui infinitis distantijs creaturas vniuersas antecessit. Profunditatem deniq; incomprehensibilis eius sapientia demonstrat. Vnde Iob cap. xi. legimus: *Forsitam vestigia Dei comprehendes, excelsior celo est, & quid facies, profundior inferno est & vnde cognoscas? largior terra mensura eius & latior mari.* Habes ergo iam nunc quæ de quarta Sapientie dignitate fufius paulo dicenda nobis videbantur: cuius nos exiguum in mundo particulam possidentes in cælesti Paradiso totam & absolutam possedituros nos arbitramur.

DE QUATVOR FACVLTATIBUS
quæ in vniuersitate virtutis
floreant.

CAPVT XII.

IN omnibus laudatis & celebribus
vniuersi-

vniuersitatibus quatuor admodū facultates sunt, quas qui cum laude tractauerint, j deinde Magistri, Licentiatī, Baccalaurei, & Doctores salutantur; videlicet alma facultas Theologorum, consultiſſima Iuristarum, saluberrima medicorum, & acutiſſima Philosophorum. Ab hac autem professionum & facultatum varietate mirum omnino est, quantum lucis ac splendoris Academiae & Vniuersitates consequantur. Quemadmodum enim discolorēs & polimitæ vestes incredibilem gratiam conciliant & ornatum adferunt; dicente Psalmista: *Astitit regina à dextris tuis in vestitu deaurato, circumdata varietate, omnis gloria eius filie regis ab intus, in sinistris aureis, circum amicta varietatibus;* & quemadmodum corpus humanū seipso pulchrius formosiusque euadit, si illius membra bene disposita & proportionata sint. Ita difficile dictū est quantā venustatē quatuor illæ facultates Theologia, Iuris prudentia, Medicina, & Philosophia Vniuersitati huic nostræ concilient. His nos accuratius paulo inspecturi & examinaturi à minima quæ Philosophiam, & omnes artes liberales quæ septem numero sunt complectitur, incipimus. Prima est Grammatica rectē & congruē

gruè Latine loquendi methodum ac præcepta subministrans. Hæc scriptura sancta est in qua omnis sapientia absconditur: docens quemadmodum sermones vani ac futiles fugiendi, quomodo alteri non detrahendum, quomodo barbarismi & incongrua illotaq; verba fugienda sint, dicente Apostolo: Si quis loquitur quasi sermones Dei. Secundam artem Logicam appellamus, quæ quomodo argumentari & disputare, quomodo verum cognoscere, falsumq; deprehendere possis declarat. Hanc si quis alius certe Diabolus optime caller, qui egregius sophista, omnes suas fallacias eodem modo confert, ut falsis suis argumentationibus nos concludat atq; constringat. Hæc peritus Logicus putidissimum Syllogismum olim extruens ita ex præmissis argumentabatur. concludendo ex maiore quæ erat iustitia Dei, & ex minore quam nostra iniquitas constituebat, saluari in æternū nos non posse. Quin & dui affirmatiuis rem gerebat cum diceret Deus iustus est, & Homo est peccator: sicque hanc ex illis conclusionem inferret, Ergo non salutem sed eternam damnationem, secundum diuinam iustitiam & æquitatem expectate. O fallax argumentum! o Diabolicum

licum Syllogismum! Quid faceret natura humana artis logicæ penitus ignara? quid faceret, cum argumentum solvere non posset? ad Deum conuertitur & cum Psalmista precatur. *Multi dicunt animæ meæ non est salus ipsi in Deo eius. Exurge in adiutorium mihi & conclude aduersus eos qui persequitur me: dic animæ meæ salus tua ego sum.* Hanc orationem Deus clementer exaudiens, pro maiore sui Syllogismi diuinitatem suam posuit, & pro minore humanitatem assumpsit, eoque modo nostram salutem intulit, & omnia in Cruce conclusit ac consumauit. Tunc ergo sophista satanas conuictus fuit, detectæ illius strophæ, & falsa illi⁹ logica repudiata. Erat è contra insignis Logicus & argumentator poenitens Dauid cum diceret: *Cogitavi dies antiquos & annos æternos in mente habui, & meditabar nocte cum corde meo, & exercitabar, & scopebā spiritū meū.* Dies illi antiqui, primi dies sunt in quibus Adā & Eua propter vnā transgressionē, exilio plexi fuerunt. Vnde Poenitens ait: Si propter vnicū delictum primi nostri progenitores adeo acriter excepti fuerunt, quid me fiet qui tot flagitia designaui? Habui adhuc dies æternos in mente mea, cogitans quemadmodum in æternum cōdemnentur, qui in diuina officij

offensa perstiterunt: & quomodo in sempiternum multi perdantur propter breuē ac transitoriam voluptatē. Ita ergo cum me ipso disputans exercebar atq; dicebā. Nullum malum impunitum remanebit, at ego feci malum, ergo puniri debeo. Hocq; modo contritione & penitentia, in me excitata ab omnibus peccatorum sordibus spiritum meū repurgabā. Tertia ars Rhetorica dicitur, quæ ornate & eleganter loqui docet, modum corā Regib⁹ & Principibus orandi suppetit, & Oratorē facit. Hæc ergo etiā in Collegio sapientię traditur, in quo discimus quomodo Deū orare, ad Regē Regū verba facere, & corā illo animi nostri sensa proferre debeamus, quēadmodū antea declarauim⁹, & fusius Guilielmus Parisiēsis, in diuina Rhetorica demonstrat. Quarta ars liberalis Musica est, quæ bene canēdi præcepta methodūq; subministrat. Hęc inscriptura oppido laudatur & commendatur. *Beatus popu⁹*, inquit Psalmista, *qui scit iubilatiōē*. Et de seipso ait: *Cātābiles mihi erāt insinuationes tuæ in loco periginatiōis meæ*: Callebāt hāc Musicam perfecte & memoriter tres illi pueri in ardentē fornacē Babylo nicā cōiecti cum dicerent: *Benedicite omnia opera Domini Domino, laudate eum* &

super exaltate eum in secula. Quin & D. Paulus egregium se cantotē demonstravit cum diceret: Psallam Spiritu, psallam & mente. Quoties autem nobis male cum proximis nostris, aut copari cum animę minus bene conuenit, quando in seruitio Dei constituti sumus, toties contra Musicę pręcepta peccamus & hallucinamur Quinta ars liberalis est Arithmetica, quę numerandi modum suppeditat. Hęc etiā in sapientię Collegio floret, quando videlicet boni Christiani diuina beneficia pernumerant, ea sigillatim in memorię tabulas referentes, & animę rationibus inscribentes, nunquam vt eorum possint obliuisci. Tum quando Cōscientię suę conclaue ingrediuntur, illic cum animo rationem instituunt, peccata omnia numerant, & ad cōfessionem post diligens examen accuratamq; discussionem accedunt: alias enim cum Iob Confessatium suum rationum Pręsidem sic alloquuntur: Responde mihi quantas habeo iniquitates & peccata, scelera mea atque delicta mea ostende mihi; ostēde inquam mihi illa, quia computare nescio, quia Arithmeticam non calleo. Consequitur adhęc homo per hanc scientiam, vt in algorismo humanę vitę breuitatem & dierum
suo.

suorum paucitatem deprehendat, & cum Propheta Dauid sic statuatur: *Dies annorum nostrorum in ipsis septuaginta anni, si autem in potentatibus octoginta anni, & amplius eorum labor & dolor*, Tametsi Arithmeticum plane nullum inuenias, qui rationibus & abaculis suis eo euadere valeat, vltimū vt vitæ nostræ diem vnicuique edicat. Vnde Iob dicebat: *Nunquid non paucitas dierum meorum finietur breui?* Et Dauid supplex in hæc verba Deum compellabat: *Notum fac mihi Domine finem meum, & numerus dierum meorum quis est, vt sciam quid defuit mihi?* Sexta inter artes liberales Geometria est, quæ pōdera & inensuras, magnitudinem, altitudinem, proportionem, æqualitatem aut inæqualitatem tam theoricæ quam practice examinat, & in ijs examinandis regulas, quadrantes, & astrolabia vsurpat. Hæc etiam in Collegio Sapientiæ exercetur, quando infinita distantia & impropor- tio Creatoris & Creaturæ, Deique & Hominis explicatur. Habet namque ille domum adeo vastam & diffusam, nullus vt eam Geometra metiri valeat ac inensurari: dicente Scriptura. *O Israel quam magna est domus Dei & ingens locus possessionis eius.* Cui & Dominus noster Ioan. 12. ad-

stipulatur: In domo patris mei mansiones multe sunt. Per hanc artem terram cælo minorem & velut punctū ad id se habere intelligunt; & Infernum barathrū abyssumq; perditionis esse cognoscūt. Vltima artium liberalium est Astrologia, quæ astrorum planetarum, ac cæli doctrinā tradit. Hæc etiam in virtutis vniuersitate floret atque excolitur, quando mente cælestia speculamur, & D. Paulo ad Colossenses obtemperamus: *Quæ sursum sunt querite*, inquit, *vbi Christus est in dextera Dei sedens, quæ sursum sunt sapite, non quæ super terram.* Erat istiusmodi Astrologus S. Paulus ad Philippenses 3. scribens: *Nostra conuersatio in celis est.* Illic stellæ sunt claritate differentes & splendore dispares, idest Sancti gloria non vna eadēq; fruētes sunt. Erat etiam talis Astrologus Abraham, quem Deus oculos in cælum attollere, stellas numerare, & ex illarum multitudine gentis suæ magnitudinē iussit æstimare: Porro præter has dictas artes liberales alia adhuc scientia reperitur, quæ Perspectiua dicitur, & modum videndi, virtutem aspectiuam, & potentiam visiuā persequitur, quāq; in Paradiso exercebimus Deū facie ad faciem intuentes: *Videmus nunc per speculum in enigmate, tunc autem facie ad faciem*

faciē, inquit Sancti Paulus primæ ad Corinth. capit. decimo tertio, Cæterum prima iam nunc artium liberalium facultate explicata, ad eas, quæ supersunt transcamus. Est ergo secunda facultas Medicina quæ Philosophiam sequitur, quemadmodum vetus paræmia indicat. *Vbi desinit Physicus incipit Medicus.* Vnde illud medico imprimis curandum est, vt naturalis siue Physicus sit, vt naturalia cognoscat, eorum qualitates exploratas habeat, & secundum illas pharmaca sua propinet. De hac facultate scriptura inquit: *Honora medicum propter necessitatem, creauit illum Altissimus. Altissimus de terra creauit Medicinam.* & *vir sapiens non abhorrebit illam.* Verum inter omnes Medicos de quibus memoriam post homines natos accepimus, nemo excellentior fuit IESV CHRISTO Seruatore Nostro: qui in hospitale huius mundi adueniens, instar veri Samaritani vulnera nostra non cataplasmatibus aut pharmacis, sed pretioso sanguinis sui emplastro sanauit. Ob hanc namque eandemque causam ipse Matth. nono, medicum se appellauit dicens: *Non est opus valentibus medicus, sed male habentibus.*

Hanc facultatem scriptura sancta tradit, quando contra morbos amarum doloris pœnitentiæque catapotium præscribit; & medico spirituali id est Sacerdoti & Confessario lotium monstrare iubet, & peccatū detegere suadet: vt videlicet ille cōtra vlcera & tumores superbiæ humilitatis drachmam præscribat, & contra gulā diætā ieiunij præsignet. Et erat hoc etiā consilium S. Iacobi cap. 5. Canoniciæ siq; Epistolæ dicentis. *Infirmatur quis in vobis, inducat presbyteros Ecclesiæ, & orent super eum, ungentes eum oleo in nomine Domini, & oratio fidei saluabit infirmum.* Porro quæ admodum nemo non fatuum & emoræ mentis illum arbitratur, qui corporis aliquo morbo affectus rudem & ignarum Medicum consulit; ira reuera is stolidissimus existimandus est, qui Medicum spiritualem rudem & inexpertum, id est surdum, cæcū & ignarū adhibet. Vt enim Seruator Noster Iesus leprosis vt sacerdotibus se ostēderent iniunxit: ita & nos corā Confessarijs ac Presbyteris vulnera nostra detegere & peccatorum plagas debemus aperire. Iam tertia etiam facultas quæ in Sapientiæ Collegio traditur, Iuris Ciuilis ac Pontificij cognitionem complectitur. Nam si Euangelium Iesu Christi

Christi, velut alteras Nouellas, inspexeris, fieri omnino nō poterit quin extemplo manifeste intelligas summum Romanum Pontificem Monarchiæ Ecclesiasticæ caput esse, & D. Petri successorē cui Dominus Noster ait: *Pasce oues meas.* Perspicias deinde confestim etiam ex Sacrarum scripturarum lectione, Omnes eos qui Ecclesiæ matri suæ non obtemperauerint, Ethnicos censendos esse & Publicanos. Quod autem ad Iurisprudētiā Ciuilem attinet, vbi tu eam melius quam in Codice Sacrarum scripturarum reperiri posse arbitraris? siquidem ea te docet, quomodo Regi fidem, quomodo tributum, & quomodo clienrelam præstare debeas; quemadmodum Seruator Noster Matthæi vigesimo secundo insinuat dicens: *Reddite quæ sunt Cæsaris Cæsari & quæ sunt Dei Deo.* Et S. Paulus ad Romanos 13. inquit: *Omnis anima potestatibus sublimioribus subdita sū; non est enim potestas nisi à Deo, quæ autem sunt, à Deo ordinata sunt.* Itaque qui resistit potestati: Dei ordinationi resistit. *Reddite ergo omnibus debita, cui tributū tributū, cui vestigal vestigal, cui timorem timorem, cui honorem honorem.* Nunc quoniam de quarta, & præstantissima facultate Theologorū satis superes

supradiximus, cum qui de diuersitate Professione in Collegio sapiētiae fuit absol-
uimus.

DE RECTORE DICTAE V-
niuersitatis ; deq^{ue} illius
sigillo.

CAPVT XIII.

QUod in omnibus bene constitutis
Academijs & vniuersitatibus fieri
solet, vnus vt communibus omnium
suffragijs Rector eligatur : qui supra-
dictis Facultatibus præ sit, Academicum
sigillum habeat, & studiosis priuilegiōū
fræna modo astringat modo remittat:
Idem in virtutis nostra vniuersitate eue-
nisse is præclare intelliget, qui penes Je-
sum Christum seruatorem ac Rectorem
Nostrum omnium prætectarum faculta-
tum Imperium esse non ignorabit. De
eo namq; in Ecclesiastico cap. 49. sic le-
gimus: *Ioseph natus est homo, princeps fra-
trum, firmamentum, parentis, rector fratrum,
stabilimentū populi.* Sicut autem Rectores
principio fere cum munus prouinciāq;
suam suscipiunt, rubeis ac miniatis; post-
ea autem cæruleis vestimentis vti con-
sue-
sue-

fuerunt : ita Ioseph tunc purpura in-
 datus ornatusque fuit cum illius tunica
 sanguini bestiae intingeretur ac parenti
 exhiberetur, qui ait: *Fera pessima deuorauit*
filium meum Ioseph Quin & Seruatori No-
 ster Iesus tempore Passionis suae purpu-
 reum istud vestimentum gestauit, quan-
 do videlicet Angeli & beati spiritus san-
 guine cum suo coloratum conspicientes
 Esaiæ illud clamitabant : *Quare rubrum est*
indumentum tuum, & vestimenta tua sicut
calcantium in torculari. Et ambulat coram
 Rectore isto impij Hebræi clauis & lan-
 ceis instructi, Pedellorum instar qui sce-
 ptra, aut Liكتورum qui Consulibus faces
 præferre solent, qui postquam purpuram
 satis superque derisissent, cærulea postmo-
 dum tunica reuestierunt, sicque in con-
 spectu omnium & ante omnes in Passio-
 nis suae Processione cruce onustum ince-
 dentem ad Caluariæ montem deduxe-
 runt. Et quauis præ omnibus plane crea-
 turis solus ipse hanc dignitatem Recto-
 ris apistus merito sit, ob eamque cau-
 sam Sancta Ecclesia pulchre ei accinat:
Rektor potens, verax DEVS, qui
temperas rerum vices; & in capite
decimo tertio HESTHER dicatur;
Cum inuocasset omnium Rectorem & Sal-
G G
uatorem

*naturem Deum: Nihilominus tamē etiam quatenus Homo omnium supradictarū Facultatū & Collegij studiosorum suffragio laudatissime huius Vniuersitatis Rector fuit salutatus. Nam etsi secundū naturam humanam non omnibus maior excellentiorque sit, sicque patre suo minor: atramen secundum Diuinitatem similis plane illi & æqualis est: & licet ob naturam passibilem Angelis inferior sit, eisdem nihilominus gratia & gloria longissimè antecellit; quippe cum ille Filius Dei sit, isti autem serui tantum ac Internuntij. Hac ergo etiam ratione hominibus in dolorosa sua passione per reputationem æstimationemq; minor est; sicut Esaias inquit: *Reputauimus eum nouissimum omnium virorum.* Et ipse per Psalmistam attestatur dicens: *Ego vermis & non homo, opprobrium hominum & despectio plebis.* At nihilo minus omnium nostrū Rector & Magister est, & ideo reuerentiam illi exhibere debemus; prout S. Paulus ad Philipp. 2. ait: *Humiliauit semetipsum factus obediens vsque ad mortem, propter quod & Deus exaltauit illum & donauit illi nomen quod est super omne nomen, vt in nomine Iesu flecta ut omne genu cælestium, terrestrium, & infernorum.* De hoc Rectore Psalmista
ait:*

ait: Dominus regit me & nihil mihi deer .
 Et cur omnino Rector ille noster non sit,
 qui nos per sapientiam suam non aliter
 quam Dux cæcum solet regit ac ducit?
 Vnde D. Paulus ad Romanos ex Isaia
 ait. Erit radix Iesse, & qui exurget regere,
 gentes in eum sperabunt. Porro Rector iste
 perpetuus est, præfecturamque suam nō
 ad singulos tres menses, quemadmodum
 reliqui consueuerunt, deponit. Regnat vi-
 delicet ille sine fine & termino, ac ita re-
 gnat æque vt Gallis, Italis, Hispanis, Ger-
 manis, Aphricanis & reliquis nationibus
 faueat; In Christo Iesu non est masculus &
 femina, seruus & liber, Barbarus & Scy-
 tha, Iudeus aut Græcus. Sigillum autē quo
 Rector ille Noster literas suas & priuile-
 gia quæ Sapientiæ studiosis concedit at-
 que impertit, Crux & stigmata illius sunt;
 quæ diligens & Sanctus vniuersitatis hu-
 ius Auditor S. Paulus gerebat, dicens:
*Ego stigmata Domini Iesu in corpore meo por-
 to.* Hoc sigillum omnium deuotorum
 Christianorum mollibus cordibus ani-
 misque imprimitur, qui non aliter quam
 cera ad ignem colliquefcunt & fluunt: in
 sculpendes memoriæ suæ mortem & pas-
 sionem seruatoris Nostri Iesu. Absque
 hoc sigillo literæ nostræ authenticæ esse

non possunt; eoque destituti iurati Christi: Discipuli audire salutarique non merentur: quemadmodum ille met in Evangelio ad stipulatur dicens: *Qui non tollit Crucem suam & non sequitur me, non potest meus esse Discipulus* Hoc etiam sigillo litteræ Evangelicæ signatæ sunt; in cuius signum Diaconus id legens Crucem in illo efformat Hoc sigillum cere miniatæ imprimitur, quæ purpureum servatoris Nostri sanguinem repræsentat, & amorem quo erga eum ferri debemus significat: color enim purpureus ac rubicundus calidam ardentemque complexionem denotat. Et quid omnino apertius Christi amorem testari potuit, quam Crux pretiosissimo illius sanguine perfusa & irrigata? hinc enim in Canticis sponsam suam compellat dicens: *Pone me ut signaculum super cor tuum*, amando videlicet me perfecte atque ex animo: quæ enim medullitus diligimus, ea cordi imponere fere solemus. Ferebat hoc sigillum Angelus ille apud Ezechielem cap. 8. ubi dicitur: *Et gloria Domini Israel assumpta est de Cherub, quæ erat super eum ad limen domus: & vocavit virum qui indutus erat lineis, & atramentarium scriptoris habebat in lumbis suis. Et dixit Dominus ad eum. Transi per me-*

diam ciuitatem, in medio Ierusalem: & signa
 Thau super frontes virorum gementium &
 dolentium super cunctis abominationibus, quæ
 sunt in medio eius. Et illis dixit audiente
 me, Transite per ciuitatem sequentes eum &
 percutite: non parcat oculus vester, neque
 misereamini. Omnem autem super quem vi-
 deritis Thau non occidite, & à Sanctuario
 meo incipite. Cui nō absimile est quod A-
 pocalypseos cap. 7. legitur: Et vidi alterū
 angelum ascendentem ab ortu solis, habentem
 signum DEI viui: & clamauit voce magna
 quatuor Angelis, quibus datum est nocere ter-
 re & mari, dicens. Nolite nocere terra &
 mari, neque arboribus, quoadusque signe-
 mus seruos Dei nostri in frontibus eorum.
 Vnde intelligimus Crucem Seruatoris
 Nostri signum esse, quo bonus ille Pastor
 bonas & dilectas suas ouiculas distin-
 guit: & notam quam archetypis suis im-
 primit, quæ aliquando in celesti abaco
 collocaturus est. O felices igitur ac bea-
 tos qui sigillum istud integre cordi suo
 impresserint! Fieri reuera non poterit,
 quin omnibus debetis soluti sint, &
 æs alienum per peccatum contractum
 expunxisse deprehendantur. Non ha-
 bebunt in eo quidquam iuris cre-
 ditores sui, quia nominibus satisfecit:
 neque

neque etiam iustitia eum apprehendet, quia literas sigillo isto munitas demonstrabit. Deniq; certus erit de opimo gloriæ sempiternæ beneficio, quia sufficiens, idoneus, & acceptus est. Vnde pulchre omnino D. Anselmus in libro de Mensura Crucis inquit. Crux nomen suum inde habet, quod Cruciatu & dolores adferat. O Domine meus & Deus meus, si dicerem seruitium illud quod tibi præstare debemus Crucem ærumnamque nostram esse, errarem utiq; & hallucinarem cum illis, qui iugum tuum suave & onus tuum leue esse ignorant. Habet hæc Crux longitudinem, habet latitudinem, altitudinem, & profunditatem, quemadmodum antea demonstraui. Altitudo illius ad cælum vsque pertingit quod per eam reueratum patefactumq; nobis fuit. Profunditas Infernum tangit, è quo per illam liberati sumus. Latitudo per virtutem suam quaquaversum ad omnes gentes populosque protenditur. Longitudo infinita est, terminum non habet, & limitibus circumscribi non potest: meritum enim Crucis & Passionis Christi infinitum est, & ad infinita peccata expurganda aut innumerabiles mundos saluandos sufficit. Ecce mensuram, ecce vastitatem.

COLLEGII SAPIENT. 161

ecce magnitudinem sigilli Redemptoris nostri! Cui ne quid etiam ad summā magnificentiā & splendorem deesse videretur, circum circa titulus illius Latine, Græce, & Habraice scriptus fuit. IESVS NAZARENVS REX IVDÆORVM; quemadmodum videlicet Magnatum ac Ducum sigillis nomina eorum & tituli communiter apponi consueverunt. Caue proinde deuota Christiana anima ne vaquam sigillum istud tuum amittas, sed in scrinio cordis tui id asseruas, quod tibi super fonte Baptismatis à supremo Sigillifero spiritu S. tunc impressum fuit, quando signo Crucis frons tua munita tibi fuit. Hoc sigillo literis, epistolis, precibusque nostris quas ad cælestem aulam mittemus appenso, impossibile plane est, eæ ut non legantur, approbentur, & exaudiantur. Amen.

COLLE-

COLLEGI
SAPIENTIAE AEDIFI
CATI IN VNIVERSITA
TE VIRTUTIS.

PARS ALTERA.

QVOMODO MARIA MAGDA
lena in Collegio Sapientiae sub cele
berrimo Doctore Iesu Christo
studere inceperit.

CAPVT XIV.

D Iuus Thomas Part 1. Sum Theolog.
quaest. 1. art. 1. luculenter ostendit ad
humani generis salutem procurandam
necessarium plane fuisse, aliquam vt de
Deo doctrinam acciperemus, quam nos
hodie recepto vocabulo Theologiam,
id est, scientiam aut sermonem Dei sole
mus appellare. Cum enim homo propter
Deum velut vltimum & supernaturalem
suum finem creatus sit, qui omnem hu
mani ingenij captum superat atque tran
scendit; planeq; etiam necessarium sit fi
nem suum cognoscere ac exploratū ha
bere eum, qui propter illū acturus opera
turusq; est: Illud profecto etiā consequi
tur hominem vt salutē adipisceretur Dei
sui ac factorum illius cognitionem ha
bere debuisse. Vnde sicut veteres illi gal
lorum

lorum Sacerdotes, qui Druydes vulgo
 audiebant, doctrinā qua discipulos suos
 imbuebant scriptis excipi & libris publi-
 cari prohibebant: ne videlicet illa ad im-
 peritos etiā perueniret: ita ē contra Serua-
 tor Noster Iesus vera illa sapientia doctri-
 nam suam à iuratis Notarijs ac Euange-
 listis excipi voluit vniuerso vt hominum
 generi communicaretur; Hinc Samarita-
 nam Discipulam habuit, & Christū se esse
 illi declarauit: Hinc Mariā Magdalenam
 ad lectiones suas admisit, quæ simul ac
 admirabilem illius sapientiam ab om-
 nibus passim extolli audiuiſſet, & fan-
 cta sciendi discendiq; curiositate illecta,
 non contenta fuit Scholam Naturę cum
 Philosophiis frequētauiſſe, vel cū Rabbi-
 nis lectiones Mosaycas audiuiſſe, sed etiā
 Deo iſpirāte, verā æterni Patris sapiētā
 audiendum sibi eſſe exiſtimauit. Nec im-
 merito: Pręſtat, n. Solis quam ſtellarū lu-
 mine præuio incedere, fontē, quā riuulū
 bibere, Ludimagiſtro, quā Condiſcipulis
 auſcultare, & authographa quam copias
 volutare. Et vide quā id præclare Mariam
 Magdalenam non fugerit de qua S. Lucas
 cap. 7. ait: *Ecce mulier quę erat in ciui-
 tate peccatrix, vt cognouit quod IESU
 Saccubuit in domo Pharisei, attulit
 alabaſt.*

alabastrum unguenti: Et stans retro secus pedes eius lachrymis capit rigare pedes eius, & capillis capitis sui tergebat, & osculabatur pedes eius & unguento ungebat eos. Quibus verbis Euangelista tempus pariter & locum conuersionis Mariæ significat: ut videlicet Seruatoris & Preceptoris nostri clementiam intelligamus, neminem qui plane mortalium etsi turpissimum sicut Maria Magdalena erat à schola sua arce-re vult ac submouere. Verum quid amabo illam excitauit, quid illexit, quid instigauit? quis adeo sapienter illi cōsultuit? An enim admirationē non habeat, quid mulier cor excæcata, à septem diabolis seu peccatis obfessa, grauiissimo iniquitatum pondere oppressa, & denique famosa meretrix, ad Iesum accurrit salutem suam procuratura, & diuinæ misericordiæ fonti aduoluitur, vitiorum suorum sordes ablutura? Et quomodo illa adeo expedite ad eum accurrere potuit, quæ paulo ante innumeris peccatorum vinculis irretita, Diaboli captiua, & fædissimarum libidinum mancipium erat? Dubitari reuera non potest, Christum illam attraxisse, & quadruplici fune ad se rapuisse: videlicet gratissimo suo intuitu, potentissima virtute, inspiratione interna, & de-

& denique externa conuersatione. De vultu enim dulcissimoque illius aspectu quis hæreat? Constat certe ex D. Hieronymo admirabilem quendam splendorem ab eo processisse, qui obstinatos peccatores perterrefaciebat, alios autem suauissime afficiebat. Hic S. Petrum periuriū suum lamentari secit, hic ei lachrymas excussit, hic ad poenitentiam illum reuocauit. Hic adeo pulcher amabilisque est, ipsi vt eum Angeli intueri cupiant & cōtemplari. Vnde Psalmographus de eo canit: *Speciosus forma præ filiis hominū.* Et nos nō inepte de eo dicere possum⁹ qd olim Regina Hester Assuero Imperatori dixisse perhibetur: *Valde admirabilis es Domine, & facies tua plenagratiarum.* Quin ipse etiam satis aperte id demonstrauit cum ait: *Beati oculi qui vident quæ vos videtis &c.* Multi enim Reges & Prophetæ voluerunt videre & non viderunt. Et miramur adhuc, quod Magdalena gratissimo Iesu Christi intuitu adeo mirabiliter percussa fuit, plane vt impelleretur vbiuis eum quærere & alicubi inuenire? Alter funiculus quo attracta irretitaq; fuisse dicebatur; infinita Domini nostri potestas est, qua ille non aliter quam electrum paleas solet, animum peccatricis à terrenis voluptatibus

pratibus auulsit atque abstraxit. Etenim si Magneti hanc vim à natura concessam esse non ignoramus, occulta ut quadam Sympathia ferrum ad se trahat: quanto iustus Iesus Christus qui Deus omnipotens est ac fuit, ferreum Mariæ Magdalene pectus flectere potuit & ad se rapere? præterquam quod ipse in Euangelio id attestatur dicē: *Cum exaltatus fuero à terra, omnia traham ad me ipsum*: Et anima in Canticis ita cū compellat: *Trahe me postea*. Tertium vinculum quo Magdalena attracta fuit, interna Redemptoris sui inspiratio erat: audiuerat enim illa vocem Magistri sui nec contradixit; persenserat fistulam pastoris erronea ouicula, & cōfestim ad eum reuersa fuit. Vnde apposite D. Gregorius ait: Fratres mei miremur Christum qui Mariam recepit, aut certe Mariam quæ ad Iesum accedere non dubitauit. Quid enim potius dicā? An quod recepta, an quod attracta fuit? vtrumque opinor. Quomodo enim is veniam illi non faciat, quam antea adeo blande clementerque ad se inuitauit? quomodo gratiam non mereatur, quæ interna poenitentia & compunctione attracta antea fuit? Quartus funiculus erat admirabilis odor & fragrantia conuersationis

tionis Iesu Christi, qui passim erga omnes facilem, clementem, benignumq; se demonstrabat, peccatores ac peccatrices misericordia sua dignabatur, & cū ijs humiliter bibebat ac epulabatur? Quemadmodum ū Iudæi illi id exprobrabant dicētes: *Hic peccatores recipit & manducat cum illis.* Et loquitur de gratissimo illo longeque fragrantissimo odore Domini nostri erga omnes benigni ac misericordis sponsa in Canticis sponsam compellans: *Curremus in odore unguentorum tuorum.* Obone Iesu, ait D. Bern, sequemur nos reuerate in odore mansuetudinis tuæ, à qua laudatus commendatusq; es Cogitemus quod pauperē non despexeris, quod peccatores auersatus non fueris, quod supplicē Publicanū è templo non submoueris, quodq; Magdalenā lachrymantem & latronē in cruce confitentē susceperis. Reminiscamur Petri, quē peiurantē in gratiā accepisti: cogitem⁹ Cananæū, quē exaudisti, recordemur Matthæi, quē inuitasti, & deniq; persecutoris Saul quē saluasti. Hæc nos agentes & animis volutantes nunquid in odore unguentorū tuorū currimus? Et nunquid etiā hæc cū Maria cogitaret, quatuor supradictis vinculis attracta fuit. Quā autē sagax & astuta ea fuit, dū Iesum nō corpore erecto statem

& veluti Magister discipulorum, peccatrice verberaturum accessit, dum non sedentē instar Iudicis pro tribunali sed discumbentem & velut terræ vicinum compellendum sibi esse existimavit: quo videlicet familiarius & liberius cum eo colloqueretur, & e peccatorum cæno protraheretur? At aduerte aliud adhuc acumen & quoddam quasi stratagema Mariæ Magdalena, quo facilius aditum sibi patefaceret munera secum adfert: quippe quæ sciat obuijs eos vulnis excipi solere aliquid qui munusculorum secum adferant & asportent. Inuitauerat ergo Christum Phariseus magnifice eum excepturus; verum Magdalena haud aliquanto lautius & delicatius illum habet sternendo illi mensam poenitentiae, apponendo ferculum compunctionis cum pane doloris & potu lachrymarum: atque etiam ne quid conuiuio suo deesset, adhibendo organa planctuum & gemituum, Chelam & Cytharam suspiriorum, fistulam eiulatum, & innumera alia compunctionem suam testantia Musica instrumenta. O dulce epulum Mariæ Magdalena? quæ vt digne Magistrum suum exciperet, iucundissimam symphoniam adhibet, loco aquæ odores porrigit, & pro mantili capillos offert,

offert. O discipulam non sœlicis tantum ingenij sed etiam profectus! Itaque cum Gamaliel s. Paulum legem Mosaicâ docuerit, ecce tibi Magdalenâ haud aliquâto sciendi discendique cupidior legem Diuinam cognitura, impletura, & perfectura, Iesum Magistrum eligit, huius pedibus aduoluitur, & hûc discetem audit. Assidet inquam illius pedibus, vt quæ hætenus à via salutis aberrarat, deinceps Magistri sui passus & vestigia insequeretur. Sedet autem, nō ante sed post, quippe quæ ignem infernalem formidans, & gladium Diuinæ iustitiæ metuens, secure post istiusmodi scutū se latere posse existimabat; ac si diceret. Apprehende arma & scutum, & exurge in adiutorium mihi dic animæ meę salus tua ego sum succurrere mihi. O custos hominum adiuua me fefende me, & corporis tui obiecto clipeo Diuinæ Iustitiæ ensem retunde, hæc illa secrete & tacite proferens lachrymas vberimas fundit; & pedes Domini lauat: mirari quilibet, stuperre, & rerum ordinem immutatum dicere. Nec immerito: quam enim à natura & consuetudine alienum nihil est, si pluuiâ in terrâ decidat, tam istud vsui & naturæ ipsi, contrarium est quod pluuiâ

H

Verum

ex terra in cælum labitur & ita labitur,
ipsum vt solum irriget & humectet?
Verum audiamus hic etiam quemadmo-
dū eosdē pedes quos lachrymis lauit ca-
pillis etiam suis deterferit dicens; O ma-
ledictum os meum, quot tu impudica os-
cula fixisti, quot scurrilia verba protuli-
sti in tot tantorumq; malorū satisfactio-
nē Deo tuo inserui, Magistrū osculatura
& illius benedictos pedes amplexatura te
met inclina. O fælices pedes seruatoris
mei qui Redemptorē meū sustinetis: apud
vos ego plenam peccatorū veniā & deli-
ctorū remissionē consecutura non sum?
ô Domine mi intueri me miseram igno-
sce mihi secundū magnā tuā misericor-
diā, & pro tua multitudine miserationū
tuarū innumera peccata mihi ignosce. O
brachia mea, amplectimini iā nūc serua-
toris mei, pedes, quę hactenus Mechos &
fornicatores fuistis amplexata, plorate o-
culi mei qui hactenus lasciuis & impudi-
cis obtutibus incautos perdidistis: neces-
sariū enim est lachrymarū aliquod dilu-
uium oboriri, quod tot tamq; graui pec-
cata eluere possit ac expiare. O Christiani,
quis Magdalenam ad hunc modū lachry-
mantem plangentem, & lamentantem
audicens cum ea in lachrymas non dis-
solua-

COLLEGII SAPIENT. 171

soluatur? Plorabat enim illa non defunctum aliquem amicorum aut obitum cuiuspiam ex numero necessariorum, sed deplorabat mortem animæ suæ, omnibus supplicijs & mortis generibus formidolosiores. Itaque si hoc labente anno hic Parisijs comædia Magdalensæ poenitentis coram vniuersis aulae proceribus exhibita nemini non lachrymas excussit: quomodo nos eas continere poterimus, videntes in spiritu Sanctam istam peccatricem, ex protocollo Spiritus S. se accusantem; & acerbissime anteaetæ vitæ sordes deplorantem; satisfecit tunc illa nemini suo MARIA quod interpretatur mare, mare inquam dolorum, fletuum & lachrymarum. O anima mea quam diu male agendi viam insistimus, cur non potius ad summum nostrum bonum conuertimur, IESV Christi scholam frequentamus? O dulcis IESV obsecro te per misericordiam tuam recipe me ad te confugientem, & in schola tua locum quamuis infimum mihi assigna. Domine ad te Confugi doce me facere voluntatem tuam. His & similibus verbis cum aliquamdiu importune & pertinaciter Magistrum suum appellauisset,

H 2 tan-

tandem ab eo in gratiam recipi, & quomodo Deum amare deberet promeruit. murmurante autem Phariseo propter aculeum quem in corde Magdalene reliquerat, ad eundem sic cōuersus ait, duo debitores erant cuidam fæneratori: vnus debebat denarios quingentos, & alius quinquaginta; non habentibus illis vnde redderent, donauit vtrisque: quis ergo eū plus diligit? Respondens Simon dixit, æstimo quia cui plus donauit: at ille dixit ei. rectè iudicasti. quibus verbis Saluator noster primam lectionem gratitudinis omnibus suis discipulis fideliter memorie infigendam complexus fuit, nec immerito. Quantum enim amabo beneficium hoc erat olidum sterquilinium in preciosissimum balsamum, densissimas crassissimasq; tenebras in meridianā lucem & denique contumeliæ vas in Crystallum commutari, cui postea Diuinæ gratiæ balsamum infusum fuit; quemadmodum Ecclesia canit: post fluxæ carnis scandala fit ex lebecæ phiala in vas translata gloriæ de vase contumeliæ; & sicut S. Paulus ad Romanos prædixit

Scribens: vbi abundauit delictum
superabundauit
gratia,

DE PRIMIS SCHOLIS QVAE
Mariam Magdalenam per-
diderunt.

CAPVT XV.

Quemadmodum filijs Israel exser-
 uitate Aegyptiaca ad sacrificandū
 in deserto transinigrantibus mare rubrū
 miraculose cessit ac insecutum fuit; vnde
 Psalmista ait, quid est tibi mare quod fu-
 gisti & tu Iordanis quia conuersus es re-
 trosum? Ita Maria Magdalena ex longa
 diuturnaue Diaboli & peccatorum ser-
 uitate liberata tantum in se. contritionis
 spiritum excitauit, vt nō male lachryma-
 rum quoddam mare eam insecutū fuisse
 videatur. ac sicut etiam cum Moyses vir-
 ga sua petram pereguteret, aqua ex illa cō-
 festim promanauit; dicente Psalmistas
qui conuertit petram in stagna aquarum &
rupem in fontes aquarū. Ita horridū illud &
 instar petræ durum cor Magdalenæ se-
 mel tantum timore Diuinorum iudicio-
 rum percussum continuo copiosissimum
 lachrymarum fontem effudit: deplorans
 quod pessimè tempus suū hactenus col-
 locasset, in schola mundi, Diaboli, &

carnis mundana, carnalis: & peccatrix effecta nullū nō flagitiorū genus admittere dubitauisset, quemadmodum id Euāgelista Luc c. 7. significat cū ait: *erat mulier in ciuitate peccatrix.* Nō quod meretriciū aliquod collegiū aperuerit, aut interfordida olidaque scorta corporis quæstū fecerit, sed quod domum suam vt scholam superbæ habuerit & vanitatis: imitata in hoc adolescentes, qui secundū Aristolē moralis sciētiæ quæ bene viuendi præcepta subministrat, propter effrænes passionēs & dissolutas affectiones auditores esse nō possūt. Horū præses ad omnē luxuriā libidineq; abiecta Iezabel illa est de qua S Ioan. ca. 2. Apoc. ait: *Et angelo Thyatiræ scribe, habeo aduersus te pauca: quia permittis mulierem Iezabel, quæ se dicit Phrophetin, docere, seducere seruos meos, & fornicari.* Et funguntur sub hac infami Iezabel præcipuis officijs anus ille ac vetulæ quæ falsis verborū suorū illecebris incautas adolescēculas miserrime circūueniūt. Vt enim viridia adhuc ligna nō difficulter flammā concipiunt si cū aridis collocentur, ita Diabolus, per effrætas illas mulierculas in iuencularū animis cōcupiscētiæ ignē excitare consuevit; Harū nāq; officium est vt quales ipse sūt tales quoq;

alias

alias efficiant. Porro qua fraude & quib⁹ artibus Magdalena seducta fuerit, id verò ex Euāgelista multo quā facillime liquet: studendo videlicet in ludo carnalitatis, addicendo se mūdo muliebri, & voluptatibus ac libidinibus obsecūdando. Vnde etiā præclare luxurię turpidinē infamiāq; perspicimus quæ sibi obnoxios adeo miseros & cōtemptos facit, quęq; The saurū omnibus nobiliore bonā inquam famam cōspurcat ac inquinat. O filiā Babylonis infelicē! O mulierē maledictā & infamia ac confusione plenā! ædificas tu reuera infernum propter stultum carnis tuæ ac tui ipsius amorem, & vsq; ad cōtemptū Dei & Diuinę legis preuaricationem. Docet enim maledictum illud prostitutum Iezabel, in schola sua, hoc est mundaniratis & carnalitatis, nō tantū fornicari sicut Magdalenā, sed etiā lasciuie ac muliebriter se comere in ruinam incautorū & naufragiū adolescentulorū. Hęc autem præcepta & documenta quā obsecro exulcerato isto nostro sæculo vulgata & visitata sunt! quod tu hodiernatē peste filios ac filias discipulos & discipulas Iezabelis illius inuenies, quas si à capite vsq; ad calcem intuearis nihil reuera aliud quā vanitates vanitatibus accumulatas deprehendes.

Harum capita ceu idola Phalerata sunt, alata brachia, quorum remigio in infernum auchi possint & auolare. Adhibent odoramenta quia factoris conscia sibi sunt, catenas aureas portant, non aliter quam rabidi canes illis vinciendæ & alligandæ. adhibent deinde monilia & murrenulas imò (ut recepto apud nos vocabulo utar *Pater noster*) nō deuotionis aut pietatis, sed superbix & vanitatis ergo. Omnia autem isthæc tam pretiosa & exquisita ornamenta licita adhuc & fortassis concessa non nemini videri possent, nisi adeò diligenter & accurate scriptura sacra significaret diuitem Epulonem istiusmodi vestimentis amictum apud inferos sepultum defossum quæ fuisse. O mundanæ & plenæ vanitatis mulieres, quid catenæ illæ quid torques, quid monilia, quid murrenulæ aliud significant, quam Diabolum illis vos vinxisse & illigauisse? vosque O matresfamilias capita & capillum horribilem sæpe in modum efformantes, frontemque & verticem à bestiis emendicatis pilis extruentes, illud mihi paulisper cogitate, quod in vetere Paræmia est, plumas ipsa aue nobiliores ac præstantiores esse cogitate superfluum habituum numerum iniri nō posse, illud

illudque adeo corpus, quod auro premi-
tis, gemmis distinguitis, & purpura ami-
citis, à turpissimis aliquando verribus
comestum iri. quò autem vos precio aut
quomodo tot vestes coemitis & ornamē-
ta? O miseros, ô obcæcatos! ô insensatos!
quot amabo tu hodie mulieres, quot vi-
ro te reperturum esse putas, qui non
præter status & conditionis suæ ratio-
nes se vestiant, ornent, & comant? Itaque
si Patres, si aui nostri rudi aliquo bardo-
cucullo vsi sunt, nos hodie serico, & pur-
pura nisi vestiamur viles repente nobis
cōtemptique esse videmur: vnde quid
quæso aliud consequitur quam iter illud
ad infernum indies magis tritum effici?
O infelicem mundanorum amentiam!
O deliram vanissimorum hominum su-
perbiam, O miseras & deploratas animas,
quæ pro istiusmodi crepuadijs cælum vē-
dere & infernum mercari non reformi-
dant! Neque vero pomparum ille fastus
Consuetudine & vsu tātum continetur:
ludi superbiæ & vanitatum scholæ circū-
quaque aperiuntur: dum Mater filiam, he-
ra ancillam in comitatum deducere vel-
le negat, nisi bene ornatas, comptas, &
expolitas. Itaque si quando peculium Do-
mesticum deficit & propter nimios sum-

ptus eos familiaris accisa digitorum sustulerit, tum vero aut furari aut desperare necessum est. O tumidos ac insolentes moriones! vobis ergo non sufficit vestrarum animarum iacturam facere, nisi aliorum etiam in ruinam impellatis? satis vobis erat propriis peccatorum sarcinis grauari, alienis premi quid opus erat? circumspecte mihi obsecro paululum, & quid agatis adhibita in consilium ratione mature sapienterque expendite, cogitate de remedijs conuertimini cum Magdalena, omnemque illum mundum mulierem & sumptuosarum vestrum apparatus deponite. Verum ego dimissis istis pauculas rationes adducam, quibus perspectis illud etiam liquido intelligatur egregie deliros amentesque omnes illos esse, qui tantum in corpore, & precipue in capite ornando & comendo occupantur. Prima est quod omnis illa vana vestrum ostentatio Diaboli quoddam vexillum est, qui id in supremum vobis suae turrim effert facile ut ex eo intelligi possit cuius imperio pareat subiectaque sit. Vnde sicut principem aliquem vehementer admodum commoueri necesse est, si sublato suo vexillo hostile contra in dirione sua ab amicorum suorum, uti quidem ipse rebatur, intimo & integerrimo erectum conspicitur: quid tu putas Deum facturum esse,

si in summitate ciuitatis sue id est in capite mulieris vanitatē & superbiam quæ vera Diaboli vexilla sunt cōspiciat: indeq; humilis penitentiæ signū quod in baptismo, confirmatione, & extrema vnctione im-
 primitur sublatum videat? Reuera sicut apud Ezechielem cap. 9. literā Tau in gementiū & dolentiū frontibus scriptū fuisse inuenimus: Ita è contra plena vanitatis superbiq; Mulier signū salutis expungit & in huius locū vexillū cōdemnationis capiti suo imponit. Secūda ratio propter quam superflua illa vestimenta detestanda videantur, Iesu Christi contemptus est. Vt enim is insignē infamie notā sibi suisq; omnibus inureret, qui parentis sui funus egregie comptus & exornatus comitaretur: Ita reuera haud aliquanto detestabilior ille est, qui ad Ecclesiā Misæ solemnia auditurus instar pauonis variegatis vestibus concedit. Nam quid tu aliud incruentū illud sacrificiū esse arbitraris, nisi Parentis tui Christi exequias: quasdam, seu mortuale sacrum in mortis illius memoriam institutum! Itaque cum etiam sacerdos Hostiam eleuat, quam ob causam id amabo facit, nisi vt nos Christi in cruce eleuati & morientis reminiscamur? Cogitate mihi paulisper:

vos deliræ & infames mulierculæ quæ
tanta lapidum preciosorum multitudine
capita premis, cogitate inquam caput
illud, quod sicut angeli honorant ac
reuerentur, ita crudelibus transfossis
spinis merito vos à vanitatibus illis ab-
stinere deberet. Omifera, ô insensata mu-
lier, tu caput tuum auro gemmisque or-
nas, & Iesus Christus Redemptor tuus
suum crudelibus spinis tegi patitur & co-
ronari? tu capillos tuos fucatos, pexos &
exornatos circumspicis: huius preciosa
Cæsaries Virginali sanguine concreta
congelataque est? Ipsa facies Iesu Christi
propter peccata tua sanguine, liuore, &
sputis defædata est: tuaque è contra co-
lorata, picta, instarque speculi ad speculū
relucens? huius oculi ad eò pulchri ipsi ut
eos Angeli contemplari desiderent, pro-
pter mortis angustias decolorati sunt: &
tui superbia, luxuria, & fornicatione scin-
tillant. Sacratissimum Iesu Christi caput
quod Angeli in honore reuerentiaque
habent pro te pendulum est: & tuum cer-
uini instar contra illum elatum? Inclinat
ille os ad frontem osculo te suo exceptu-
rus: & tu cuspidibus aureis armata bellū
illic intentas, & alijs scandalum præbere
non dubitas? Ille te, ut gratiam suam ob-
tineas,

tineas, ad gemitus & ploratus vocat: & tu falsa tua vanitate ludibrio è contra illum habes? Agnosce tandem superba illa sumptuosaque tua vestimenta muliebris dementiæ signa & testimonia esse: ut enim ex fumo & scintillis per fumibula emicantibus certo certius intelligimus ignem illic esse: ita omnis ille muliebriū capitum & ornamentorum fumus quid aliud significat quam in ipso cordis foco & camino luculentum admodum luxuriæ & carnalitatis ignem excitatum esse? Ait Ecclesiasticus capite quinto, libidinē & fornicationem ex gestibus & dissolutis aspectibus elucere; at aiunt nostræ mulierculæ verum id non esse, multæ enim vestimentorum genera & intuitus etiam sese adhibere, qui tamen nihil minus quam impudicitiam, sed castitatem & honestatem spectent. Verum his ego respondeo: si castæ si honestæ haberi vultis; quid tot tamq; frequentia luxuriæ & carnalitatis signa adhibere necessum est? tolle mihi signum luxuriæ, & cessabit iudicium carnalitatis. Si vinum non promis quid domui hæderam præfigere necesse est? ergo potius gestibus & exemplis quam verbis vestris credituri nos non sumus? scimus præclare verba pudici-

Ciriam prætere; at scimus etiam opera & exempla ad nihil aliud quam ad carnalitatem inuitare. Vt enim aucupes noctuam sæpe vel bubonē virgæ fiscatę imponunt, cuius insolito aspectu illectę aues dum spectare volunt incautę capiuntur; ita Diabolus qui noctu tantum circūvolitat Adolescentulos capturus in cōpra istiusmodi aliqua Cleopatra videri spectariq; se finit, vt dum iuuentus Diabolum quem nunquam vidit propius intueri gestit, hac ratione miserrime fallatur & decipiatur. Denique quid tales mulieres aliud sunt, quam quædam retia Dæmonis, qui incidentes in ea prædas crudeliter in inferno aliquando deuorabit? O quoties tunc adolescentes illi improbe transactas horas maledicent, nisi iam nunc pœnitentiam faciant? quam vero etiam comptę illę & ornata mulierculę ex carnificabūtur, nisi eosdem in præsentī vita ædificare incipiant quos scandalizauerunt, & quibus male agēdi, loquendi, agendiq; occasionem præbuerunt; & nisi animam omnifariam peccatis commaculatam virtutibus comant & ornent? O ingentē illarum numerū, quæ de nullo minus quam de remedijs istis cogitant, & diuinę Iustitię & timoris totaliter

COLLEGII SAPIENT. 183

taliter obliuiscuntur? O deliræ anus quæ totum vitæ vestræ tempus turpissimis voluptatibus traduxistis, quem obsecro iam nunc fructum nisi dedecus & infamiam reportatis? & quid post hanc aliud nisi mortē sempiternam expectare potestis? peribitis mihi credite peribitis, nisi confestim in melius vos referatis, & humilitatis regulæ quam in fonte baptismatis omnibus pompis & vanitatibus renunciantes iurauistis, vos conformetis. Sequimini oro Prophetę Ieremię consiliū, qui cap. 7. in persona Dei sic loquitur: *Bonas facite vias vestras, & studia vestra, & habitabo vobiscum* profugite ex scholis vanitatis cū Magdalena, & veritatē audite; huius discipulę & imitatrices estote.

DE IIS QUAE MAGDALE-
nam ad Iesu Christi scholam transfugientem impedire retinereq;
conata fuerunt.

CAPVT XVI.

Postquā eo quo diximus modo Magdalena ex vanitatis schola transfugiens veritatis ludū litterarium frequentare incepisset, quidā opus felicibus profectū;

gressibus inuidentes ad vetus illam viuē-
 di institutum retrahere & ad Diabolicas
 rursum scholas reuocare conati sunt;
 quos tamen illa nullo negotio repulit cū
 Psalmista dicens: *Discedite à me omnes qui
 operamini iniquitatem, quoniam exaudivit
 Dominus vocem fletus mei:* adeo vt omnes
 conuersionis illius æmuli qui eam ad an-
 tiquam sylvam adducere conabantur, re-
 infecta discedere coacti fuerint. Ne-
 que enim dubitari potest Magdalenam
 à conuersionis suæ tempore multifariā
 tentatam fuisse, vt ad pristinas peccato-
 rum sordes in ijs volutatura reuertere-
 rur. Et notum est Ecclesiastici illud capi-
 te secundo: *Fili accedens ad seruitutem Dei,
 sta in iustitia & in timore; & prepara animā
 tuam ad tentationem.* Verum enimvero si-
 cut Pharaō filios Israel cum iam è ditione
 sua excessissent persecutus fuit, quò ni-
 mirum illos ad captiuitatis terram redu-
 ceret & à sacrificio DEI abstineret: ita
 Diabolus omnē mouet lapidem eos vt
 recipiat qui semel se ipsius vnguibus sub-
 duxerunt & suffurati sunt. Et quia eques
 aliquis insignem nomini suo infamiae
 notam inureret, si primæ hostium im-
 pressionem cedens tergum aduersario ob-
 uerteret; ideo scriptura ait: *Fili accedens ad*
serui-

seruitutem DEI &c. Et postea: *stai in iusticia & in timore*: omnis enim qui expeditionem seu castellum sine Domini sui permisso, vel non ante presidio illius imploraro, hostibus dedit, proditor & iniustus existimatur. Vnde præclare intelligimus Deum inuocandum nobis esse, & cum Psalmista dicendum: *Deus in adiutorium meum intende, Domine ad adiuuandum me festina.* Cur autem scriptura dicat: *stai in timore*, hæc causa est: quia videlicet qui hostem & aduersarium suum metuit, cōtra illius insidias & impressiones se munit. Ita in bello spirituali quod continuo contra Mundum, Diabolum, & carnem gerimus, faciendum nobis est; dicente Ecclesiastico cap. 17. *Nisi tenueris te in timore Domini, cito subuertetur Domus tua* Et pergit scriptura, *præpara animam tuā ad tentationem*, Vbi nota quod non corporis sed animæ mentio fiat, hanc enim Diabolus persequitur, huic omnia Machinamenta, pluteos, catapultas, & vineas admouet: opere pretium igitur imò necessarium est assidue speculas obsidere, hostem aduenientem eminus obseruare & diligētes excubias agerē. Vti enim Tobias ille Iunior simulac loturus aquā accessit, piscis eum deglutire voluit: Ita pecca-

peccatorem penitentiae aquas accedente
 Diabolus plerumque praue nit, & à capto
 retrahere fatagit & abstinere : Ad
 eundem modum Laban Iacob perse-
 quebatur cum se fugeret : sicut Dia-
 bolus è seruitute sua & peccatorum iugo
 exemptis inhiat & instat. Imò sicut Apo-
 calypseos 12. draco mulierem quæ filium
 enixa erat vsque ad desertum persequeba-
 tur: similiter infernalis ille draco Diabolus
 animas nostras quæ bonum aliquod
 opus parturiunt aut pepererunt tentatio-
 nibus suis affligit atque persequitur: De
 quibus quoniam & te, ô deuota anima,
 non leuem aut rudem aliquam cognitio-
 nem habere operæ pretium est, & verò
 quia in hoc mûdo nihil illis frequentius
 reperitur: facile omnino adducor, ali-
 quid vt de ijs mihi in præsentiarum dicẽ-
 dum esse videatur. Principio itaque qua-
 tuor ferè res circa tentationes veniunt
 cõsiderandæ. Prima est ipse inimicus qui
 nos tentat: secunda modus quo nos ten-
 tat: tertia methodus qua tentatio su-
 peranda: quarta vtilitas & fructus tenta-
 tionum superatarum. Ad primum ergo
 quod attinet aduersarium videlicet qui
 tẽtationibus nos suis adoritur de eo apud
 D, Paulum ad Ephesios 6. hæc fere le-
 gimus

gimus: Nō est nobis colluctatio aduersus car-
 nem & sanguinem, sed aduersus principes &
 potestates, aduersus mundi rectores, tenebra-
 rum harum, contra spiritualia nequitię in cę-
 lestibus. Quibus verbis Apostolus Diabo-
 los depingit, qui trifariam fere tentatio-
 nibus nos suis aggredi & adoriri consue-
 uerunt: Incedentes primum turmatim,
 colligentes iustum exercitum, & firmam
 validamq; aciem extruentes, quō facilius
 gradu nos dimouere & campo pellere
 possint. Ideo enim Apostolus pluralem
 numerum adhibet: dicens, Non contra
 carnē & sanguinem, sed aduersus prin-
 cipes & potestates ac tenebrarum recto-
 res rem nobis esse. Iesu bone quantū hoc
 luporum est contra vnā ouiculā cō-
 gregare, quantum hoc est militum & ex-
 ercitorum stipendiariorū male munitę
 ciuitati adhibere! Secundo aduersarij no-
 stri fortes ac potentes sunt, nos autem
 debiles & infirmi: & ideo S. Paulus ait,
Aduersus principes & potestates. Et facit
 cum hoc Beatus Iob dicens: *Non est po-
 testas quę comparetur ei.* Tercio hostes no-
 stri inuisibiles sunt, Dicente Apostolo
 bellum nobis esse cum nequitijis spiritua-
 libus: Et addit denique in cęlo illos esse
 & in aere caliginoso obuersari, id est:
 illius.

illius supremam, nos infimam Regionē occupare, illos supra, nos infra digladiari, non videri denique illos, & nos videri. Quem locum S. Thomas interpretatus, ait, astutiam & vafritiem inimici nostri postremis illis Apostoli verbis euidenter demonstrari: quod enim ille sublimiorem quantum ad naturæ perfectionem locū fortitus est, hoc reliquis astutior & versipellior est; Dicēte capite tertio Geneseos, serpentem reliqua animantia astutia prudentiaque superauisse. Quam etiam rationem Aristoteles secutus, hominem omnibus animalibus peiorem futurum esse dicit si malo serio se addixerit. Porro secundum quod circa tentationes considerandum initio obuenerat, ipse tentandi modus est. De quo antequam aliquid in medium expromere incipio, quia iam nunc constat bellum nobis cum Diabolo esse, cum Cassiano collat. 21. præsuppono, insignem nobis ignominiaē maculā aspergi, hostemque adeo ipsum proterue & nequiter nobis insultare, si subinde victoria potiatur. Et ad stipulatur huic vtriusque nostrum sententiæ Propheta Regius, quando in tentationibus suis Deum istiusmodi verbis compellat: *Illumina Domine oculos meos ne vnquam obdormiam*

*miam in morte, Nequādo dicat inimicus meus
 praevalui aduersus eum. Et alibi: Qui tribulāt
 me exultabunt si motus fuero, ego autem in
 Misericordia tua speravi Et iterū: Deus meus
 ne super gaudeant mihi, ne dicant in cordibus
 suis, Euge Euge animae nostrae, nec dicant, de-
 uorabimus eū. Quod si è contra tentationi-
 bus illius resistentes, victoriā referamus,
 tum verò ille egregie cōfunditur & quod
 ab homine terrae vermiculo superatus
 fuerit superbe indignatur. Hæc ergo Dia-
 bolus minimè ignorans mirabilia stra-
 tagemata adhibet, quò facilius quo &
 volet euadat, & ne re infecta cū ludibrio
 discedere compellatur. Hinc plerumque
 piscatores & aucupes imitatur, qui ha-
 mos & retia escis ac frumento tegunt,
 quibus postea incauti pisces & aues in-
 escantur & capiuntur. Ita quoq; ipse sub
 peccati delectatione sempiternam mor-
 tem occulit, ad quam omnes illi obligati
 destinatiq; sunt, qui peccati hamum ad-
 morderint. Vnde Psalmista ait: *In via hac
 qua ambulabam absconderunt laqueum mihi.*
 Quin etiam interdum Mangones imita-
 tur, qui sicuti pro auro orichalcum, pro
 argento stannum, & pro gemmis subin-
 de vitra vendere consueuerunt: Ita ipse
 auaritiæ colorem prouidentiae, crudeli-
 tati*

tati speciem iustitiæ, & persecutioni barbaræ zeli Christiani similitudinem inducens, vitia pro virtutibus nobis vendit. Neque vero in vitijs istis allegatis decipiendi illum modum tantum observat, sed in omnibus ferè peccatis flagitijsque usurpat, dū videlicet illis fallacem quampiam & umbratilem virtutis imaginem inducit, & ne mala sub bonorū prætextu cognoscantur allaborat. Itaq; interdum per superbiam nos tētans persuadere nititur Deum nos qui excelsus est imitatu-
 ros, & per ambitionem cælesti numini quod sempiterna gloria honoreque pollet similes effectos iri. Ait deinde Pigritiam & Desidiam Deum imitari, qui æterna quies est & laboris negotiorumque expers. Ita Prodigalitatem sub umbra Divinæ liberalitatis quæ omnia omnibus communicat protrudit, & Inscitiam simplicitatem Innocentiamque esse affirmat. Ita vindictæ avidum esse Deum imitari interpretatur, qui maleficos punit & iniustitiā vlciscitur. Ita luxuriā & improbas carnis delectationes suggesturus, modeste nobis insinuat in Deo omnem delectationē reperiri. Ita deniq; in omnibus peccatis quibus nos tentat, in angelū lucis se transformat, & fictā virtutis vestē
 mali-

malitia fulcit, quo videlicet fraudē non
aduertētes facilius præcipites agamur &
transuersum à ratione impellamur. Quis
autē singulas illi⁹ fraudes & stratagemata
per partes inspicere valeat & explicare?
Ego ne nihil hoc loco dixisse videar, vnā
tantū inter malā periculosissimā & inter
periculosas pessimam descripturus sum,
quæ indutiarū ac pacis quandam speciem
habet. Hac quoties nos aggreditur, tran-
quillitatem quandam adfert, & grauioribus
& vt ita loquar perceptibilibus
tērationibus nos eximens extra omnem
inimici & telorum iactū cōstitutos nos
esse, insinuat: qua quidem pace haud scio
an quicquā periculosi⁹ magisq; perniciosum
possit inueniri. Primū .n. stultā quā-
dā securitatē parit, ex qua illud deinde cō-
sequimur, vt timorē Dei seponamus qui
electos suos protegit atq; desēdit. Ex hoc
deinde malo aliud subnascitur, Negligē-
tia puta & torpor: dūq; nos ita tutos satis
securosq; existimātes cura & sollicitudine
nihil opus esse opinamur, adest cōfestim
hostis, & Dei, Fidei, Patiētiæ, & spei armis
destitutos inueniēs crudeliter vulnerat ac
cēdit: cadētes ex secūdo hoc malo in ter-
tiū qd sui ipsi⁹ & priorū peccatorū ig-
norantia appellatur. Quā postea elatio &
p̄sūptio cōsequitur per quā adeo sanctos &

Deo nos charos esse arbitamur, ipse vt Diabolus tentationibus nos aggredi & adoriri reformidet: cum interim Diabolus quem nos longe abesse existimamus, ipsas portas occupat, pugnae praeludit, & commodum congrediendi inuadendiq; tempus aucupatur: proruentibus etiam nobis ex hac elatione in contemptu proximi nostri, qui etsi centuplo nobis melior sit, vbi tamen cum grauis aliquanto tentari conspiciamur impium eum & iniustum existimamus. Idem enim Deus qui debilibus & infirmis parcit, fortibus & magnanimis suis athletis diuersas tentationes immittit, vt gloriosum ab illis triumphum referant & victoriae coronam reportent. Iam sicuti Reges castella & expeditiones, munitas inuadunt, & infirmas quæque facile occupari possunt relinquunt: sicut fortia cum debilibus congredi dedignantur: & sicut principes non subiectas pacatasque ciuitates, sed perduelles & nouis rebus studentes aggrediuntur: Ita Diabolus quā potest grauissimis tentationibus bonos oppugnat sibi que parere nolentes inuadit. Et sicut Genesios 14. de Sodomitis & Gomorhæis legimus, eos post duodecimum annum tributa persolvere negantes & defectio-

nem molientes graui bello & numeroſo exercitu ab Elimitarum Rege Chodolaomore afflictoſ fuiſſe: ita peccator qui haſtenus Diabolo pro voluptatibus peccati cenſum & quatruplex tributum, malarum cogitationum, malæ voluntatiſ, verborum improborum & iniuſtorum operum penderat, ſi pænitentiam agens nouis rebus ſtudeat & ab imperio Diabolico defectionem moliatuſ, adeſt cōfeſtim Tyrannuſ Satan, exercituſ conſcribit, tympana pulſat, fidicineſ, tubicineſ, & tubicineſ colligit, ingentemque militum verſutiſſimorum numeruſ cōtrahenſ, hoc vnice agit vt perduellem ſibi ſubijciat, & tributa vetera gratio ſiſcoque ſuo accipiat. Vnde ſicut nunquam tentationeſ experiri non ſemper bonuſ ſignuſ eſt: ita grauiter tentari non ſemper malum. Et ſicut ſeruator Noſter Ieſuſ cum Baptiſmatiſ vnda ablutuſ in deſertū conceſſiſſet, à Satana tētatuſ fuit: Ita noſ, ait D. Chryſoſtomuſ, poſtquam à baptiſmo aut pænitentię ſacramento tentamur, facilem omnino coniecturam facere poſſumus theſauruſ in noſ collatuſ eſſe quem humani generiſ hoſtiſ auferre cupiat & compillare. Ne turberiſ itaque & Chriſtiane cum poſt pænitentiam ten-

I tari

rari te cognoscis, accepisti enim tunc à Deo spiritualia arma, idest virtutes suas: quæ tu nō frustra, sed vt ijs fortiter in hostem dimicares & victoriā reportares accepisse videri debes. Tertiū eorū quæ circa tentationes spectaturi eramus, vincēdi illas modus est, non vnus inquam sed multiplex. præcipuus tamen ille, quē Seruator noster in Euangelio nobis demonstrauit, vt videlicet sacrarum scripturarū clypeo ignea & virulenta inimici nostri tela depellamus. qui cū nos tētatur? Deo non seruiendū esse suggererit, illud confestim ei occlamare licebit, quod apud Euangelistam reperitur: *Dominum Deū tuū adorabis & illi soli seruiēs*: Aut illud si per superbiā te adoriatur: *Quid superbis terra & cinis?* si autem per auaritiā. Paulinū istud: *habentes victum & amictū his cōtenti simus*. Hoc itaq; si modo recte vsus fueris, vincet sapientia malitiā, nullūq; adeò virus tentationis antiquus ille serpens contra te effundere poterit, aduersus quod non aliquod insigne antidotum & alexipharmacum ex scriptura sacra eruere tibi que propinare possis. Imò si nonnunquam ea ex templo ad manus nō sunt, illud saltem ad omnes Diaboli insultus ei occinamus, quod Dominus noster dicebat: *Vade Sana*, id est aduersari: hic enim vnicus no-

ster hostis & capitalis inimicus est, qui
 omnifariam mortem ac perniciem nobis
 struere nunquam desistit. Et notandum
 comprimis in hoc loco fuerit tētationi-
 bus in principio statim pessulum obden-
 dum obuiandumque esse; ne aduersarius
 cui puero adhuc & infanti pepercimus
 postea confirmatus iugulum nobis inua-
 dat, & ignis cuius scintillas extinguere fa-
 cile erat, ab ipso temporis spacio & mo-
 ra incrementa capiens, totū animarū no-
 strarum ædificium depopuletur. Et con-
 sultat id ipsum nobis S. Iacobus cum Ait:
Resistite Diabolo & fugiet à vobis: id est, si-
 mulac pruna in vestimētum delapsa fue-
 rit, reiicienda est, ne diutius illi adhæres-
 cens vniuersum concremet atq; combu-
 rat. Non cadamus ergo animo nec cōtra-
 hamur cum Diabolus nos aggreditur, sed
 immundum peccati ferculum quod no-
 bis in sordida & obscæna scutella repræ-
 sentat, in os & ad caput illi proijciamus,
 simulque sancta & religiosa ira exestuā-
 tes exclamemus, Apage sis scelerate hos-
 pes, discede infamis, aufer immundum
 isthoc epulum, & caue cæterum mihi
 amplius occurras. Secundus tentationes
 superādi modus est, vt ex illis ipsis (quod
 de scorpionibus fertur) remediū & phar-
 macum eliciamus. Cū ergo Diabolus eo

quo diximus modo sub virtutum pretextu vitia nobis adfricare conabitur, similem fraude eludemus, & quod in proverbio est artem arte repellemus. Ita si ad gloriæ aucupium te instigarit, tu confestum adhibita in cōsiliū ratione quænam gloria tibi persequenda sit delibera- bis: sicque rite inuocato & implorato Deo non fluxam illam, & inanis famæ rumusculos, sed æternum, sed perenne apud Deum nomen & Decus tibi acquirendum esse constitues. Eodem modo si auaritiā bellè virtutum coloribus fucam & variegatam tibi obijciat, decerne non caduca illa & in morem aquæ præterlabētia, sed immortalia, sed sempiterna, sed cælestia tibi bona cumulanda esse & coaceruanda. Ad quod tibi consiliū illud Domini nostri Matthæi quinto non parum profuerit, qui ait: *Nolite thesaurizare vobis thesauros in terra &c Sed Thesaurizare vobis in cælo, vbi ærugo & tinea non demolitur.* Similiter si capitalis ille tuus inimicus libidines & voluptates tibi obijciat, tu sectandas tibi quidem eas esse constitue, at non illas quas Diabolus suggerit, sed quæ Dei electis & vitam ex illius instituto transigentibus præparatæ sunt. Quo quidem modo nec faciliorem

reperire est, nec laudabiliorem, addo etiā
 nec fructuosiore. Ita namque Diabolū
 suomet gladio sicut Dau. d. gigantem Go-
 liath interficies. Tertium remedium tes-
 tationes quā euadendi quā superandi hu-
 militas constituit: Quæ sola sicut D. An-
 thonio reuelatum fuit laqueos quibus
 mundus iste plenus ac oblitus est contē-
 nit & elabatur Verum enimvero quem-
 admodum Rex quispiam subditis suis cō-
 teroqui humilibus & modestis vbi ad ar-
 ma ventum fuerit, opem suā deesse non
 patitur: ita Regina Humilitas quæ inter
 cæteras virtutes ordines ducit hominem
 quem incolit à Diabolo nequaquam su-
 perari patitur & debellari. Cum præfer-
 tim Diabolus exercitu suo stipatus per
 superbiæ montes tripudians ac sublimis
 oberret: cōtra autem humilitas in imis
 vallibus lateat. Neque verò tantum hu-
 militas ad Diaboli tentationes superan-
 das confert, sed ad ipsorum etiam aduer-
 satorum nostrorum iacula & sagittas re-
 tundendas, quæ vbi directè in hanc inci-
 derint, hebetari illas necesse est & enu-
 uari. Quartus de tentationibus triūphan-
 di modus est, Diuinum auxilium implo-
 rare & supplicibus vobis magnum illud
 ac cæleste numen conuenire, Nota enim

est de Moyse Hebræorum duce & nomotheta historia, qui cum elatis ad cælum manibus Deum precaretur populus Israeliticus fortiter in hostem pugnando exercitum Amelech conficiebat. Hanc postea historiam matrona Iudith lōge post homines natos celeberrima cū ad populū suum verba haberet, in rem presentem adduxit, & vt Assyrij obseffi ad Deū confugerent eos commonefecit dicens: *Memores estote serui Dei Moysi, qui Amalech nō ferro pugnando sed precibus sanctis deuicit.* Similis & germana huic historia illa est quæ Primo libro Regum Cap. ii. habetur. Cum enim populus labes ab Ammonitis obsidione cinctus aliūde auxilium spondere sibi non posset, Legatis ad Saulem missis obsidione confestim soluta in libertatem restituti sunt. Ita anima aliqua à tentationum & Diabolorum exercitu obseffa, simulac Dei & sanctorum opem implorarit, Satan re infecta discedere, receptui canere, aut si manum cum obseffis conferat, insigni ignominie macula aspersus fuga sibi consulere compelletur. Quintus tentationibus viriliter obfistendi modus à fide petitur, quæ pænarum æternarum & coronæ sempiternæ certa, ne ciuitatem suam anima dedat, vetat ac
pro;

prohibet. Verum istis nunc ita absolutis & veluti per transfennam explicatis instituti nostri ratio monet aliquid vt etiã de tentationum fructu & vtilitate dicendum esse videatur. Principio itaque etsi à parte inimici tentationes ad Christiani studiosi & Collegij sapientiæ ruinam ordinate sint: attamen & Deus studiosos Discipulosque suos tentationibus multifariam affligi permittit & lancinari. Primum vt assiduus istis hostium impressionibus docti & eruditi milites insignesque etiam strategi euadant. Secundò vt dum inter hostem atatem agunt peruigiles sint & assiduo excubent. Tertium vt infirmitatis suæ consciij nihil de se sibi appromittant, sed continuò intra modestig ac humilitatis limites spiritum animumque contineant. Verum cum hæc vt opinor satis sint facile vt vniuersi intelligant quomodo id quod Diabolus nobis adornat in studiorum nostrorum cursu nos supplantaturus, maius potius adiumentum adferat: indies vt maiorem in sapientiæ isto Collegio profectum faciamus; ad sequens capitulum transeamus.

QVOMODO MAGDALENA

Christi discipula primum legere dedicerit.

CAPVT XVII.

Postquam Maria Magdalena Scholis supradictis nuntium remisisset & multum vale dixisset, simulac à Domino nostro in Matriculam Collegij sapientiæ relata fuit, Conscientiæ suæ librum legere & sui ipsius cognitionem apisci cepit, quemadmodum id manifeste satis D. Lucas cap 7. innuit cum ait, *Et cognouit.* Quatuor autē potissimum ex libris illius assidua & diligenti lectione consecuta fuit. Primum sui ipsius cognitionem, intelligens quot, quanta, quamq; enormia peccata designauisset: tum Dei se creaturam esse, ad illius imaginem & similitudinem cōstitam, ratione præditam, morti obnoxiam & aliquando Diuinæ visioni fruitionique destinam. Cumque hoc modo plenam naturæ suæ scientiam & cognitionem acceperisset, intellexit deinde etiam in quod monstrum per peccatum Diabolica Metamorphosi esset transformata. Cæterum prima ista sui ipsius

ipsius cognitio prim^o in scala cæli grad^{us}
 est: neq; enim ijs cor ad videndū Deum
 atollere poterit, qui seipsum vidit intui-
 tusque nec dum est. Vt namque quæ in
 Deo sunt cognoscamus, ante quibus nos
 ipsi affecti sumus explorata & comperta
 nobis esse debent. Hinc dum multi cur-
 sus astrorum, vim & potestatem herba-
 rum, complexiones hominum, propri-
 tates animalium, naturas cælestium ac
 terrestrium rerum perspicere & intelli-
 gere satagunt, illud tamē nunquam con-
 sequuntur sui vt ipsius cognitionem in-
 dipiscantur. Quæ enim stultitia illa est, in
 alieno libro legere velle, priusquam in
 tuo elementa dignoscere, syllabas coag-
 mentare, verbaque pronuntiare possis?
 Obseruauit ergo contrarium Magdalena
 quæ in suo libro legere, & tam naturam
 quam culpam suam cognoscere, ac inde
 ingritudinem suam erga Deum, cuius
 donis abusa fuit, ante perspicere allabo-
 rauit: Vt quomodo primum bona natu-
 ræ, pulchritudinem, sanitatem, ætatemq;
 sam iuuenilem perdidisset: quomodo di-
 uitias & generis nobilitatē adhibuisset:
 & quomodo denique ingenium & in-
 tellectum applicauisset velut in speculo
 aut in tabella aliqua contemplaretur.

Hanc autem deinde cognitionem consecuta, in corde suo cū D. Paulo dicere incēpit, O me miseram & infelicem Magdalenā! quomodo quæso ignorare potes Misericordiam Dei ad pœnitentiam te expectare? quin aliquando peccata deferimus & ad nos redimus? quin aliquādo cū Propheta dicim⁹: *Miserere mei Deus secundū Misericordiā tuā. Quoniā iniquitatem meā ego cognosco.* Ad hūc. n. modū filius prodigus se recognouit, quādo cōscientiæ suę librū euoluens, & in se reuersus dixit. *Quanti mercenarij in domo patris mei abundant panibus. Ego autē hic pereor?* Neq; vero multo aliter Mariæ Magdalenæ euenisse existimandū est, quæ simulac in propriā se miserię cognitionē penetravit, & immanes peccatorum suorum sordes considerauit, quā potuit celerrimo cursu ad fontem gratiæ Iesum Christum lauatura contendit. Nec immeritō: vt enim is qui morbi sui ac periculi in quo versatur non ignarus est, vnum hoc agit, vt quam maturrimē doctū aliquē & experitū medicū cōsequatur: Imō sicut nauta tunc maximē ad gubernacula sedere, remos ducere, & operas exhortari incipit, cū tēpestatē imminentē præuidet; & sicut is qui passim ignē domū depopulari videt ad vicino rū auxilia implorāda adigitur: sicut deniq; tūc cōmunibus viri-

bus.

bus res agitur quando hostes in mētia ac muros eniti cōspicamur. Ita Magdalena postquā ōnia illa in se reperisset quę de se spiritualiter dicta sunt, feriari nō potuit, nec dū Magister illius à mēsa surrexisset pręstolari: quippe q̄ probē intelligeret à mora & cūctatione plus dāni & detrimētū quā fruct⁹ & emolumētū sperādū sibi esse. Vnde grauitate peccatorū suorū cognita, & diuersorū flagitiorū enormitate perspecta ingentē miserā ingenti misericordia opus habere intellexit: sicq; abissus aērūnarū cōmiserationū abissum implorauit. Atq; hic prim⁹ fruct⁹ fuit quē Magdalena ex suimet libri lectione reportauit. Secundus est quod euidenter & liquido intellexit quā tā bonorū per peccata sua iacturā fecerit & detrimētū: quomodo videlicet se ipsā miserrimē corruperit, cælestē regnū perdiderit, & ex Dei sui grātia exciderit: tū quomodo honorē libidinib⁹ prostituerit, peculiū Domesticū crebris & sūptuosis cōuiujs exhausserit, quomodo rēpus & etatis suę florē dilapidarit, & quā sepe in frivolis, inuolibusq; reb⁹ se animūq; suū occuparit. Harū aut̄ omnīū rerū iacturā & detrimētū cū adhibita in cōsiliū ratione expēderet, quid amabo aliud facerē poterat, quā flere, quā eiulare? etenim si mūdani isti diuites ac opulenti sæpe propter

exiguum in bonis temporalibus acceptum detrimentum muliebriter, & puorum instar lamentantur : quanto iustius nobis id liceat, qui inæstimabilem thesaurorū per peccata nostra naufragium sæpe numero passi sumus? Tertio in conscientie suæ supradicto libro mala & damna quæ incurrit, Maria etiam Magdalena legisse existimāda est; qualia sunt dānatio sēpiterna, priuatio paternæ suæ hæreditatis, & cælestis gloriæ naufragiū. O Magdalena tenella & delicata mulier, quomodo amabo tu sempiternos inferni ignis toleratura es? extingue potius eos si sapis, & contritionum lachrymis quantum potest suffoca. O miseram filiam! an non intelligis pessime te isthoc tuo viuendi instituto optimi tui parentis amicitiam & patrimonium pariter amittere? pericula isthæc quæ tibi imminēt nisi seridò resipiscis non vides? Cognouit quare quis ille esset quem toties peccando & in flagitiorum suorum sordibus volutando offenderat, nimirum bonitatem infinitam, quæ Deus est, & à qua innumera ac inæstimabilia beneficia accepit. O ingratham & insipientem! oblectauisti tu te hætenus cū inimico tuo Diabolo, cōtristauisti sãctos, & bonos angelos.

los, amicos suos fideles despexisti, male agēdi viam institisti, & prauis suggestio- nibus semper, sanctis autem nunquam acquieuisti. Age ergo iam nunc Magda- lena mea, exhilara angelos, conuersare cum sanctis, reijce iugū Diaboli & vnus Dei seruitio te addicas: Huius regnum & dioecesim inhabita, hunc vt regem tuum honora; & sicut ante hac perditē agendo illum blasphemauisti, ita nunc eundem sanctē viuēdo glorifica. Habes hactenus primas Magdalenæ lectiones, quas illa ex conscientia suæ libro desumpsit: ha- bes sui ipsius cognitionē, omnibus plane animabus necessariam, quæ Domino no- stro desponsari desiderant; quemadmo- dum id Salomon Cantorum Primo pulchrē insinuat dicens: *Si ignoras te opul- chra inter mulieres; egredere, & abi post ve- stigia gregum tuorum &c.* Porro prædictæ illæ scientiæ, Magdalenæ cordi admiran- da Diuinæ dilectionis insignia imprime- re cæperunt, qualia sunt odium rerum humanarum & mundanarum, desiderium bonorum cælestium, & incredibilis amor omnes numeros præceptorum Diuino- rum adimplendi. Et primum quidem quantum ad despectum & contemptum rerum mundanarum attinet, simulac-

Magdalena earū inconstantia & instabilitatē cognouit, inter crebra suspiria & lamenta in hūc modū effata fuit. O miserā animā meā! ergone te Magdalena mūdus iste fluxus & labilis pascere potest ac recreare? istis tu te delicijs immergere & transitorijs illis voluptatibus mentē animūq; addicere potes? Tu isti hoc ore tuo & effrænata lingua Creatorē tuū offendere & incessere? Tu capitis tui suggestu & vniuerso illo mūdo muliebri te & alios pariter egregiè fallere atq; traducere? prōdolor! Tunc tot animas in spem cēlestis regni creatas & educatas obscena oculorū tuorū libidine ardentū & fulgurantiū intuitu perdere audeas? Reuera. n. quod de Basilisco Historici narrāt, id in te multo quā verissimum est: ut enim ille pestifero suo aspectu homines enecare dicitur ita tu hactenus peccatis tuis longe grauissimis multorū incautas animas in profundum inferni barathrum & eternę cōdemnationis abyssū precipitauisti. Quā aurē amabo ob causam corpus illud tuū quod vermīū tantum cibus & pabulum futurum est, adeo cultum & exornatum salutis animę tuę, imo ipsi Deo qui summum tuum bonum est præferre & anteponere non reformidas? certe nobili
 demo

domo oriunda es, Ex illustri familia sara-
elegans & venustū corpus, ac amplas etiā
diuitias & fortunas accepisti. habes gen^{us}.
habes formā, rē habes: & nihilominus in-
star porci in limo & cæno carnaliū volu-
ptatū versari tibi libet ac volutari? aut in-
star formosę quercus glādes tantū sub^{ter}
pascēdis aptas progignere? quomodo pa-
ti potes vt mūdus te ita decipiat; dicā ve-
rius, vt tu teipsā: Bona reuera illa quib^{us} in-
hās & insidiaris fluxa tātū & caduca sūt,
quæ autē despicias & contēnis æterna &
sempiterna. Quæ tu persequeris, volupta-
tes quas aucuparis, delicias quas venaris,
cū bestis cōmunes habes: reliquæ autem
quas tu sordere existimas, tibi ac angelis
tātū proprię sunt, quin ergo vocē Domi-
ni tui per Prophetā Ieremiā loquentē au-
dis? *Fornicata es cū amatoribus mu'tis, verū-
tamē reuertere, & suscipiā te.* His fere verbis
Magdalena rerū mundanarū sordes exe-
crata omnia plane carnalia desideria fa-
stidire & auersari cæpit: sicq; bonorū su-
periorū sitim & affectū in se ex itans cū
Psalmista dicebat: *Sūiuu anima mea ad Deū
fontem viuū;* & cū S. Paulo: *Cupio dissolui,
cupio tabernaculum corporis mei con-
fringi, & esse cum Christo.* Hoc autē adeo
acre desiderii acutiquam in se concipere
potuiss-

potuisset, nisi multo ante bonorum illorum cælestium sensum & gustum aliquē habuisset. Quisquis enim eo modo erga Deum & illius Paradisum afficitur, huic secundum D. Bernardum omnia mundana sordere, & incredibilis amaritudo videri debent. Sicut autem ad salutem animæ & amicitiam Dei non nisi per Diuinorum mandatorum obseruationem peruenitur, Iuxta illud Matthæi nono *Si vis ad vitam ingredi serua mandata*: Ita confestim ardor ille Magdalenæ animū inuasit omnia & singula diuinæ legis præcepta ad amissim obseruandi: sicque etiam cum animo suo repetens animanti nihil difficile, & iugum legemq; Dei leuia suauiaque esse, Domini nostri scholā & collegium deinceps frequentare, constituit: certa quemadmodum hætenus neglectu Diuinorum mandatorum perniciem sibi fabricata fuerat, ita cæterum per eorundem obseruationem animæ se suæ salutem promoturam & procuraturam esse. His ita firmiter decretis & constitutis, ad meliorem frugem se recipit, Iesu Christi doctrinam mente & auribus excipit, eius voluntati in omnibus obtemperat, & ne latum quidem vnguē à virtutis schola recedit. Hanc Magdale-

nam

lenam sedulam & diligentem disciplinā nos peccatores i nitatur, ante quem admodum conscientiarum nostrarum libros euoluere oporteat addiscere debemus: qui cum se penumero falsas & mortis literas continere nit, nisi reā primum expungantur librique adeo ipsi aperiuntur, legi intelligique non possunt. Id est; peccatum quod interius latet & excusationis pellibus ac corio inuoluitur, patefaciendum est, & in confessione detegendum; alias enim in extremo iudicio violenter à seueri iudicis satellitibus aperietur & ad insignem nostram cōfusionem dirumpetur. Qui etiam liber si corruptius & deprauatus fuerit, quemadmodum Ieremiæ ille in quo Babyloniorum maledictiones & diræ continebantur, ita quoque ipse molari alligatus in Euphratem infernalem demergetur & sempiternis ignibus comburetur: certum enim, & indubitatū est sordidas istiusmodi & lulentas conscientias irruente in se seuerissima Iudicis sententiā in sempiternum condemnationis barathrum deturbatas iri. Porro quot peccata mortalia seu venialia in hoc sæculo commissa fuerunt, tot minutas capitalesque (vbi Typographi eas vocant) literas libri istiusmodi

con-

conscientiarū humanarum cōtinebunt. In his enim Diabolus superbiam, iram, & auaritiā: mundus cupiditatem, v-
 suras, & ambitionē: & caro deniq; igna-
 uiam, gulam, luxuriāq; describit. Quas
 scripturas & literas adeo vniuersas con-
 tritionis lachrymis & penitentiae spōgia
 deleri expungi; necesse est: si. n. remā-
 ferint, tū vero iustissim⁹ ille iudex ad trās-
 gressionē suorū mandatorū velut propo-
 sitionē iustitiæ suę rigorē ceu Assu nptionē
 adiungēs, cōclusionē sēpiterne mor-
 tis syllogis. eū suū absoluet. At dicet mihi
 hoc loco rudis & crassiore aēre prognat⁹
 quispiā, Quomodo vero ego in consciē-
 tiæ libro lecturus sum qui tāris peccatorū
 tenebris obfuscatus & obnubilat⁹ est? Ad
 quod ego Respondeo: bestia nō immeri-
 to videri illum, qui cū quę propria manu
 scripsit, & suæ ipsius cōscientiæ peccatum
 legere nō valeat, in alieno tamē Lynx ali-
 qua & Epidaurus est. Quisquis. n. istius-
 modi est, hic cū oculo similitudinē quā-
 dā habet, qui cū extra se posita omnia ac-
 curate intuetur, seipsū tamē videre nō po-
 test. O cæcitas ē mentis hūmarū! Certe si
 is omniū iudicio stult⁹ audit, sui qui ipsi⁹
 obliuiscitur: eum reuera insignite fatuum
 & amentē esse oportet, qui pius studet vt
 aliena

aliena quā vt propria peccata legere va-
 leat. Itaq; cū non absq; voluptatis aliqua
 titillatione proximorū nostrorū pec- cata
 recitari audiamus; cū nostra exponenda
 sūt, cū antea vitæ ratio & examē apud
 confessariū instituendū, tū verò latebras
 circūspicimus & Christi vicariū ac illius
 censurā reformidamus. Vnde concludo
 cū qui perfectē cōscientiæ suę librū lege-
 re desiderat sæpe numero eum inspicere
 oportere: quēadmodū gnauī diligētesq;
 discipuli qui ne lectionis suę quā memo-
 riæ semel crediderunt obliuiscātur, librū
 suū identidē inspectāt Videas tu plerosq;
 nō nisi semel in anno cōscientiæ suę li-
 brū inspicere: & quid mirū est si eundem
 legere ignorāt? Attendimus sedulo imò
 excubamus ne tēporale aliquod bonū ia-
 cturā quampiā patiatur, lustramus dolia
 ne vinū dilabatur, frumentū verrimur &
 transferimus ne corrumpatur: ipsa deniq;
 prata inspicimus ne à talpis infideātur &
 suffodiantur. Cū ecce tibi miserā animā
 lōgo tēpore derelictā quicustodiat nemo
 est, nemo inquā qui exploret vtū per fo-
 ramina aurīū & oculorū infecta fortassis
 aliqua in eā irrepāt & illabātur. Liber cō-
 sciēt. puluerib⁹ oblit⁹ est, & ideo asini eū
 legere nō possūt & tamē si de seipsis nihil
 legere

legere possunt, de alijs quomodo sodes legent? & qui vicina non videt quomodo quæ eminus sunt videbit? Responde mihi, *clerice quem librum legis?* an nomen tuum ignoras, an id per casus infligere non potes, an ea quæ contra Deum fecisti nescis? si ignorare te fateris cuius Lumbrici aut Lauernionis discipulus es? talē enim reuera esse te oportet, qui adeo raro scholam frequentas & librum tuum inspicis. Etsi enim peccata longum ante tempus patrata sint, attamen si in schedā illa retulisti, succurrere tibi cum voles necesse est. Ideo enim quilibet naturæ lumen ut facigerum accepit, quo illius opera bonū à malo discernemus, quidue male vel benefactum fuerit intelligeremus. Verum si etiam aut lumen istud obscurius, aut visus tuus hebetior sit, ita ut egre conscientia tua librum legere possis apprehēde lucernam verbi diuini, accede confessarium, qui nullo negotio ad peccatorum tuorum cognitionem viā tibi sternet ac muniet. Inuoca deinde lumen diuinę inspirationis, ipsiq; Deo te commendans cum Psalmista dic: *Delicta quis intelligit? ab occultis meis munda me Domine.*

QUOMODO MAGDALENA
scribere didicerit.

CAPVT XVIII.

SANCTUS Augustinus diuersarum in
Sapientiae Collegio Monasticarum
familiarum author ac parens, in Oratio-
nibus suis hic fere verbis Deum suum af-
fatur: Fac ô Domine Deus, vt me & te
iuxta cognoscam: da mihi cognitionem
tui & mei ipsius: Mei enim cognitio me
humiliabit, tui autem ad te amandum in-
citabit; quemadmodum Mariæ Magda-
lenæ euenit, quæ librum illum Ezechielis
in quo tria scripta erant, *Lamentationes*
videlicet, *carmen*, & *vs*, adeo accurate le-
gebat & intelligebat omnibus vt imitan-
di & paria faciendi spem prope ademerit.
Cum hac ergo quisquis conscientiae suæ
librum diligenter euoluere satagit; is gra-
uitatem & enormitatem delictorum suo-
rum considerans, planctus, lachrymas, &
eiulatus discit. Quis enim secundum Scri-
pturam id absorbere cupiat, quod come-
stum & deglutitum mortem affert? quis
fimetum & olidum in se sterquilinum
pati ac tolerare velit? Quæ vero turpitu-
do,

do, quis fetor, quę putrefactio peccati infamia maior est? Nam vt Psalmista dicit: *Putruerunt & corruptę sunt cicatrices meę à facie insipientię meę.* Postquam ergo in conscientię tuę libro lamentationes & ploratus legeris, ad Cantica & lubila in eodē contenta transi, sicque conceptum dolorem Beatorum felicitate leni, ad quam identidem rite suspirare par est, cum Psalmista exclama: *Letatus sum in his quę dicta sunt mihi in domum domini ibimus.* Porro secunda hac lectione ita cognita & memorię fideliter insculpta, ad tertiam quę vř & Diras continet, transibis, illasque in peccato obstinatis & pertinacibus apparatus cum animo tuo recolens, Sanctum diuini numinis timorem in te suscitabis; sicque quotidie Conscientię tuę librū inspiciendo & singula eius folia euoluendo, perfectus Iesus Christi Discipulus euades, & plenam quidlibet accurate legendi cognitionem consequeris. Quoniam autem iam nunc Magdalenam in lectione perfectā euasisse ostendimus, superest vt eisdem illam profectus in scriptione & literis pingēdis fecisse adstruamus. Principio itaq; etsi innumerabiles prope fuerunt qui de *Conscribendis Epistolis* prę-

in præcepta in vnū corpus congefserint,
 & publici postea iuris fecerint: quia ta-
 men methodum inter homines tantum
 literas & epistolia missū adī tradiderunt,
 ideo nulla ex parte Magdalenæ nostræ
 comparandi sunt. Ea enim Spiritu S. du-
 ce & Magistro artem epistolas ad Deum
 exarandi, & cum illo suauissime per
 literas sermocinandi inuenit; quēadmo-
 dum id minime obscure S. Ioannes ca p.
 vndecimo significat, vbi de morbo
 & aduersa valetudine fratris Lazari
 verba faciens ait: *Miserunt sorores eius*
ad eum dicentes, Domine ecce, quem a-
mas infirmatur. Ecce scriptionem, ecce
 literas, ecce epistolam à Magdalena
 & Martha sororibus artificiose inuen-
 tam, accurate dispositam, & graphice
 exaratam! Cum autem Magdalenam
 etiam scriptionis epistolice peritissimam
 neutiquam fugere posset, ea quæ ad
 Principes & Magnates scribuntur, bre-
 uibus proferri & explicari oportere:
 imò epistolas breues, amicitias autem
 longas esse debere; ideo illa paucis
 admodum verbis animi sui sensa de-
 clarat, & dum parum dicere vider-
 tur, plus in recessu quā in vestibulo ostendit;
 quemadmodum cuilibet facile
 allu-

Allucebit, semel qui tantum Laconicam
 eius epistolam, singulaque adeò illius
 verba pensiculatus examinarit. Ait enim
 principio, *Dominæ*, ubi subaudi & subin-
 tellige, vitæ ac mortis, penes quem mor-
 borum & sanitatis dominium est, & cui
 simulac aliquid præceperit, confestim
 obeditur, dicente Scriptura: *Subest tibi cū
 volueris posse: & alibi; Dixit & facta sunt.*
 Vbi etiam illud mihi aduerte, quod Mag-
 dalena non certi alicuius loci sed absolu-
 tē Dominum illum appellet: indicatura
 videlicet id nomen, proprium illi esse,
 prout Psalmistam innuit dicens: *Dominū
 est terra & plenitudo eius;* & sicut ipsemet
 Apostolos suos allocutus adstipulatur,
Dominus his opus habet. Ad eundem ergo
 modum Magdalena Christum Dominū
 appellat cuius humilem se discipulam
 futuram semper esse proficitur. Addit
 deinde aduerbium demonstratiuum *Ecce,*
 ac si dicat: *Necessitas* vrget, res euident
 notoriaque est nulla hic morbi simula-
 tio, ad oculum patet, nemo ignorat, ne-
 mo nescit Lazarum fratrem meum vi-
 xisse. Non dormit ille, non quiescit, non
 moritur, sed mortuus est. Et sequitur,
Quem amas, sicut & ille te, subaudi: Nam
 ad iunctum Prouerbiorum 6. appromittis
 dicens;

COLLEGII SAPIENT. 217

dicens: *Ego diligentes me diligo.* Imò non
 hoc sed aliud Magdalena dicere vult, nō
 qui te, sed quem tu amas. Amor enim iste
 quo nos Deum amplectimur nulla ex
 parte cum diuino illo componi compa-
 rariq; potest, qui nullo merito pręuentus
 nos ante dilexit. Verum vt vt est Domine
 Iesu, inquit Magdalena, accipe in custo-
 diam amorem tuum quo creaturam tuā
 prosequeris, accipe opus tuum, accipe
 plasma manuum tuarum, & facturam
 digitorum tuorum. Ostende nūc effectū
 quod cap. 10. Sapientiæ legimus: *Diligis
 vniuersa que sunt, & nihil odisti eorum que
 fecisti.* Ostende te amare Lazarum quem
 te amare tibi que seruire voluisti: ama in-
 quam illum non propter generis nobili-
 tatem sed propter virtutem quam ei insec-
 uisti & indidisti. E: sequitur quartum vo-
 cabulū, *Infirmatur.* Ita ne verò vide Mag-
 dalena quid dicas. Tu ergo Dei amicos
 infirmari posse existimas? tu illius fami-
 liares malè haberi, affligi, & vapulare ar-
 bittaris? Imo verò: hæc sola pestilens &
 letalis valetudo ac infirmitas est, cu n ex-
 tra diuinam gratiam constituti sumus
 Cum autem à Deo virgis cædi mur, cum
 morbis, cum ærumnis, cum egstate ple-
 sumur, tum verò dicere non possumus

cum alienatum à nobis esse, & quos paulo ante dilexerat, execrari. *Quem enim diligit Dominus corripit, & quasi pater cum filio complacet sibi.* Quem namque tu parentem mihi dabis, adeo qui tenere perditque liberos suos diligit, ut cum eos aqua absorptos iri videt, capillo fluctuantes non apprehendat, & morti etsi non absque dolore aliquo subducat? Peccavit ergo & hallucinatus fuit Elyphas Iobi necessarius, quando ei ob oculos statuit, quemadmodum nullus iustorum & viri expertium affligatur. Etsi enim adversa valetudo inter sinistra ferè & ærumnosa numerari consueverit: attamen trifariam nobis præcipue utilis fructuosaque est; & Primò quidem quia à Deo summo bono immittitur: Secundo quia ipsum illud summum bonum Christus videlicet naturæ assumptæ sociam habuit: Tertiò quia Creaturam ad summum item bonum Deum videlicet perducit. Et principiò quidem morbos & ærumnas à summo Bono profluere dico, ideoque non nisi inter Bona censenda videri; quemadmodum Ecclesiastici legimus: *Bona & mala, vita & mors, paupertas & honestas à Deo.* Sicut autem tribulatio & angustia non nisi à Summo Bono promanat

COLLEGII SAPIENT. 219

promanat, quod Deus est, ita non nisi æquabili patientique animo ferenda ac toleranda est. Quemadmodum sæpe quæ ab amicis munuscula in nos congeruntur, non ex donorum sed ex donantium prætio & amore æstimamus, amamus, & conseruamus. Vnde Christus Ioannis vigesi. no ait: *Calicem quem dedit mihi Pater non vis ut bibam illum.* Tribulatio autem & aduersitas quid aliud est quàm calix seu amara quædam potio quam nobis cælestis Pater offert atque propinat? & timeat adhuc æger eā recipere, eā bibere, eam exhaurire? Nam quomodo Deus medico:ū ille sapiētissimus, fidelissimus, & sincerissimus, peccare & pro pharmaco venenum nobis infundere potest, dū amarā tribulationis potionē nobis propinat? Cum præsertim clare & euidenter S. Paulus fieri id posse neget, dum ad Corinthios 10. ait: *Fidelis Deus qui non patitur vos tentari supra id quod potestis. sed faciet cum tentatione prouentum ut possitis sustinere:* Cui Psalmista adstipulatur inquit: *Cōgregans sicut in utero aquas maris;* id est, Deus tribulationes & ærumnas iusta cuiq; mensura offert, atq; & tantū singulis immittit quantum prodesse expedireque cognoscit. SECUNDO tri-
K 2
bulatio

bulatio in supremo nostro bono id est in Christo Iesu fuit; vnde & illud consequitur necessario bonam eam videri: quippe cum nihil nisi bonum admittere recipereque possit. Vnde pulchre D. Augustinus ait: Verus Homo Deus Iesus Christus, omnia terrena cōtempnit, idem vt nos post illum faceremus nec aliquo pacto desideria nostra tēporalibus adijceremus. Portauit ergo calamitates, egestatem, & penuriam, ne videlicet nos in caducis illis bonis felicitatem nostram defigamus, aut aduersa & dubia infelicitatis loco habeamus. Si ergo vnicus Dei filius, Patri in omnibus & per omnia æqualis, Verbum diuinum, per quem omnia facta sunt, cum in diuinitatem suam passio nō caderet, humanitatem assumere voluit vt pro nobis flagellaretur. Si inquam ille qui omnis culpæ & criminis expers est, suffert ac patitur: quomodo nos Filij adoptiui & Peccati Hæredes in hoc mundo affligi nolumus, & molestias ac ærumnas execramur? Næ vero nos insigniter rustici agrestesque sumus, qui nō intelligimus honorem nobis adhiberi quod vnicum Rege nostro mensæ accubimus, quod vno seculo pascitur, & calicis illius reliquias quem in Crucis aba-

co de:

co degustauit exhaurimus? ò felicem re-
 uera illum & beatum, cui extremum diē
 inter ærumnas istiusmodi claudere licet!
 certo enim certius ijs deuoratis ad sem-
 piterna gaudia & perpetuam felicitatem
 auocatur. Tertio tribulationes non nisi
 bonæ esse possunt, quia homines ad su-
 premum bonum deducunt. Quæ enim
 nocent hæc docent. Et per multas tribula-
 tiones regnum Dei intrare oportet. Atq;
 si etiam hoc loco dicas, Tribulationum
 illud ferculum insipidum ac male condi-
 tum ad teneram saluam & palatum de-
 licatum, qualem Lazarum habuisse veri-
 simile est, minus bene conuenire: Respon-
 deo, dulcissimum gratissimumque effici
 si iusculo suo rite & decenter intingatur;
 vnde quoties tibi id apponetur, hoc ante
 Receptum adhibere memento. Recipe
 dragmam Timoris Dei, & Sanctæ spei,
 adde ijana. misericordiæ & compassio-
 nis: hæcque ita mixta & cōfusa in cordis
 tui mortariolo cōrunde, indeq; identidē
 sume, quod si feceris ferculum illud ærū-
 narum & tribulationum catapotiu nū-
 to quam auidiissime exhauries. Cum autē
 prima Timoris Dei species, & inferna-
 lium tormentorum Metus iusculum a-
 marum efficiat, gustum & palatum radit,

peccata pellat, arcum Iustitiæ diuinæ & illius sagittas iam iam ab æquitate spargendas reformidet: consultum est eam secunda Fiduciæ specie lenire, & mercedis imminuentis recordatione flagelli quo cædimur dolorem nonnihil mitigare. Tertium condimentum ex Cinnamomo aromate longe præstantissimo fit, & utimur eo quoties acerbissimæ seruatoris Iesu Christi Passioni comparimur: considerantes quantum ille pro nobis primo in flagellatione ad columnam, tum in Coronatione spinea, ac denique in arbore Crucis sustinuerit. Reuera enim quisquis Passionem istam recte cordi suo impresserit, is quin bono animo difficillima quæque exhauriat fieri non potest: quippe cum afflictio quantumuis magna cum minima illius comparata deliciarum potius quam tormentorum vim ac speciem habeat. Maneat ergo in controuersiam vocari non debere, vtrum aduersa plerumque intimis Dei amicis ac familiaribus immittantur: Maneat etiam Magdalenam idcirco recte & sapienter petiuisse & dixisse: *Quem amas infirmatur*. Vbi & illud nota Magdalenam non petere, vt Dominus se conueniat & lecto affixum sanet, sed quod necessitatem

tatē exposuisse cōtenta, simpliciter dicat
Infirmatur, cetera omnia diuinę illius vo-
luntati & beneplacito relinquens. Et ad-
de quod amico necessitatē indicauisse suf-
ficit, & miserā expressisse satis est: qui. n.
verus amicus audire vult is nō pluris suū
quam alienum cōmodum & incolumi-
tatē æstimabit. In summa Maria hæc no-
stra adeo efficaces ad Christum literas
dedit, confestim vt ipsi in hæc verba re-
spondere rescribereque non dubitaret: *In-*
firmitas hæc non est ad mortē, sed vt glorifice-
tur filius Dei per eam. O nouam, ô admirā-
dam, ô insolentē seruatoris Nostri doctri-
nā! Cū enim antea afflictio, infirmitas, &
mors, irati quædā Dei signa esse videren-
tur: nunc eundē placatū arguunt, & om-
nia isthæc ad gloriæ scopū referentē. Vn-
de etiā in illius cognitionē digredimur,
Christianū in aduersitatibus cōstitutū nō
solū confiteri debere, à superna Dei illas
voluntate pmanare, idē enim improbo-
rū etiā iudiciū est, qui infortunio aliquo
mulctati, diuinę id punitioni adscribūta
sed etiā firmiter credere ōnia à paterna ei⁹
beneuolētia pficisci q̄ nihil nō ad gloriā
suā & honorē dirigit: postquā. n. nos sa-
nitati redditos in libertatē pristinā asser-
uerit, tū vero gratiarū actiones ei p̄solue-

mus, & prœptiore ac paratiore illi animò inferuiemus Præterquam quod etiam ex hac præsentē Historia liquido ac euidenter cognoscimus, Deum in aduersitatibus nos non deferere, & nec in vita nec in morte nos derelinquere: quippe qui Lazari iam defuncti & tumulati non obliuiscitur, sed fœtentem iam ac vermibus scatētē resuscitat. Et dubitamus adhuc idem nobis euenturum esse: modo antecum Magdalena per literas indigentiam illi nostram aperiamus, & de anima spiritusque nostro dicamus: Domine ecce quem amas infirmatur.

DE INSIGNI ET ADMIRABILI
Maria Magdalena docilitate.

CAPVT XIX.

INter omnia facile profectus studiosorum impedimenta meo quidem iudicio maximum est, dissidentia illa quæ id in nobis efficit & operatur ægre ut Magistri verbis fidem adhibeamus, & quæ nobis dogmata prælegerit non quæ par est reuerentia excipiamus. Patuit enim admodum id euidenter in Apostolo Tho-

Thoma, qui Christi Præceptoris sui lectionem quam de Resurrectione sua insinuerat ante se acceptaturum negauit, quam oculis & manibus dicentis veritatem explorauisset. E contra autem nihil ita Adolescentum ingenia acuit, intellectum subigit, & animum excolit quam Præceptoris suo assentiri, & lectioni aurem animumque pariter accommodare. Vnde admirationem habere non debet quod Maria Magdalena tam feliciter in suscepto studiorum suorum & virtutum cursu profecerit, ac incrementa omnium opinione maiora cepit: potius autem docilitas illa & tantum non Diuina discendi facilitas affectui illi quo Magistrum suum prosequabatur, & fidei quam illius dictis arrogabat ascribenda esse videtur. declarauit namque hoc ipse præceptor illius, quando in domo Simonis Pharisei ita illam allocutus fuit: *Fides tua se saluam fecit, vade in pace.* Vbi si etiam quæras quidnam illud sit quod dicitur Fide saluatam illam esse, vnico tibi id verbo interpretaturus, dico significare quod ex desperata, quod ex infami, quodque demum ex filia Diaboli à cælesti Rege adoptata fuerit, eius vt aliquando hæreditatē cerneret & saluaretur. dicente D. Io.

anno cap. 1. *Quot quot autem receperunt eum, dedit eis potestatem filios Dei fieri: his qui credunt in nomine eius.* Si itaque fides filios Dei nos facit an non illud etiā consecrarium est, eidē nos gratos esse, & quē volumus facili negotio ab illo impetrare posse? Et quis dubitet horæ vni⁹ spatio oppido egregie illū profecisse, qui per fidē saluari didicit? Itaq; verba etiā illa quibus Christus Magdalenam affatus fuit omnibus vere pēnitentibus & Iesu seruatoris nostri discipulis dici possunt: *Fides vestra saluos vos fecit, Ite in pace* Cuius quidē rei pleniorē vt aliquanto cognitionē habeamus tria hoc loco aduertēda sunt per quē Fides pēnitentem saluare dicitur. Primò enim latronibus infernalibus & capitalibus salutis nostræ inimicis hominem resipiscentem eripit, & à barbara illorum crudelitate defendit. Vt enim sole illo omniū quē in terris geruntur arbitrio desuper in subiectum hunc globum infuso, latrones, pēdones, & viarum subseffores in latibula sua profugiunt, & mercatores ac viatores tutū quo volunt inter habere permittūt: Ita vero illo iustitiæ sole Iesu exorto & spiritus S. radijs in cor nostrum effusis, omnes repente Diaboli latebras circūspiciūt vniq; amplius nobis inferre non possunt. Maius autem clarissimi solis pē-

lis per fidem allucētis primus radius est, quod videlicet Deum pænitentibus facile, obstinatis autē implacatū esse demonstrat, Hic radi⁹ simulacri Magdalene coniectus fuit, illico illa intelligere capit male secum actum iri nisi confestim Diabolo nuntium remitteret & perditē viuē di institutū migraret. Secūdo fides Magdalenam omnesq; adeo pænitentes tunc saluare existimāda est, quando sanitatē & animarū salutē illis restituit: quippe cum omniū morborū spiritaliū radix sit ignorantia, quæ iuuentuti maxime dominatur, quemadmodum prouerbiū indicat, *Vtinam iuuentus intelligeret & senectus posset; & Psalmista Deum rogans cōfirmat: Delicta iuventutis mee & ignorantias meas non memineris.* Quin & Aristoteles in libris Ethicorū ait, vehementia passionum ingenia obūdi & hebetari, illarumq; tenebris Iudicia humana obfuscarī: vnde etiā adolefcentes lectionibus Ethicis minus convenientes esse cōcludit. Si autē illud vero verius est fide ignorantia illam nō aliter quam lumine tenebras expelli: an non etiam istud præclare consequitur, Fidem vitæ radicē, virtutū scaturiginē, sciētiarum clauē & visionis Diuinę aditū introitūq; esse. Ideo nāq; & Domin⁹ noster

Martham in fratris sui resurrectione dicebat: *Nonne dixi tibi si credideris videbis gloriam Dei?* Tertio fides hominem saluat, non aliterquam clypeus qui aduersariorum in nos coniecta tela excipit atque retundit. Hinc etenim & D. Paulus ad Ephesios 7. *Fidem scutum appellat dicēs: In omnibus sumentes scutum fidei in quo possitis omnia tela nequissimi ignea extinguere.*

Et nota hoc loco duplici fere telo aduersarium nostrū ferire nos consueuisse, altero rudi & crudeli, lucundo altero & in speciem innocuo; quæ tamen vtraque fidei Clypeo facillime repelluntur ac retunduntur. Prius adhibet quando pænitiæ asperitatem, duritiamque nobis repræsentat; sperans ab illius suscepto studio abstrahere nos posse & dimouere. Id autem simulac fides conspicatur æternorum gaudiorū perpetuitatem leui ac momentaneæ ac sponte susceptæ pænitiæ opponit, & sempiterna gaudia eā manere ostendit. Posterius telum aduersarius in nos torquet, quando sub pretextu mundanæ voluptatis, in ruinam nos impellere satagit: verum & hoc leui negotio fidei scutū repellit, quando momentanea carnis delectatione quæ instar fumus euanescit infernaliam ac sempiternam nos
suppli.

supplicia promereri demonstrat. Qu^a propter illud vnicuique sedulo & enixe satagendum est, vt qua in prosperis qu^a in aduersis si quando ab inimico impetitur clypeo se isto protegat atque defendat. At dicet mihi hoc loco ex Sectariorū schola aliquis, Nostras partes homo hic tuetur, fidem saluare confitetur, & spei interea ac charitatis inutiles Catholicorum quisquillas amputat resecatque. At nego id ego tibi mi homo, & cum S. Paulo ad Hebræos decimo spem & confidentiam insignem remunerationem habituram contendo: charitatemque ad eo ipsam cum Sapiente multitudinem peccatorum tegere & expungere assero. Quæres itaque quomodo ergo hæc fides saluet & qualis nam illa sit ad quod ego oblique tibi respondeo, antequam Magdalenæ Iesus diceret *Fides tua te saluam fecit*, iam tum dixerat, *remittuntur ei peccata multa quia delexi multum*. Qui amor quomodo ociari quomodo feriari, quomodo bona opera non frequentare potuit? quomodo non continuo aliquid agere quo amasium suum oblectaret? quomodo non semper istiusmodi moliri aliquid, quo sibi illius animum ac beneuolentiā magis magisque deuinciret? maneat cr-

go cum in scriptura dicitur Fide saluare,
 iustificare, & Beatificare, nihil tunc minus
 quam spem, quam charitatem, quā bona
 opera, quā saluationem, quam iustifica-
 tionem, quā beatificationē sustollit: quip-
 pe cum spes & charitas verę solidæq; fi-
 dei argumenta sint, per quæ veluti per
 quasdam Demonstrationes Mathemati-
 cas fides mortua aut viua esse cōproba-
 tur: omnes autem tres istæ virtutes adeo
 arcto familiaritatis & necessitudinis vin-
 culo mutuo sibi innoxæ sūt, ut altera a
 altera in hac præsentī vita subsistere non
 possit. Sicut enim arbor quæ radice caret
 truncus potius & mortuum lignum quā
 arbor est, similiterq; etiam si ramis & frō-
 dibus exuta sit: Ita cum charitas radicem,
 fides truncum, & spes in altum eleuatos
 ramos repræsentet, altera absq; altera ex-
 istere repeririq; nō potest. Iam quantū
 cadauer ab homine, carbo à pruna, cere-
 ab incensa candela differt, tantum fides
 cum charitate & spe copulata à mortua
 illa quæ ambabus istis virtutibus Theo-
 logicis destituitur discrepat atq; dissen-
 tit. Imo sicut etiam candela non ardens
 non minus candela est, quam illa quę ac-
 cēsa est: sicut pruna etsi ardeat à carbone
 non differt: & sicut cadauer si spiritum il-
 li afflaueris, non minus homo erit quam
 aliud

alius quispiam : Ita Fides spe & charitate
 destituta, quæque in Christianis peccato
 Obuoxijs reperitur fides quidem dicitur,
 at non saluat, non iustificat, non deniqs
 beatificat, quemadmodum illa quæ chari-
 tate ardet & spe religiosa resplēdet. Hinc
 enim D. Paulus ad Corinthios cap. 13. ait:
Si habuero omnem fidem, ita ut montes trans-
feram, charitatem autem non habeam nullus
sum. Et ipse Dominus noster in Euange-
 lio ait in extremo iudicii die nōnullos sibi
 ciectos Dæmones patrata miracula, præ-
 dicta futura cōmemoraturus esse: quos ta-
 mē ille à se amolietur, suasq; sibi reshabe-
 re iubebit. Vnde manifeste perspicimus
 etiā illā fidem quæ miracula perpetrabat
 hominē saluatorū nō esse: quod ut facere
 possit, spem & charitatem indiuiduas illā
 socias habere oportet. Et hæc reuera fides
 illa est quam S. Paulus per charitatē ope-
 rari dicit, quæ à D. Iacobo viua appellatur
 & à S. Augustino omnis boni fundamē-
 tum nuncupatur; quod quidem si sustule-
 ris iā vero vniuersum ædificiū in illo ex-
 citatū corruere & solo adæquari necesse
 est. Atq; si etiā id crassius adhuc & euidē-
 tius intelligere desideras: vide quē admo-
 dū quilibet peccatorū sibi veniā factā esse
 cōfidat; & q̄o nino aliā ob causā nisi quia
 Dei verbo fidē adhibem⁹, & quia pollici-
 tatio-

tatione illius excitati quæ pœnitentibus
misericordiam appromisit, vbi aliquan-
do impegimus ad eum confestim re-
currimus: certa spe innitentes delicta no-
stra abolita & expuncta iri? Laboramus
nos quietem postea nobis pollicentes,
seminamus vt metamus, & fortunas de-
nique nostras in pauperes erogamus eas
vt aliquando non modio aut trimodio,
sed integro horreo mensas recipiamus.
Et quanta aliam amabo ob causam eximij
illi ac illustres Dei athletæ & pugiles Ma-
chabei ne latum quidem vnguem à Diui-
na lege discedere volentes, linguas suas
exsecandas, manusque præcidendas car-
nificibus obtulerunt, nisi quod sciebant
millefariam recepturos se in altera esse
quod in hac mortali vita hilari & æquo
animo pro Diuinarum legum propug-
natione impendissent? At quomodo nos
spes illa in tantum pascere & recreare po-
test, nisi quod promissioni Diuinæ inni-
tatur, quæ sui amatoribus æternum bra-
uium & immarcessibilem coronam spo-
spondit? Quomodo autem charitate et-
iam & amore in Deum ferri possumus,
nisi antea ei credamus? qui enim amatu-
rus id es quod nunquam cognouisti? co-
gnitio autem ista vnde quæso sperabitur
nisi

nisi à fide; Postquam ergo Deum clementem, misericordem, & beneficum esse cognouerimus, tum vero eum amare incipimus, hocque ita amorè æstuantibus difficillima cæteroqui exanthlare & deuorare non dubitamus. Et sicut non amanti nihil non asperum, durum, & molestum esse videtur, ita is qui amat nullā plane difficultatem sentire potest & experiri. Quis immania illa saxa & lapidum detonantes imbres D. Stephano adeo dulces & iucundos fecit? charitas. Quis S. Laurentium in craticula affatum prunarum æstum, ardorem ignis, inclementiā carnificum incredibili constantia & magnanimitate contemnere & exhibilare iussit? Charitas. Quis in belles & teneras virgines tormenta ridere, carnificibus insultare, Regna & diademata contemnere, & omnem huius sæculi pompam ac fastum aspernari docuit? Nunquid charitas, & Iesu Christi amor quo inebriatæ suppliciorum immanitatem vili faciebant, exquisitissimorum tormentorum crudelitatem contemnebant, & iam veluti omnis sensus expertes de victoribus suis triumphabant? Quis autem adeo emotæ mentis fateri se velit amorem vt istum à fide aliquando destitui

tui arbitretur: quæ sicut D Ioannes docet
 victoria illa est, quæ mundum superat &
 per inuisibilibus rerum cognitionem il-
 lud homini elargitur, fluxa ut ista cõtem-
 nere & pro nihilo habere occipiat? Ma-
 neat proinde fidem omnis boni scaturi-
 ginem ac fundamentum esse; hac animũ
 excitari, peccatorem de præteritis dolere,
 & bona opera accumulare incipere. Et pa-
 ter hoc in filio prodigo, qui nunquam
 ad patrem redire constitisset, nisi ante
 firmam spem in gratiam se rursus receptũ
 iri in animo suo concepisset; attraxit er-
 go illũ fides, reduxit fides, restituit fides,
 quemadmodum etiã Mariã Magdalená:
 cui quam bene Christus dixerit, *Fides tua*
te saluam fecit, ex ijs quæ hætenus à nobis
 allata sunt, neminẽ deinceps fugere aut
 latere potest. Cum autem adiungit, *Vade*
in pace, quid aliud significare vult, quam
 eos nunquam studiorum suorum pæni-
 tendos fructus facere, qui ab omni stre-
 pitu, murmure, & tumultu quam longif-
 sime absunt: cumq; demũ bonũ Theo-
 ricum & speculatorem futurum esse, qui
 loca solitaria & à clamore arbitrisque
 remota ad commodius studijs inuigilan-
 dũ sibi delegerit. Ait ergo Dominus no-
 ster *Vade* videlicet de virtute in virtutem
 de

de bono in bonum, & de perfectione in perfectionem. Reuertere cum tribus Regibus alia via quam hactenus vſa es in terram tuam & in Regionem viuentium. *Vade in pace* & Deus tecum vadet. *Vade in pace* quæ non niſi ab amore Diuino pro manat; quemadmodum Pfalmiſta id cõfirmat cum ait: *Pax multa diligentibus legem tuam.* Verum & ille in pace ambulat qui viam crucis dominicæ incedit, per quam omnia quæ in cælo & in terra ſunt pacificata fuerunt. & ambulauit hanc viam B. Magdalena quæ Magiſtro ſuo aſtabat quando crucis patibulo conſigebatur. Hæc crux in monte Caluariæ, iuxta hortũ & extra ciuitatem eſt. Hanc quotquot ſtudioſi diligenter conſiderant: contemplantes bonitatem Domini noſtri qui pro nobis adeo ignominioſam mortem pati non dubitauit, ij vberriſimos ſtudioſũ ſuorum fructus aliquando relaturi ſunt. Ad hunc enim modum S. Andreas Apoſtolus in cruce verba faciens & S. Petrus in eadem Deo ſpiritum reddens ſpacio horarum paucularum feliciffimos profeſtus cor ſecuti ſunt. Quos vt nobis etiam facere liceat Dei gratia aſſiduo imploranda inuocandaque eſt.

ALTERA PARS
DE ARTE MEMORATIVA
*& felicitate ingenij quo Magda-
lena polluit.*

CAPVT XX.

AVthor est Quintilianus in Institu-
tionibus Oratorijs Studiosorum
perfectionem in fideli memoria cōsiste-
re, vt audita facile apprehendat & ap-
prehensa diutissime retineat: quippe cum
thesaurus illa quidam sit & omnes inge-
nij fortunas ac supellectilem complecta-
tur. Quid enim profuerit multa collegis-
se, si momento temporis delituant & di-
labantur? Quid iuuat ex profundo puteo
scientiæ aquā improbo labore hauisse si
cuius excipitur? Hæc ergo Magdalena
nostra minime ignorans eo omnes in-
genij ac memoriæ suæ vires contulit, se-
mel vt quæ in schola Christi audiuiſſet,
eorum nunquam obliuisceretur. Porro
si quæras quænam Ars illa Memoratiua
fuerit à qua Magdalena nostra commē-
datur, facile id ex D. Thoma intelligi pos-
se existimo, qui part. 2. qu. 49. arb. 1. so-
lut. primi arg. quatuor modos rerū quas
volueris reminiscendi persequitur. & ve-
ro etiam ex Quintiliani libro vndecimo
insti-

Institutionum oratoriarum facile cognoscere licere opinor. Nos itaque breuissimis hic potius quam copiose rationem habentes, duas tantummodo ad Artem Memoratiuam vias ostendemus. Prima est, vt qui rei cuiuspiam reminisci & recordari vult, omnes suas cogitationes ad eam conferat, hanc vnā cogitet, hanc ob oculos habeat, in hac & circa hanc cōtinuo occupetur: quo. n. pertinacius eam insecutus fueris, hoc firmitus tibi eam imprimi necesse postea est & adhærere. Hinc Ciceroni in sua Rhetorica vna optime sollicitudo rerum imaginatarum figuras retinere & conseruare videtur. Altera est, vt identidem animo & cogitatione circa id versetur, quod semper recordari, quodque æternum memoriæ nostræ insculpi desideramus. Hinc enim Aristoteles in lib. 20. de Memoria ait, crebras ac frequētes meditationes memoriam conseruare: quippe cum consuetudo altera quasi natura sit, quæque continuo in intellectu nobis versantur, ea postea ordine naturali ad memoriam remissa velut stylo ferreo in chalybeam tabulam incidantur. Est ergo, secundum Quintilianum, hæc vera & vnica ars memoratiua, multa vt scias & intelligas aliaborare, & quotidie

quæ legisti in memoriae tabulas referre, & veluti bos comesta ruminat ita audita semel vel visa secum ipse repetere. Patet hoc in ijs qui circa vesperam memoriae aliquid commendauerunt, si enim confestim cubitum se conferant, tum vero animi ille cibus auidius comestus sub noctem concoquitur, & illucescente iterum die semel tantum ac iterum repetitus firmissime hæret & velut in succum ac sanguinem nostrum conuertitur. Et utebatur ante hac memoratiua B. MAGDALENA, quæ omnes suas cogitationes, mentem & animum eas ad lectiones quas à Magistro suo IESU didicerat conferens, modo ipsamet de ijs sermonem instituebat, modo alios super illis discentes summa cum attentione audiebat. Itaque cum nonnulli scientiæ aquas cribro hauriant, sicque incassum semet laborantes conficiant, MAGDALENA illas cordis sui vase per amorem DEI integro ac solido excipiebat ac retinebat. Quisquis enim amat, huic aliquid è memoriam excidere aut effluere mihi crede difficillimum, fere dixissem impossibile, esse videtur. Cæterum ego hanc ex Euangelio

his coniecturam facio, Magdalenam
 Magistri & præceptoris sui IESV le-
 ctiones Mortem, inquam, Passionem, &
 Crucem memoriæ suæ multo quam
 firmissime insculpisse. Ideo enim terram
 in monte Caluarie Seruatoris Nostri
 sanguine respersam collegit, & postea
 Marfiliam detulit, quæ in hodiernum
 usque diem à la Bausme ostensa specta-
 tionibus velut bullire & feruere videtur.
 Verum ex Euāgelistis adstructuri MAG-
 DALENAM CHRISTI Crucem
 memoriæ suæ profundissimæ incidisse,
 præsupponimus Seruatorem Nostrum
 sæpenumero priusquam moreretur super
 morte sua sermonem instituisse &
 quomodo à sceleratis capiendus om-
 niaque secum Cruci affixus tracturus
 esset, identidem suis exposuisse. Hæc
 ergo cum MAGDALENA nequa-
 quam surda aure excepisset, ante ip-
 sius mortem vnguenti alabastro effu-
 so funeralem & sepulcralem eius vn-
 ctionem præuenit. Quod quidem fa-
 ctū adeo Domino Nostro placuit, vt pro-
 pter id toto passim orbe laudatam &
 de prædicatam eam iri prædiceret.
 Et quoniam nos ex Euangelica isthac
 Hi;

Historia non leuia sed plausibilia sane
 pręgnantiq; argumenta eruimus, qui-
 bus Magdalena Artis Memoratiuę egre-
 gie docta fuisse ostendatur. L. bet vt à S.
 Matth. ca. 26. ea recensetur, in præscitia-
 rum loco huic annectere. Cum esset Iesus
 in Bethania, ait, in domo Simonis leprosi, ac-
 cessit ad eum mulier habens alabastrum vn-
 guenti pretiosi, & effudit super caput recum-
 bentis. Videntes autem discipuli indignati sunt
 dicentes: vt quid perditio hæc? potuit enim
 istud venundari: multo & dari pauperibus.
 Sciens autem Iesus ait illis. Quid molesti estis
 huic mulieri? opus bonum operata est in me.
 Nam semper pauperes habebitis vobiscum: me
 autem nō semper habebitis. Mittens enim hæc
 vnguentum hoc in corpus meum: ad sepeliendū
 me fecit. Amen dico vobis, vbicunque prædi-
 catum fuerit hoc Euangelium in toto mundo
 dicetur & quod hæc fecit in memoriam eius.
 Ex quibus ego verbis sicut ex vngue leo-
 nem solemus, ita memoriam Magdalene
 metior, quippe quę continuo mortis &
 Passionis M. g. str. sui memor, potius vn-
 guento illam suo pręuenire voluit quam
 sequi. Et quoniam Historia ista latentia
 pucherit: aq; nysteria continet, ea nos
 in præsentī hoc capite breuibus tantum
 ibimus explicatum. Quisquis enim in
 priq;

principio factum hoc Magdalene leuiter tantum & perfunctorie inspexerit, huic reuera prodiga & parum etiam à Domino sufficiens et purgata excusataque fuisse videbitur. Nos autem enucleatius rem totam examinaturi: & propius aliquanto contemplaturi, ante cōcedi nobis volumus Magdalenam optime erga Magistrum suum affectam fuisse, & idcirco opus pulcherrimum optimumque in eo vngendo fecisse. Nam de fide illius (vt hoc primum sit) quis dubite? Credidit illa Dominum Nostrium Messiam esse, quemadmodum eius soror Martha confessa fuit, cui in fide inferior esse non potuit, quippe que meliorem quam illa partem elegit. Neque vero etiam de eo dubitauit peccata remittendi vim ac potestatem illi esse, à quo paulo ante dici sibi audiuerat: Dimissa tibi sunt peccata tua. Fides tua te saluauit. Porro præter hanc Fidem admirabili etiam amore Magistrum suum prosequabatur, quemadmodum postea videbimus, & sicut ipsemet Christus ad Phariseum dicens declarauit: *Dimissa ei sunt peccata multa quia dilexit multum.* Ex hac autem copiosa & ardenti Magdalene dilectione quid amabo aliud colligi ac perspicere potest, quam facere eam non potuisse

L potuisse

potuisse quin officia humanitatis, gratitudinis, & religionis exerceret. Ad humanitatis enim officium quod attinet, quam preclare sodes Magdalena illud adimpleuit? Etenim cum usu receptum foret peregre aduenientibus aut inuitatis vnctiōem offerre, ipsaque adeo Magdalena sciens quemadmodum Simon Pharisaeus quod Christo domū suā ingrediētī id non praestitisset fuerit reprehensus, cōuenire iudicauit maxime vt Domino cēnatio etiam non nisi maximi pretij vnguentum adhiberetur. Secundo omnes grati animi numeros opere isto impleuit, conata videlicet illi par rependere à quo à morte peccatorum ad spiritualem vitam resuscitata, & è loco in quo Diaboli Sabbara sua colebant: Spiritus sanctus templum fuerat effecta. Tertio etiam Religionis opus designauit, dum videlicet vero Christo & Messiae conuenientissimum honorem adhibuit. Ex quibus denique omnibus quidam abo aliud cōsequitur quam Magdalenam optimum factum fecisse, & à Christo excusatam fuisse, velut plus laudandam quam res prahendēdam. Etenim cū Dominus Noster ait: *Quod habuit hoc fecit*, quid aliud dicere vult quam, Hoc vnguentum discipula

cupulæ meæ nequaquam satis dignum
& pretiosum operi huic est: verum si
melius aut pretiosius habuisset, illud
mihi credite similiter impendisset: dum
ergo vobis nimium fecisse videtur, ego
eam quod plura non facit excuso.

Quod autem ad pauperes attinet, in quos
pretium vnguenti huius erogari potius
conuenire arbitramini, eos vos nun-
quam non vobiscum habebitis, me
autem non semper quantum quidem
ad præsentiam corporalem. Non quo-
libet momento, non continuo, non
singulis horis pauperibus dare tenemi-
ni, nisi cum necessitas vrget & cogit.
Iam autem mihi potius subueniendum
est, qui breui post discedam & mo-
riar: pauperes autem semper vobis-
cum habebitis. Quamuis autem su-
per vnctione illa & ipsa MAGDA-
LENÆ intentione admodum diuer-
sæ & discrepantes sententiæ sint, nobis
tamen admodum placet illud statere:
bonum videlicet istud opus MAGDA-
LENAM Passionis memoria excita-
tam fecisse, quam sicut cordi suo pe-
nitens impresserat atque insculperat;
ita facere non potuit quin viuenti.

L a adhuc.

adhuc sepulturæ illud officium præstiterat quod mortuo & exanimi postea erat præstitura. O mors, quam erat amara memoria tua Mariæ Magdalenæ! quam tu illi tenellū pectus & cor vulneraui! quam tu illam sæpe dolore mæroreque confecisti, cum cogitaret crudelissimam M. gistrum suum mortem esse oppetiturum! Neque vero minus utilis & salutaris illi erat assidua illa super Medici sui morte cogitatio: quemadmodum omnibus etiam Christianis multo quam saluberrima illa est, quippe ad quam ipsemet Dominus nos inuitat Ieremiæ 3. dicens: *Recordare paupertatis meæ, transgressionis & scellus* Et S. Paulus Hebræorum 12. quemlibet Christianum inuitat dicens: *Recogitate eum qui talem sustinuit à peccatoribus aduersus semetipsum cōtradictionem, ut non fatigemini animis vestris deficientes.* Sicur autem in vetere instrumento Israelitis iniunctum fuit ut quotannis Agnum Paschalem in memoriam libertatis ex Aegyptiaca seruitute comederent: ita in nouo instrumento Christus moriturus venerabile altaris Sacramētum instituit, ut quoties nos id iterarem⁹ toties mortis & Passionis eius recordaremur; prout D. Paulus ad Corinthios yndecimo testatur dicens:

dicens: Ego enim accepi à Domino quod &
 tradidi vobis, quoniam Dominus Iesus in qua
 nocte tradebatur, accepit panem: Et gratias a-
 gens fregit & dixit, Accipite & manducate,
 hoc est corpus meum quod pro vobis tradetur,
 hoc facite in meam commemorationem. Simi-
 liter & calicem postquam cenauit dicens, Hic
 calix nouum testamētum est in meo sanguine,
 hoc facite, quotiescunque biberitis in meam
 commemorationem. Quotiescunq, enim man-
 ducabitis panem hunc & calicem bibetis: mor-
 tem Domini annuntiabitis donec veniat. Ha-
 ius ergo in memoria n digressa etia
 fuit B Magd. lena, quando in morte Cor-
 pus Domini Nostri reuerenter accipiens,
 Threnorum illud 3. dixit: Memoria memor
 ero & tabescet in me anima mea, recogitans
 videlicet Passionem Domini mei. Hæc
 denique memoria, sicut D. Thomas ca. 2.
 Opusculi de Sacramento Altaris docet,
 ad tria potissimum conducit. Primo ad
 inflammandum corda nostra erga amo-
 rem Dei qui tanta pro nobis pati & tole-
 rare non dubitauit. Secundò ad abstinē-
 dum nos à peccatis, quippe pro quibus
 tam immania Dei filius passus fuit. Ter-
 tiò ad præparandum nos ad extremū iu-
 dicij diē, dū videlicet intelligimus Chri-
 stum adhuc in Cruce pendentem alterū

latronum saluauisse alterum autem condemnauisse. Et de memoria illa quam nobis super morte sua Seruator Noster reliquit pulcre plane Psalmista ait : *Memoriam fecit mirabilium suorum misericors & miserator Dominus ; escam dedit timen- tibus se. Escam inquam & Angelorum panem quem nobis in mnemosynon reliquit donec ipse in extremo iudicij die facie ad faciem copiam faciet se cõtem- plandi.*

DE AMORE QVO MAGISTER

*Iesus Discipulam suam Magda-
lenam complecteba-
tur.*

CAPVT XXI.

ET si qui supersaffluentem DEI erga creaturas charitatem & inexhaustos diuinarum miserationum thesauros perscrutati nituntur, parum ab ijs distare uideantur qui debili & imbecilli oculo solis claritatem intueri, & directo uiu splẽdorem illius contemplari conantur : quippe cum supernarum illarum in Deo diuinarum abyssi humano intellectui in per-

in perferutabiles plane sint: Tamen sicut ex radijs summa montium iuga ferientibus solis Splendorem & claritatem aliquo saltem modo metiri possumus ac aestimare: ita ex Sanctorum Sanctarumque actionibus immensæ illius bonitatis charitatisque diuinæ facilem admodum cōiectura n̄ facere nobis licet: quippe quos ille antea peccat & obnoxios gratia sua sanctificauit & intima sibi familiaritate deuinxit. Præcipue autem DEI nostri misericordia in B. Magdalena eluxit, quam Magister IESVS enixè plane diligebat & admirabili prorsus amore complectebatur, sicut ex Ioannis 12. liquet: *Diligebat Iesus Martham & sororem Mariam & Lazarum.* Itane verò? Quod nobis penitus ignotum esse Scriptura ait, id Euangelista ergo scire potuit, Mariam videlicet à Christo fuisse adamatam? Omnino: Nam quotidiana experientia ita se rem habere satis superque intelligebat, præterquam quod ipse Magister Christus liquido & aperte id antea indicauisset, multa ei debita remissa esse professus, quod omnino fieri non potuisset nisi plus alijs illam adamauiisset. Videbat adhuc Euangelista quouis loco & tempore Iesum Magistrum

eam excusare consueuiffe; vt cum Simon
cōtra illam vt peccatricem murmuraret,
ipsa que etiam eius soror Martha cōmo-
neretur quod solam se inferuire & mini-
strare permetteret, ipsa autem istiusmodi
nihil attentaret; denique cum Iudas effu-
sum vogueum & prodigam Christi vn-
ctionem argueret & accularet. Quamuis
autem non pauca argumenta Euangeli-
stæ nobis suppetant, quibus amor Iesu
Christi erga hanc discipulam Magdale-
nam liquido argui possit & demonstrari,
vt quod illi omnium primo à Resurrectio-
ne sua apparuerit: illud tamen iōstet om-
nium est quod ex filia perditionis Spon-
sam Dei & Hæredem regni cælestis effe-
cit, quodque impurum concupiscentiæ
vas in auream phialam commutauit. De
hac dilectione scripturâ ait: *Iacob dilexi,
Esau autem odio habui.* Vt enim homines
non nisi eos qui gratia pollent diligunt:
ita è contra Deus quos ab æterno præde-
stinauit per immensam suam bonitatem
ex massa perditionis effictos in vasa dile-
ctionis commutat; quemadmodum B.
Mariæ Magdalenæ contigit, de qua sicut
hactenus sermonem instituimus, ita po-
stea eundem ad ipsius vsque operis fi-
nem ibimus continuatum. Et scribit de
huc

hoc amore & dilectione diuina S Paulus cap. 8. ad Romanos dicens: *Quis accusabit aduersus electos Dei? Deus qui iustificat quis est qui condemnet? Christus Iesus qui mortuus est imo qui & resurrexit, qui est ad dexteram Dei, qui etiam interpellat pro nobis.* O mare & abyssum charitatis diuinæ in electis Dei elucentem! Quis deinceps quærere ausit, Deus ne nos diligit? postquam Filium suum vnigenitum pro nobis laque- næ obtulit, qui iam nunc in cælo consti- tutus apud eundem aduocatus noster & Patronus est? Quis deinceps timeat vt mare siccetur atque deficiat? siquidem nobis id etiam fugientibus, tergum no- strum persequitur & ad se rapere nititur trahereque conatur? Hinc enim D. Pau- lus cap. 8. ad Romanos disertis verbis ait: *Quis ergo nos separabit à Charitate Christi? tribulatio? an angustia? an fames? an nuditas? an periculum? an persecutio? an gladius? Cer- tus enim sum quia neque mors, neque vita, ne- que angeli, neque principatus, neque virtutes, neque instantia, neque futura, neque fortitudo, neque altitudo, neque profundum, neque crea- tura alia poterit nos separare à Charitate Dei, quæ est in Christo Iesu Domino nostro.* Itaque etsi hactenus non pauci in Amoris triu- phis describendis se occuparint, nullus

tamen excellentiorem illustrioremque ei titulum excogitare poterit, quam si dicat ipsi Deo illum imperitare & vinculis suis eum colligare. O Divina charitas quantum tuum imperiū, quanta vis, quanta potestas est? Et si in Deum tantum tibi licet quantum obsecro in homines tibi licebit? Ferrum in Cruce Christum tenere non potuisset, & tenuit amor. Hoc enim ille vinculo innexus è cælo in terrā tractus fuit illie ut peccatores & peccatrices congregatas in cælum transferret: cum his ille conuersabatur, cum his edebat, cum his manducabit, quemadmodum id illi Scribæ ac Pharisei exprobrabant dicentes: *Hic peccatores recipit, & manducat cum illis.* Quibus ille respondit: *Quis ex vobis homo qui habet centum oves? & si perderit vnā ex illis nonne dimittit nonaginta nouem in deserto & vadit ad illam que perierat &c.* Vbi similitudine ab oue & drachma amissa, & postea etiam à filio prodigo petitiua manifeste satis ostendit, quanti salutem nostram fecerit, propter quam ex ipso cælo descendere non dubitauit, prout D. Ioannes, cap. 3. attestatur dicens: *Sic Deus d. lexit mundum ut si ium suum v-nigenitum daret, ut omnis qui credit in eum non pereat, sed habeat vitam æternam.* Dilexit,

xit, inquit; sed quis? *Deus* quem ergo? *Mundum*. O bonitatem diuinam! ô iudicia Dei occulta! ô abyſſum! Tu mundum hunc ſordidiſſimum, & omnia potius quam mundum, tu terram & puluerem, tu vermiculos terræ diligere amareque potes? At quomodo dilexit? prius quam nos illum: neque hoc tantum, ſed etiam filium ſuum vnicum pro nobis dedit, vt omnes qui in eum credunt vitam haberent & morte non plecterentur. Vnde pulchre S. Ioannes cap. 4. ait: *In hoc apparuit Charitas Dei in nobis, quoniam ſi ium ſuum vnigenitum miſit Deum in mundum vt viuamus per eum. In hoc eſt charitas quaſi nos dilexerimus Deum, ſed quoniam ipſe prior dilexit nos, & miſit ſi ium ſuum pro pitiationem pro peccatis noſtris.* Vnde intelligis Amorem iſtum adeo magnum immenſumque eſſe, ipſe vt D. Ioannes cum nobis manifeſtaturus, in loco allegato *DEVM* Amorem Charitatemque appellet; ex quo etiam illud conſequitur quia *CHARITAS* eſt neminem eum cognoscere poſſe niſi amore præuio & dilectione Magiſtra.

Cumque etiam *CHARITAS* ſalutis noſtræ humanæ principium
 L 6 & origo

origo sit, nã ille insig viter sceleratus in-
gratusque erit, qui salutis suæ authorem,
caput, & principium nō a nabi? Deum si
in se ipso spectes sapientiam. Potentiamq;
esse dices, si autē erga nos, Charitatem &
Dilectionem Cæterum cum illud omni-
bus à natura insitum sit amores vt suos
constantes esse velint, cur amabo Deum
non diligimus, à cuius cum amore dis-
cesserimus, cætera omnia instar aquæ
preterfluunt & dilabuntur? Agnouit hoc
Magdalena, & aquis carnalium deliciarū
immersam iam iam suffocandam esse in-
telligens Iesum Christum vitæ arborem
apprehendit, firmisque illā amoris strin-
gendo amplexibus præsentī periculo e-
luctata saluataq; fuit. At dicat mihi hoc
loco aliquis, si Deus tantopere nos dili-
git, cur itenditem nobis minatur, & mo-
do per Prophetas modo per Euangelistas
infernī tormenta nobis intentat, vt cum
ait: *Nisi penitentiam egeritis omnes simul pe-
ribitis?* Rideo ego & plausibilis argumē-
tum vix reperiri posse dico quo Dei, erga
nos amor adstruatur. Quid enim ille a-
liud minis istis spectat, quorsum commi-
nationes illæ tendunt, nisi vt nos à Re-
gia viā aberrantes velut angelus ille Baal
in rectum rationis gyrū compellant
atq;

atque reducant? Quid autem pœna illa quam nobis intentat, aliud est quam potentissimum frenum à male agendi instituto nos reuocans & exorbitantes coercens? Et si Deus nos non amaret potius in pericula quæ vobis prædicit ruere incidereque nos pateretur. Cædit ergo nos virga sua vt inferni patibulū euadamus, digito elato nobis minatur vt pacem illum poscimus, & supplices Diuinę bonitati aduoluti æternam damnationem, & tormenta euadamus. Vnde etiam præclare intelligimus quantum Dei amor à mundi huius amore differat: qui primo quidem dulcedinē quandam & iucunditatem præ se fert, postea autē felle & absynthio amarior est: Contra autem Dei amor principia aliquantum molesta & finem facillimum iucundissimumq; habet: Quemadmodum id nos præclare admodum Euangelica illa similitudo docet: *omnis homo primum vinum bonum ponit, & cum inebriati fuerint, tunc id quod deterius est, tunc autem seruasti vinum bonum vsque adhuc.* Reuera enim quilibet voluptuarius bonum delectationis carnalis vinum Diabolo mentem fascinante, degustat: vbi autem peccato iam inebriatus fuerit, tam idem vinum quod antea

exhilararat, affligere illum incipit & cruciare; sicque quod in principio vinum videbatur sub finem fæx tantum fuisse cõperitur. E contra Christus conuiuiis suis acidum & austerum difficultatis & molestiæ vinum propinat, vt sanctis cogitationibus & inspirationibus in effectum deductis generosum consolationis vinum maiore cõauiditate exhauriant. Et sicut primo illo in nuptijs patrato miraculo discipuli in Iesum credere inceperunt: ita peccatores post longas afflictiones sancti spiritus cõsolationem sentientes, tunc prius bonitati & M. sericordiæ Diuinae. Vnde apostolus Psalmista ait: *Gustate & videte quoniam suavis est Dominus*. Vbi nota quod dicit *Gustate*, ac deinde subiicit *Videte*: experientia Gustus Diuini & dulcedo amoris qui in Deo erga creaturas est cognitionem illius generat, vt qualis sit nos fugere latereque non possit. Hoc enim cæleste illud & absconditum manna est, quod nemo scit nisi qui id ante degustauit: Hoc Ionathæ illud mel est, quo degustato oculi mentis nostræ confestim aperiuntur. Vnde præclare Prou. 31 de forti illa muliere Magdalena videlicet dicitur: *Gustauit & vidit quia bona est negotiatio eius*: Experta est bonitatē mercatoris

catoris Iesu qui pro vnica cordis cōpuratione innumera peccatorum debita dimittit, & peccatoribus mēte & animo pariter turbatis conscientiae tranquillitatē & spiritus consolationē infundit. Obseruemus adhuc quod Psalmista ait. *Gustate, nō bibite, non quantum vultis haurite: quidquid enim nos in presenti hac vita de bonitate & dilectione Dei percipim⁹ id modicū & exiguū prorsus est. Quā vero bene Maria Magdalena generosissimum illud Diuinæ misericordiæ vinum degustauit, cū ad nihil aliud quā ad Iesū afficeretur, nihilq; aliud cogitare & cōtēplari posset, quam quomodo ex perditā & flagitiosa muliere Dei intrinseca & sponsa fuerit effecta. De hac ergo sapientiæ illud intellegi potest: *hanc amari & exquisitus sponsam nō hīs asumere, & amator factus sum formæ illius.* Vbi nota quod sponsus ille animarū nostrarū adeo tenere spōsas suas diligit, nullū vt aliū nisi propter sui amorē ab ijs velit amari: hinc. n. ipsemet in Euāgelio ait: *Diliges Dominū Deum tuū ex toto corde tuo ex tota anima tua. & ex omnibus virib⁹ tuis.* In quo quantum adulter Diabolus à vero animarum nostrarum sponso differat cognitu omnino facillimum est: Diabolus enim ille qui per avaritiam*

nos

nostendat, facile concedit alteri vt Dia-
 bo lo carnis concupiscentias suggerenti
 adhæreamus: adeo vt nō indignetur, etsi
 integra dæmonum legio vnicam animā
 ingrediatur. Quos Dominus noster à
 Magdalena depellens, vni sibi illam co-
 pulauit, & postea tempore crucifixionis
 suæ contra mortem, Diabolum, peccatū,
 & infernum depugnans indiuiduam co-
 mitem habuit & spectatricem; quemad-
 modum id Euangelista Matthæus Cap.
 17. indicat, cum ait; *Erant autem ibi mulie-
 res multe à longe, quæ secutæ fuerant Iesum
 à Galilea ministrantes ei, inter quas erat
 Maria Magdalena.* Itaque cum reliquæ fere
 mulieres maritos suos in bella proficif-
 centes non comitentur, Sed domi desi-
 dentes cum eiulatu reduces præstolen-
 tur: Magdalena spōso suo in monte cal-
 uariæ ex crucis curru triumphali adesse
 voluit, & in Regio suo thalamo & pul-
 uino spinea animam exhalantem vide-
 re: & sicut conueniens est sponsam spō-
 si, sui insignia usurpare, ita Magdalena
 vulnera & passionem Iesu Christi sponsi
 sui in corde suo lachrymis depictam ex
 monte Caluariæ deferre constituit. O
 dulcissime Iesu & fidelis animarum no-
 strarum sponse, imprime cordi meo in-
 signia

signia passionis tuæ : Tu enim Domine nos amauisti qui amoris quædam abissus es : Tu homo fieri uoluisti ut ego Deus efficerer : Tu te humiliasti & deprefisti, ut nos eueheres & exaltares : Tu ad nos descendisti, ut è contra nos ad te ascenderemus : Denique tu omni Patre, omni Matre, ac omni consanguineo tenerius impensiusq; nos diligis. O Iesu fac ut amor tuus cor meum ingrediatur : mane mecum sine fine qui finis meus es & unicum meum bonum quod prestolor. Amor tuus O bone Iesu fons vitæ est, de cuius aqua nisi anima mea biberit uiuere existereq; non potest : Tu ergo Domine qui fons amoris es per firmam charitatis & dilectionis adhæSIONem me iuxta te constituens gratiæ tuæ aquis imple & pota. Sentio ego quidem peccatorum sarcina oppressus, longe me adhuc à fonte illo abesse, tu igitur clementiæ & pietatis tui oculis benigne me intueri, & ad aquas dilectionis tuæ deductum largiter inebria, ut continuo in tuo seruitio persistam, & gratiam à te mihi semel impetitam nunquam amittam.

Amen.

DE RECIPROCO AMORE

*quo Discipula Magdalena Magi-
strum suum Iesum comple-
tebatur.*

CAPVT XXII.

Ostensuri in presenti capite amorem illum quo Magdalena reproce Magistrum suum Iesum compecebatur, nihil opus est vt ex Euangelistis argumēta exsculpamus, quippe cū ipsius præceptoris testimonium instar omnium sit quod ille in domo Simonis Pharisei super mēsa multis presentibus clavis & disertis verbis proutiuit dicens: *Remissa sunt ei peccata multa quoniam dilexit multum.* Cuius nos dicti vt aliquanto, pleniorē cognitionē habeamus, sciendum imprimis est, Magdalenam cū Christū accederet odio & desiderio pariter flagrauisse odio iustitiæ, & desiderio pietatis. Vt enim infirmus aliquis medicū suū conueniēs, simul & morbi quem detestatur odium, & sanitatis quam optat desiderium & cupiditatē adfert: Ita Magdalena veri sui Medici opē implorans peccatū detestabatur & vitæ correctionis sanctimoniam diligebat. Duplex autē ille in ea affectus vehemen-

hementissimū amorē quo erga sp̄s. suū
 suū flagrabat, demonstrat, quippe quæ
 id quod illi placeret desiderabat, & quod
 ille auersaretur ex animo detestari inci-
 piebat. Vnde in dicta illius penitētia qua-
 tuor admodū sunt quæ immensū eius
 pariter dolorem & amorem arguant. Pri-
 mum est festinatio: simulac enim inaudi-
 uisset Christum in domo Simonis men-
 se accubuisse non cunctata est, nec sicut
 multi qui bona sua proposita ad calēdas
 græcas differunt procrastinauit, sed con-
 festim domo exiijt, in viam se dedit &
 causam suam corā celesti mediatore ora-
 uit. Secundum amoris in Magdalena sig-
 num verecundia & rubor est, qui satis
 superque illius dolorem & penitentiam
 declarauit: quippe cum à natura nobis
 insitum sit, vnicuique ijs quos amamus a-
 liquando confusi erubescamus. Quis au-
 tem dubitare potest quin Magdalena
 pudore & rubore pariter affecta fuerit,
 qui sciat eam in conspectu multorum
 hominum à quibus secundum D. Gre-
 gorium digitis monstrabatur, peccata
 sua lachrymis deplorauisse? vel qui sciat
 eam retro post Iesū pedes sedisse, quippe
 quam spiritualis suæ nuditatis pude-
 ret, & quæ probe intelligeret animam
 suam

suam à peccato omnibus virtutum orná-
mētis exutam esse & spoliatā? vel qui de-
nique sciat eam non Christo affedisse vel
accubuisse, sed veluti indignam ad pe-
des se illius humillime abiecisse? Quod
utinam peccatores nōnulli observarent,
qui simulac leuem aliquam in se contri-
tionem persenserunt, cum Iesu Rege suo
bibere volunt & manducare, id est con-
festim spirituales consolationes, & dulce-
dinem quandam internam, nullamque
prorsus tentationem & spiritus afflictio-
nem habere volunt: non absimiles nobili
alicui aulico, qui vix in gratiam Regis sui
receptus Regie vestiri, tractari, haberi que
desideraret. Tertium doloris & amoris,
in Magdalena signū lachrymarū ille im-
ber est, qui ex oculis eius defluens Magi-
stri Iesus pedes vbertim irrigabat: & non
tantum à dolore peccatorum sed Domi-
ni etiam amore proficiscebatur, quippe
cum Magdalena peccatricem se agnos-
cens præter lachrymas & ploratus quæ
peccatorum dona sunt Regi suo offerre
nihil posset. Quartum amoris & dilectio-
nis in Magdalena indicium fuit, quod om-
nibus membris quibus se Dominum no-
strum offendere potuisset existimabat,
eidem satisfacit: quippe cum manifestius

constare non possit, quempiam alicuius
amicitiam expetere eiq; reconciliari vel-
le quam si cum accedat pro omnibus ip-
si offensis & iniurijs satisfacturus. Ita er-
go Magdalena fecisse existimanda est,
quæ corpus, animam, & bona omnia op-
timi Domini seruitio addixit atque deuo-
uit: dum videlicet corde suspirat, corpus
inclinat, Magistri pedibus aduoluitur, &
preciosissimo vnguento illum perfundit.
O perfectam amasiam Mariam Magda-
lenam, O verum prouerbium quod ait,
opificium quod semel didicimus nun-
quam obliuiscimur. Probat hoc bonus
ille fur & latro cum Christo in cruce mo-
riens, qui per totam vitam furandi artem
cum exercuisset eam nō intermittere po-
tuit, & Regnum cæleste cuius ne minimā
quidem portionem propter multiplicia
peccata possessurus erat, cum manibus
& piceatis digitis non posset, rancida
voce & egro suspirio fuit furatus. Probat
hoc Maria Magdalena quæ cum semel
Christum amare didicisset, facere non
potuit quin eum vsque ad caluariæ mon-
tem prosequeretur, & iuxta crucem mo-
rienti expirantique assisteret, iamque et-
iam mortuum & exanimem inungere
vellet; quemadmodum id S. Marcus
cap. 16,

cap. 16. exponit dicens. *Et cum transisset Sabbathum Maria Magdalene & Maria Iacobi & Salome, emerunt aromata ut venientes ungerent Iesum &c.* Ex qua deinde historia facile omnino intelligere est, quam acer & vehemens amor fuerit quo Magdalena & reliquæ illius comites Christum prosequerentur. Primo enim etsi iam antea Iosepho ab Arimathia Christum unctum fuisse non ignoraret, Christo tamen necdum satis esse factum arbitratur quia ab alio non autem à se unctio illa facta esset. Secundo amoris violentia ex eo apparet, quod cadauer à tribus iam diebus exanime non horret, imo potius eius contactu, intuitu, & unctio-
ne recreatur. Tertio dum nihil sollicitum cum comitibus suis est quomodo Christum accedat, & per armatorum vigili-
um globum se penetret. Ibat ergo illa cum comitibus, solum Iesum cogitabat, ad ista animū non referebat, omnia possi-
bilia & nihil impossibile sibi existima-
bat. O vim amoris incredibilem! O dilectionem Mariæ Magdalene admirabilem! quæ magistrum suum IESVM in vita, in morte, post mortem, Cominus & e minus, in aduersitate & prosperitate enixe & indefinenter dilexit. Vixerat il-
la pri-

la primum pedes Domini nostri quando peccatorum remissionem impetrauit: Vixerat eiusdem caput in domo Simonis leprosi, unde non cœnaculum tantū, sed vniuersa etiam domus odore perfusa fuit: Et ecce iam nunc etiam à morte illum vngere desiderat, Omnibus nobis exemplum paria faciendi relinquens. Cum enim prima vinctio contritionis, secunda deuotionis & tertia denique compassionis fuerit: Vltima hæc in primis nobis imitanda exprimendaque est; Etsi enim cum Magdalena Dominum nostrum & illius corpus vngere nō possumus, nihilominus tamen id illius membris quæ pauperes sunt præstare possumus: effundendo super illos oleum Misericordiæ & compassionis, erogando in illos fortunas nostras, nostra copia illorum necessitati subueniendo, & pro inimicis mortuis DEVM deprecando.

Porro amor ille Magdalenæ erga CHRISTVM adeo vehemens fuit, vt ex eo tempore quò illum in cruce expirare vidit, cōtinuè languerit & in hoc languore omnem Gustum & saporem perdidit: dum videlicet aliud non cogita-

re po-

re potest quam Deum de nullo loqui nisi de Deo, dum propter amorem non bibere; & propter dilectionem non valeret manducare, dum omnem saporem & gustum perdidit, dum amara dulcia, & dulcia amara esse arbitratur: dum oblatione rerum spiritualium adeo languet ac exhaustitur, ut non erecta incedere sed ex humilitate inclinata & depressa lumi & circa Crucem reperere tantum cogatur: quæque hactenus ad choreas velox fuerat iam præ amoris languore vix incedere, vix pedem ponere potest. Signa autem languidi illius amoris in Magdalena ut multa sunt, ita pauca tantum in presentiarum expromemus. Primo enim quotquot acri istiusmodi & vehementi amore percussi sunt, ij continuo secum ipsi discurrunt; multa suspensi cogitant, & pauca admodum loquuntur: imo ipsa illa quæ edicunt, maxime si amorem suum concernant, ita truncatis & mutilatis verbis constant, ægre ut audienti sensus dicentis alluceat. Hanc autem defectivam ut imperfectam animæ amantis locutionem Salomon Cantic. 2. repræsentat, ubi Sponsa ait: *Dilectus meus mihi, & ego illi.* In qua sententia quid tu amabo dicere potes, nisi verba quædam adieceris, & in

alce-

COLLEGII SAPIENT. 265

altero eius membro nonnulla subintelle-
 xeris? *Dilectus meus* mihi placet, & ego illi
 placeo; mihi similis est & ego illi similis
 sum: Si pulchritudinem, potentiam, nobi-
 litatem, & fidelitatem quæris: ea in vtro-
 que nostrum sunt, in illo per naturam,
 in me autem per gratiam. Rursus *Dile-*
ctus meus Iesus merces & præmium tribu-
 lationum mearum mihi est, propter quod
 illas sustineo: & ego pariter illi omnium
 eorum finis sum quæ ipsæ pertulit ac to-
 leravit. *Dilectus meus* propter mei amorē
 ut me ceu sponsam lucrificaret atq; redi-
 meret, plurima passus fuit: & ego vicissim
 sponsum meum sequendo & amorem il-
 lius demeritura quidlibet libenter pro eo
 perpetior. Denique *Dilectus meus* in hoc
 mundo vivere voluit, ut mihi inserviret,
 concionari ut me doceret, & tandem et-
 iam mori ut me salvaret. Itaque & ego vi-
 ni illi servitura, obeditura, & ancillatura
 viam: cum hoc moriar & in illo expira-
 bo; quemadmodum id Apostolus tangit
 dicens: *Sive vivimus domino vivimus sive*
morimur Domino morimur sive ergo vivimus
sive morimur Domini sumus. Denique pro
 ultima syncopata illius sententiæ expli-
 catione illud ad iecere possumus, *Dilectus*
meus laborum meorum respiratio est co-
 M gita-

gitationem obiectum, voluptatum & deliciarum Zeugma, & idem ego etiam illi sum; securdum illud Prouerb. 8. *Delicie mee sunt esse cum filiis hominum.* PORRO eadem plane verborū syncope & detruncatio in Magdalena nostra reperitur, dū ait: *Domine si tu sustulisti eum, dicito mihi ubi posuisti eum:* & ego eum tollam: non exprimens eum nomine de quo loquitur, sed cogitandum conijciendū relinquens. Nec solæcum omnino hoc loquēdi genus est, ô anima mea, neq; quidquā opus longis sententijs & periodis amori suo ac sponso Iesu quæ volumus explicare: intelligit ille linguam amārium, & Laconycam istam eorum breuitatem non ignorat: intelligit mutilata verba, intelligit synopen, intelligit Eccipses; perscrutatur corda edicentis dictorumque intentionem contemplatur. Et ideo sæpe peccatorem aliquem exaudivit priusquam ille orationem suam absoluerit. Alterum languoris in Magdalena amante indicū quod Magistri sui pedibus aduoluta flaccere incipit atque macrescere, dum enim per ærē & vehementem nimis cordis applicationē spiritus multiplicatur, inter nā quandā corporis desiccatio ē subsoqui necesse est. Et ita in amore diuino eue-

nit à quo anima exhauritur, & omnibus carnalibus humoribus euacuatur; quem admodū id venuste admodum Exodi 14. præfiguratur, vbi Deus vehemētū & calidū quo Jā vērō mare rubrū d. siccauit. Et enim quid mare illud rubrū aliud est quā carnis voluptas & delectatio? quæ ideo etiam apposite mare appellatur, quia quid quid phantastice dulcedinis in carne nobis imaginari possumus, id deniq; totum amaritudine, molestia & dolore terminatur; ipse autē ille maris rubor quid significat nisi q̃ carnis illa vitia in sāguinis estu & ebullitione ne cōsistūt? Per vērū calidū, vrentē, vehementē, omniaq; d. siccatem, quid aliud intelligi potest, quā Dei amor & dilectio? Hinc. n. de Apostolis cū spiritu S. qui amor est perfunderentur, scriptura ait: *Factus est repēte de celo sonus tanquā aduenientis spiritus vehementis.* Et quid aliud significat ventū validū, calidū, ac vehementem mare rubrū arfecisse, nisi quod amor Dei omnem carnalitatem ab illis aufert, qui semel tantum à cælesti illa charitate fuerint afflati? Hoc ergo cum Diabolus sciat nihil æque quam amoris illam desiccationem pertimescit: quippe qui secundum D. Iob. cap. 4. in locis humidis dormit, & secundū scripturā

quæ ait cum per arida incedentem quietem non inuenire. Et sicur (Iosue 5.) Reges Chanaanorum admodum turbati fuerint audientes in introitu & aduentu Israelitarum flumi exaruisse: Ita Diabolus videns ventum Diuini amoris carnalitatem animarum exsiccauiffe, to taliter confunditur consistereque non potest. Tu ergo ô Domine Deus qui in discipulam tuam Magdalenam sancti tui amoris vento sufflauisti, in me pariter amoris tui scintillas effunde, eæ vt omnes carnis humorem depascatur, & inimicis meis terribilem formidolosamque efficiant. Expertus namque ego sum Diabolum in aquis voluptatum & libidinum victitantem instar piscis in arido extingui: & sicut Tobia ille piscis qui in aqua illum deuorare conabatur, in ripam protractus cum laedere nõ potuit, ita Sathan ex carnalibus nostris delicijs extractus animæ nostræ nocere non potest.

*QVOMODO MAGDALENA
librum de arte amandi com-
posuerit?*

CAPVT XXIII.

CVm Christus verus Magister & seruator noster nullam post se manu scriptum

scriptum relinquere constituisset, voluit doctrinam suam per quatuor amanuenses id est Evangelistas ad sempiternam posteritatis memoriam & Ecclesiæ suæ incolumitatem transmitti. Imò ipsemet potius liber noster esse voluit, ex quo bene & Christiane viuendi præcepta petere-
mus, quemadmodum in frontispicio libri nostri fusiùs à me memini declarauit esse. In hoc libro cum imposito digito sicut pueri solent, D. Thomas resurrectionis Dominicæ veritatem didicisset, eandem postea confessus inquit Dominus meus & Deus meus, agnosco ego te, & verum hominem ac Deum verum esse cōfiteor. Cæterum eadem ratione Magdalena Christi discipula, ex se amandi librum fecit, non carnalem illum qualem Ouidius scripsit, sed Diuinum & spiritua-
lem qualem ipsi spiritus S. dictauit. Porro si Alexander ille Macedo Homerî Græci Poetæ Iliada Preciosissimo illo & famoso inter Darij spolia reperto scrinio claudi voluit & asseruari: quanto Magdalena ille liber quem de amandi arte composuit dignior est, qui non dico in aureo aliquo scrinio sed in deuotorū cordiū capsulis & archiuis custodiat? Nam si etiam illud quæras vade nobis

constet Magdalenā opus istiusmodi concinnauisse, dico id ex scriptura sacra satis superque liquere, quam quisquis attenti⁹ legcrit, mentior nisi confestim admirabilem discipulæ huius Charitatem suspiciet & dilectionem commendabit. Age itaq; & ipsius Euangelistæ D. Ioannis testimonium & historiam audi: Maria autē stabat, inquit ille, ad monumentum foris plorans. Dum ergo fletet, inclinauit se & prospexit in monumentum: & vidit duos angelos in albis, sedentes, vnum ad caput & vnam ad pedes, vbi positum erat corpus Iesu. Dicunt ei illi, mulier, quid ploras? dicit eis, quia tulerunt Dominū meū: & nescio vbi posuerunt eū, Hæc eū dixisset, conuersa est retrorsum, & vidit Iesum stantem: & non sciebat quia Iesus est. dicit ei IESVS, mulier, quid ploras? quem queris illa existimās quia hortulanus esset, dicit ei Domine si tu tulisti Dominum meum: & ego enim tollam dicit ei. IESVS, MARIA, conuersa illa dicit ei, Rabboni (quod dicitur Magister) dicit ei IESVS, noli me tangere (nondum enim ascendi ad patrem meum.) vade autem ad fratres meos & dic eis, ascendo ad patrem meū & patrem vestrū, Deum meum & Deum vestrum. venit Maria Magdalene annuntians discipulis, quia vidit Dominū, & hæc dixit mibi Habes hactenus

Euange;

Euangelistæ verba, nunc ijs etiam nostram explicationem adiungamus. *Maria stabat ad monumentum plorans*: Maria inquam dilectionis incendio ardens, charitate inflammata, desiderio sponsi sui æstuans, & à sepulchro ne latum quidem vnguem discedens: Cumq; hoc pacto de illius morte certa super vita adhuc fluctaret & dubitaret, amor eam sepulchro affixit, dolor autem ad lachrymandum plorandumque induxit. Astabat ergo monumento in amore firma atque immobilis, & nihilominus in fide vacillans; stabat extra sepulchrum & simul extra confidentiam: Vnde cum modo in hanc modo in illam partem oculos cōijceret, sperans se alicubi Dominū suum visurā, cū sub noctem ablatū esse inter gemitus & plorat⁹ suspicabatur. Desseuerat antea mortē illius, nunc autem eiusdem absentiam ita grauitè fert omnem vā consolationem respuat & auersetur. Irrogauerat antea pedes Magistri, nūc autem terrā & monumentum. O benedicta Maria Magdalena, quis tibi obsecro suator & author fuit, sola vt apud sepulchrū remaneres ab eūribus inde Apostolis? an nō times vt illi? An aliquid scis quod isti ignorant? Opinor certe: Neque enim tu quicquam

quam aliud scire potuisti quam amorē,
 quem qui sciuerit quid obsecro is aut ti-
 mere potest aut ignorare? Reuera sicuti
 flosculus aliquis in amenissimo viridario
 excrefcens, si incidentis pluuię guttis gra-
 uetur, confestim caulem inclinat, folia
 demittit, & mærenti similis terram de-
 spicit: Ita Magdalena amoris lachrymis
 grauata non dico oppressa in horto hu-
 mum despicit, caput dimittit & spōsi sui
 sepulchrum intuetur; è quo duo angeli
 prospectantes ita illam affati sunt: *Mulier
 quid ploras? Itane vero? Tu consolationē
 istam Maria Magdalena non agnoscis?
 Vnum quæsitura exiueras, & ecce duos
 inuenis? quærebas mortuum & par viu-
 rum reperis? & tamen adhuc ploras, ad-
 huc eiules, adhuc lamentaris? & quam a-
 mabo ob causam nisi quia Domino tuo
 potiri nō potes? ergo ille lachrymis tuis
 non commouetur, quem admodum tunc
 commotis fuit quando triduo iā sepulchrum
 Lazarum ad vitam reuocaui? O bone &
 misericors Iesu quid ab illo tēpore Mag-
 dalena magnopere facere potuit, cur mō-
 do indigna sit quæ à te exaudiatur? certe
 ab ea hora qua peccatorum illi veniam
 impertiuisti, nihil leuiter, nihil licenter,
 nihil flagitiose illam fecisse legimus: Ni-
 si forte*

si forte tunc te offendit quādo in passio-
 ne & sepultura tibi adfuit, quando ante
 lucana ad monumētum cucurrit, & quā-
 do precioso te suo vnguento perfudit?
 Aut si hæc bene, imo optime facta sunt,
 cur ergo eam non exaudis? Itane vero?
 Nouimus te in scriptura te quærentibus
 promississe, quod frustra quæsituri non
 sint, & quod mane ad te inueniendum
 consurgentes te reperient: & iam nihil-
 ominus, cum Magdalena te quærit non
 inueniris? Recordare o verax magister
 quod illi dixeris: *Maria optimam partem*
elegit quæ non auferetur ab ea: Quod si ver-
 est cur te illi subtrahis & illius oculis te
 suffuraris? ob hoc enim illa plorat ob
 hoc lamentatur. Quid faceret hoc loco
 Magdalena? terram aspexit, caput incli-
 nat, & angelos sibi dicentes audit: *Mulier*
quid ploras? Indica nobis quid te cruciet,
 aperi quid te molestat, & quid dolore te
 conficiat nobis reuela: Nec dubita quin
 magister tibi tuus monstrabitur. Hæc etsi
 Magdalena audiret pariterq; intellige-
 ret, nequaquam tamen lachrymas suas
 interrupit, sed omnem consolationem
 auersata secum ipsa dixit. Omnes conso-
 latores mei molesti mihi sunt: creatorem
 quæro, & ideo creaturas auersor: non

angelos sed illorum Dominum desidero: propter hunc toties me inclino & in sepulchrum despicio; isti autem potius perplexam me tenent quam ut animos mihi addant. Quid agimus Magdalena? quid multa querimus quid multa lamentamur? Magister tuum quæris, at illum non inuenis. Surgam & circumibo, non dabo oculis meis somnum, non pedibus requiem, non palpebris dormitationem donec eum inueniam quæ diligit anima mea. Quæsiui eum in monumento & non inueni; compellaui in sepulchro, & non respondit mihi. Quid hoc est O salus animæ meæ, ita videlicet deferi, ita derelinqui? Quo me vertam? ubique dolor, ubique luctus ubique lachrymæ. Si apud sepulchrum maneo, dilectum meum non inuenio: si inde discedo, ubi eum quæsitura sim ignoro: de loco decedere mortem existimo: manere, immedicabilem dolorem interpretor. Præstat ergo iuxta sepulchrum lamentari: etenim si inde discessero, aut dilectus meus longius auferetur, aut monumentum in partes comminuetur. Non cedam ergo, sed ad sepulchrum dilecti mei mortua in illius loco deponar. Vti nam quidem id fieret; maiorem felicitatem nec optare possum nec desiderare.

Q. me

O me fatuam! cum dilectum meum sepeliri viderem, cur nō apud sepulchrum remansi, & auferre eum molientes depulsi? Nimirum dum sabathi legem seruare volo, legis magistrum amitto. Quis ergo mihi nunc ostendat quem desidero, quē amo, quem vnice concupisco? Quis mihi pascua illius ostendet? quis amasio meo annuntiabit, quia amore langueo & dolore confitio? Reuertere amice reuertere, & afflētam me præsentiæ tuæ salute exhilara. Ne confundas me spes mea, ostende mihi iterum faciem tuam, & acquiesco. HAEC Magdalena quiritante, Christus à tergo illi astitit: quem etsi ipsa intueretur, agnoscere tamen non potuit. Itane verò? Abraham, Iacob, & alij antiqui Patres felices se existimarunt, cum angelos videre poterant: quos hoc loco Magdalena dum videlicet dorsum illis obuertit, vili facere videtur. At ignoscamus hoc illi, fecerit sane: amoris culpa est qui istiusmodi non curat, & qui tantus in Magdalena fuit mortuum v. dilectum suum quam angelos viuentes videre maluerit. Habet hoc amor proprium sibi, non vt quæ meliora sed quæ sibi graviora videntur accipiat. Quia autem anima non nisi DEI vi-

sione reficitur, ideo ille offerre se ei
 voluit & demonstrare. Vbi notandum
 in primis fuerit, quod D. Chrysost. refert,
 Christum videlicet Magdalenæ cum an-
 gelis verba faciendi apparuisse; quibus de-
 bitam Reuerentiam regi suo exhibentibus
 Maria confestim retrospexit & magistrum
 se suum visuram esse existimauit: Cum
 ecce eum non agnoscit & sub forma hor-
 tulani sibi astantem ne quicquam intue-
 tur; Nec immerito adeo enim visus illius
 dispersus & disgregatus erat vnam vt ali-
 quam in rem defigere illum non posset.
 At ecce Iesus eam compellat dicens: *Mu-
 lier quid ploras? Quem queris?* O dulcis Iesu
 vnicum & perfectum desiderium cordis
 illius, quid opus est quærere, cur ploret &
 quem quærat? quis te vno melius id no-
 uit? Viderat illa te paucos ante dies in
 crucem suffigi, viderat te morte affici, iam
 autem & mortuo se spoliari videt; & scis-
 citaris nihilominus quem quærat? An
 ergo te fugit quod te vnice diligit, & pro
 tu amore omnia auersatur? Verum videamus
 quid Maria finitio suo hortulano
 respondeat. *Domine, situi tuiisti Dominum
 meum: & ego eum tollam.* Quis hæc audiens
 non admiretur non obstupefeat? O do-
 lorem & amorem ineffabilem! Astat
 bene-

benedicta nostra Magdalena iustitiæ so-
 li, sed quia tristis in nube circumfusa est,
 agnoscere illum non potest. An ergo ri-
 dicula Maria es? Quomodo cum quæris
 quem non agnoscis? Astat ille tibi, & tu
 hortulanum eum esse arbitraris? Cur au-
 tem eum non agnoscis? quia videlicet mor-
 tuum illū quæris qui viuit: & ob hanc et-
 iam causam se tibi offerre differt, quia a-
 lium quæris quam in se est. Et nota nihil
 ominus in hoc loco quod hominem ut
 videbatur & agrestem ciuilitate, & pera-
 manter, compellat dicens: *Domine mi si tu
 tulisti Dominum meum.* Verum quis ille
 Dominus? cur eum non nominat? quia
 videlicet cuilibet eum notum esse debere
 arbitratur, quem ipsa diligit: Et vero quia
 amor Laconico loquendi genere & syn-
 copatis ac mutilatis verbis vritur. Itaque
 si etiam hoc loco scisciteris, cur ex Chri-
 sto interroget ubi Magister suus sit, cum
 id antea ex angelis non interrogaret: Re-
 spondeo, eam simulac vocem domini sui
 audiuit dulcedinem simul quandam &
 gratiam sermonis percepisse; & ideo ait:
*Domine si tu tulisti Dominum meum: & ego
 illum tolam.* At ecce denuo hoc loco Ma-
 ria deciperis, ex quo enim interrogas, ip-
 se ille est qui corpus Diuina sua virtute

resuscitatum ex sepulchro abstulit atque abduxit. Verū quonā quæso pacto corpus tu illud ablatura es? an ergo te fugit quam procerum sit, & quā omnia cadauera graua esse soleant & ponderosa? an etiam ignoras Iosephum ab Arimathia sine Pilati venia & consensu è cruce illud deponere ausum nō fuisse? quid ergo est quod tantopere te animat? Et quid facies, si in Domo Cayphæ, Pilati, aut Herodis custodiatur? *Tollam eum, Tollam eum.* O mirabilem mulieris audaciam! ô mulierē corpore non animo: imo nec iam corpore quæ corpus adeo ponderosum corpore se suo portaturam pollicetur! Quo autem Dominū tuum iam ablatum deferre, vbi eum depones? Ignoras scio, nec super hoc quicquā adhuc cogitasti Et pergit Euangelium: *Dicit ei Iesus, Maria, conuersa illa dicit ei Magister.* O amoris impatientiā & admirabilem iucunditatem! vix Iesus verbum protulerat, vix Maria dixerat, cū sermonem ei interruptit & saluantem resalutat. Verū nec si contenta nec quod Iesum vidisset, audiuiisset, compellauisset acquiescens, contingere eum nititur & osculari. Cui Iesus dicit: *No. i me tangerē nondum enim ascendi ad patrem meum. Vade autem ad fratres meos & dic eis ascendo ad Patrem:*

*Patrem meum & patrem vestrum Deum meum
& Deum vestrum.* Porro qui omnia hæc
quæ hætenus de Maria Magdalena in
mediū exprompsimus pensiculatorius exa-
minarit, mentior nisi confestim ille artē
eam amandi exercuisse & nobis pari-
ter conscribere voluisse affirmabit. Cum
autem tota illa ars ex pluribus omnino
partibus constet, nos aliquot tantum cō-
tenti erimus in præsentiarum assignauis-
se. Et prima omnium ingemitu, lachrymis,
eiularu, & suspirijs quantum licet expri-
mendis versatur; Ita vt cum Psalmista
dicere possis: *Fuerunt mihi lachrymæ meæ
panes die ac nocte, dum dicitur mihi quoti-
die, ubi est Deus tuus?* Fieri enim omni-
no non potest quin confestim DEI sui
præsentia ille perfruatur, qui plorandi il-
lud & lachrymandi exercitium conti-
nuarit.

SECUNDA artis amandi pars
est seipsum continuo humiliare: modes-
tia namque & animi submissione non
DEVS tantum, sed ipsi etiam homines
deuinciuntur. Quarta & potissima artis
huius pars hæc est, vt quantum ama-
ri vis tantum ipse ames: Quemad-
modum id MAGDALENA fecit, quæ
Domini

Dominum nostrum in vita, in morte, & post mortem constantissime semper dilexit. Quarta pars & amandi Methodus in eo consistit, eum ut locum sæpius frequentes ubi amorem te tuum inuenire posse existimas. Quemadmodum enim nihil facilius est quam cum eo familiaritatem contrahere in cuius domo sæpius conuersaris: Ita qui Ecclesiam domum Dei frequenter visitarit & in ea admiranda Diuini numinis opera contemplatus fuerit, facillime in Dei sui amicitiam se insinuat. Quintum artis amandi requisitum est, ab amore non cessare donec quod amas indispiscare. Habes ergo iam nunc quinque generalia Diuini amoris capita: & sicut amor carnalis incipit, augetur, & confirmatur per rei quam amamus aspectum, per lenocinia, blanditias, amplexus & oscula carnalia: Ita nos mundanitatem in mortalitatem & vitium in virtutem commutantes dicimus Diuinum amorem ex Iesu per fidem intuitu generari, augeri, & confirmari. Nam qui omnino cor aliquod dulcissimam illius faciem contemplans non vulneretur, ita ut continuo cum sponso suo in paradiso conuersari desideret? Et qualis quæso sponsus tuus erat O benedicta Magdalena, quem quoties intuita fuisti

ta fuisti toties præ gaudio exultauisti. Dilectus meus, inquit illa, candidus est & rubicundus quia his duobus coloribus omnis pulchritudo constat: est ergo candidus per innocentiam, est rubicundus sanguine quem effudit. Hac pulchritudine Ethnici & Gentiles attracti, & ad Philippum venientes dicebāt: *Domine volumus Iesum videre*; quia videlicet bonus & pulcher est, quia liberalis in dando, affabilis in loquendo & promptus in adiuuando. Alter amoris fons est mutuus sermo & crebra amantium inter se conuersatio: quæ quia Diuæ Magdalenæ cum Christo frequē. issima fuit, ideo incredibili illius semper amore æstuauit; & ad hūc modum deuota anima cui Deus per scripturas & doctrinas Evangelicas loquitur, modo orationibus, modo cōfessione, modo interno cordis affectu & gratiarum actione cum Sponso suo dilecto conuersatur. Tercium quo amor alitur & cōfirmatur amplexus & oscula Iesuæ sponsæ sunt, quibus quantum amor utrimque augeatur incredibile dictu est. Amplectitur autem anima Iesum suum duobus brachijs obedientiæ & patientiæ: bonum proximo suo faciens & pro malo malum non repensit. Cum ergo aduersi-

tates & tribulationes anima sustinens quod eas pro sponsi sui honore pati digna fuerit lætatur: tum vero brachijs patientiæ sponsum suum stringit & amplexatur. Cum se Diuinæ voluntati totaliter cōformat, omnia illi grata faciens & aduersa omittens, tum vero obedientiæ vlnis dilectum suum sponsum complectitur cum Psalmista dicens: *Tenuisti Domine manum dexteram meam & in voluntate tua deduxisti me.* Quātum amoris incrementum à sponsæ osculis proficiscitur: vnde D. Bernardus ait: toties anima Deū spōsum suum osculatur, quoties in illius amore compunctionem aliquam experitur: tunc autem in Dei amore compunctionem habere dicitur, quando iam tum per contritionem, confessionem, & pænitentiae satisfactionem expurgata, ac Diuinæ dulcedinis Gustum aliquem sentiens ad omnia nauseat, quæ amoris suo agnata non sunt, sicque continuo in corde suo exclamat: O dilecte Iesu osculare me osculo oris tui. Heu quādo ad me venies? Ecquando vel pedes mihi tuos cum Maria Magdalena osculari licebit. Nec immerito Deuota anima osculum illud adeo expetit atque efflagitat: quippe cum nemo nesciat ardentissimi illud amoris signum

COLLEGII SAPIENT. 253

signum esse & dilectionis. Post hoc autem amoris complementum sequitur, hic desiderandum & illic obtinendum. Age ergo & tu dilecta soror exerce te in amore Domini nostri IESV CHRISTI, hunc assidue cogita, huius modo candorem in transfiguratione, modo ruborem in passione considera: hunc in concionibus & verbo Dei tibi loquentem audi; cum hoc per continuas preces, sancta desideria, & deuotas meditationes sermocinate. Amplectere crucem illius, cui affixus sponfam suam amplectatur brachia sua expandit: exosculare saltem in humilitate cum Magdalena pedes illius: Hoc quæ ita faciens amorem tuum in cælesti paradiso certo certius iri crede. Tunc enim spirituale illud inter Deum & animam matrimonium iucundissime adimplebitur.

QVOMODA MARIA MAG-
dalena librum de remedio
amoris composue-
rit.

CAPVT XXIIII.

CVM celebris ille Latinorum Poeta
P Ouidius Naso de Arte amandi li-
brum conscripssisset, eoque non paucorū
adulescentum bene nata ingenia ad im-
probas libidines & voluptates abieci-
set; coactas fuit alium qui de remedio
amoris est in eorundem gratiam & boni
publici causa euulgare; in cuius initio
ait:

*Ad mea decepti iuuenes præcepta venite,
Quos suus ex omni parte fessit amor.
Discite sanari per quem didicistis amare:
Vna manus vobis vnus opemq; feret.*

HVnc autem cum Maria Magdale-
na imitata cum plurium adulescē-
tum, Sanos & incorruptos mores impro-
bo vitæ suæ instituto perdidisset, ac pas-
sim amores exercendi suo exemplo præ-
cepta & librum diuulgauisset, peccatum
illud

illud expiatura ex se ipsa librum de remedio amoris fecit, quemadmodum ante conuersionem de arte amandi lasciuis & procacibus ingenijs liber facta erat. Vt autem quæ in charta aut pergameno posteritati commendantur, succesu temporis à tineis, muribus, & situ denique ipso ac vetustate deuorantur: Ita quæ nobis virtutum exempla benedicta nostra Magdalena reliquit, omnia istiusmodi sunt bene vt De ijs Ouidianum illud dici possit:

*Iamque opus exegi quod nec Iouis ira neo
ignes,
Nec poterit ferrum, nec edax abolere vetustas.*

ET adde quod nihil facilius est quam hominem per exempla in rectæ virtutis gyrum cōpellere, nihil laboriosius quam eundem verbis in officio velle cōtinere; quippe cum id ipsa natura, deinde ars, ac tertio deniq; Scriptura confirmet. Et primo quidem quod ad naturę operationes attinet; sicut ex lupo lupo, ex canis, & ex homine homo generatur: Ita ex bonis verbis mala, & ex illustribus actionibus sordidæ ac illiberales vt proficiant.

ciscantur, ex eorum ad nodum numero est quæ fieri non possunt. Confirmat id secundo ais humana: quam si Magister aliquis discipulum suum docere contendat, is reuera non verba sed prototypa & demonstrationes oculares adhibebit. Confirmat id tertio Scriptura ipsa quæ Christum Rectorem & Doctorem nostrum, cum artem se saluandi apud nos profiteri incepisset, ante fecisse quam docuisse refert: *Capit Iesus facere & docere.* Quem postea suum Magistrum diligens & minime deses discipula Magdalena imitata librum nobis bene viuendi belle profecto illum exemplarem conscripsit: qui quod certa capita de amoris remedijs habet, ideo nos ei eundem titulum non inepte apposuisse nobis videmur. Primum remedium est, vt sicut à locis pestiferis quilibet quâ longissime abesse annitur, Ita amorem velut capitalem quandâ lue remis quod auit & velis fugere cõtendamus, & quantum fieri potest fieri à fæminis, & fæminæ à viris abstineamus. Vt n. morbi quidam sunt quos non nisi aëris mutatione aut rei alicuius ad quâ eger afficitur subtractione curantur: ita vt amor carnali medearis, aërē mutare, loco cedere, occasiones sibi met amputare, omniaque

niaq; ea ab oculis remouere par est, quomū intuitu mens improbas cupiditates cōcipit & nutrit. Etenim cū cætera fere vitia omnia fortiter pugnando & cōfligendo superentur, vnicū luxuriæ & veneriæ voluptatis cedendo tantū vincitur & fugiēdo. Demonstrauit id nobis Patriarcha Ioseph qui ab adultera Putipharis coniuge ad nefariū facinus expetitus ab ea profugit, pallio suo quē adultera apprahēderat illic relicto: existimabat. n̄ p̄stare vestē q̄ animā, & manicā quā brachiū amittere. Vnde præclare D. Hieron. ea in Epistola qua Vigilatio Hæretico respondet, causamq; assignat, cur mūdi trās fuga in eremū me dēlas solitudines set cōiecerit, dicens: Cur, inquires, pergis ad eremū? videlicet, vt te nō audiā, non videā, vt tuo futuro nō mouear, vt tua bella non patiar, ne me capiat oculis meretricis: ne forma pulcherrima ad illicitos ducat amplexus: Respōdebis: hoc nō est pugnare, sed fugere: sta in acie, aduersarijs armatus obliste: vt postquā viceris, coroneris. Fateor imbecillitatē meā. nolo spe pugnare victorie, ne perdā aliquā victoriā. si fugero, gladiū deuitaui: si stetero, aut vincendū mihi est, aut cadendum, Quid autem necesse est, certa demittere, & incerta sectari?

aut

aut scuto aut pedibus mors vitanda est. Tu, qui pugnas, & superari potes, & vincere. Ego cum fugero non vinco in eo, quod fugio: sed ideo fugio, ne vincat. Nulla securitas est vicino serpente dormire. potest fieri, vt me non mordeat: tamen potest fieri, vt aliquando me mordeat; Notum enim est Poetæ illud:

*Frigidus, ô pueri fugite hinc, latet anguis
in herba.*

VTe batur ergo hac arte Magdalena quæ ne fallacibus mundi delicijs inescaretur, patriam suam deseruit, in Galliam transmigravit, in cavernis & locis solitarijs vitam egit, & quantum fieri potuit ab hominibus se sequestravit. Vtebatur etiam hac arte S. Ioannes Baptista, qui puer adhuc è domo paterna profugit, & in vastis solitudinibus vitam exegit: Calulit hanc artem Propheta Dauid dicens: *Ecce elongaui fugiens & mansi in solitudine.* Docuit illam populum suum Propheta Ieremias inquiens: *Fugite de medio Babylonis, vt saluet unusquisque animam suam.* Ignorauit denique hanc artem protoplastus Adam, qui simulac cum muliere sua conuersatus fuit peccatum designauit.

Secun-

Secundum contra carnalem amorem remedium est carnem affligere & corpus ieiunijs ac orationibus, quemadmodum Magdalena in deserto faciebat macerare. Reuera enim de concupiscentiæ & sordidissimarum libidinum spiritibus saluatoris illa sententia potest intelligi: *Hoc genus dæmoniorum non eiicitur nisi in oratione & ieiunio*. Vnde etiam intelligimus quā bene Ecclesia nobis velit atq; prospiciat, dum videlicet statis temporibus ieiunia indicit, & vastum illum concupiscentiæ ignem in corporis nostri furno excitatū aqua & piscibus restinguere docet. Et vtebatur non absimili stratagemate Propheta Dauid domesticum suum hostem refrenare volens, quemadmodum id faceret inquit: *Ego autem cum mihi molesti essent induebar cilicio, humiliabam in ieiunio animam meam*. Patet hoc in equis qui sessorem è sella eiicere assueti, si pabulū illis subtrahatur, mansueti subito patientesque euadunt. Patet in canibus quorum latratus non nisi ostenso baculo aut monstratis lapidibus cohibebis. Patet in hostibus quibus si aditum ad victualia recipienda occluseris, ciuitatem confestim dedent, & obsidionem solui rogabant. Sciebat hæc Magdalena nostra quæ simu-

N

lac con-

lac conuersa fuit à Spiritus partibus stetit
 & cum S. Paulo carnem illi subiugauit:
 sciens bestiam quæ damnum fecerat pæ-
 nas etiã dare proq; illo satisfacere oport-
 ere. Tertium & potentissimum contra
 amorem impudicum remedium est, ani-
 mū & cogitationes ab eo quod amas a-
 uersas alteri rei infigere: cum enim mens
 nostra pluribus in locis simul esse non
 possit, debiliore cogitationē fortiori ce-
 dere oportere in cōperto est: quo circa et-
 iā Magdalena cordis sui amorē à mundo
 & delicijs carnalibus abstractum in vno
 Deo & illius charitate defixit: Hunc illa
 noctu & interdiu cogitabat: Hunc vnice
 diligebat: Hunc ex toto animo & intimis
 medullis desiderabat. Reuera nullū elo-
 quentię flumē tantū reperiri potest, quod
 dilectioni quæ in Magdalena erat expo-
 nendæ explicandæq; sufficiat. Quantum
 contra mundañū amorē remediū est in-
 famiam & vanitatem illius cognoscere.
 Quid enim amabo te benedicta Magdale-
 na amore suo sordido & immundo lucrif-
 fecisti: Nihil reuera aliud, quā quod pas-
 sim digitis notata & per totam ciuitatem
 peccatrix appellata fuisti. Quo autē om-
 nes illæ tuæ libidines & voluptates abie-
 runt: inſat fluij præterlapſæ sunt: & in-
 ſat

stat aeris auolauerunt O stolidos aman-
 tes! aperite paulisper oculos vestros, aspi-
 cite sterquilinum vestrum in quo velut
 porci volutamini, cogitate similes vos es-
 se filio illi prodigo qui vniuersam suam
 substantiam cum meretricibus decoxit
 & dilapidauit. O miseros! qui cum vnicā
 tantum animam omnibus gemmis præ-
 ciosiores habeatis, considerate quæso
 an non honestius sit in candidis purita-
 tis & castitatis linteis, in lecto florido &
 tapetibus mundissimis instrato requies-
 cere, quam cum immundis suis in lu-
 to & sordibus volutari? Quid autem vos
 magno opere ijs in libidinibus oblectare
 potest? examine mihi obsecro intruti-
 na voluptatem & molestiam illarum, de-
 præhendetis mihi credite pro vna dele-
 ctatione mille dolores, & pro vno non
 omnino malo die innumeros infortuna-
 tos recipere: Et festum breue vigilias au-
 tem longas esse. Reperietis ante comple-
 mentum carnalitatis vigilandum vobis
 esse, currendum, laborandum, sudan-
 dum: Ipsa autem libidine iam expleta
 naturalem quandam tristitiam & Me-
 lancholiā consequi, quæ per breuis illius
 festi feriæ quædam sunt: adeo videlicet
 omnis ista amantium multitudo delirat

N a vt quod

ut quod nemo sapientum Mercatorum faceret, ipsi facere nihil dubitent: Istiusmodi merces coementes. quas postea se emisse pœniteant. Animaduertit hoc Demosthenes ille & ipsemet etiam remedij loco usurpauit, quâdo famosi illius corti Laydis sordes detestatus ait: *Non tam ergo pœnitere.* Hunc nos in hoc imitantes & remedijs supradictis vtentes cor nostrum ab amore carnali abstrahamus & in Deo defigamus: vt enim frumentum in terra corrumpitur, in granarijs & loco sublimi asseruatur, ita cor nostrum quod in terra computrescit, in cælum eleuatum & in Deum defixum integritatem suam retinet atque conseruat.

DE SPECVLO MARIAE MAG-
dalena omnibus Collegij sapien-
tia studiosis per neces-
sario.

CAPVT XXV.

DE Socrate memoriam accepimus,
cum sepe numero discipulos exhor-
tari solitum fuisse vt in speculis se contem-
plarētur: Quod videlicet existimabar eos
si pul-

COLLEGII SAPIENT. 293

si pulchri essent, animo vt etiam formosi
 fierent elaboraturos, & si deformes, cu-
 raturos vt corporis torpitudinem mentis
 elegantia superarent. Vade & nos operæ
 prærium nobis fecisse videmur, dum sub
 finem opusculi nostri de Magdalene spe-
 culo, aliquid etiam nobis in medium co-
 stituimus esse adferendum. Ne autem
 diutius te suspendam, dico speculum il-
 lud nihil aliud esse quam Iesum sapien-
 tiam patris, qui candor est lucis eterne &
 speculum sine macula: in quo angeli se
 contemplari desiderant, & in quo Mag-
 dalena nostra omnis perfectionis & san-
 ctitatis suspiciebat. Et quoniam speculum
 hoc sine macula est, Ita nos in eo ne uos
 nostros intuemur: lachrymis deinde &
 pænitentia illos deterfuri. Quam si etiam
 peccator in se excitare & contritionis a-
 quam in se reperire non possit, accedat
 mihi confestim ad latus Domini nostri,
 & aqua inde profluente semet lauet ac
 mundet. Postquam autem cum Magda-
 lena in speculo isto cruci affixo se contē-
 platus fuerit, inclinabit confestim caput,
 & mortuorum caluarias passim in calua-
 riæ monte dispersas intusus in mortis
 meditationem digredietur: sicque secun-
 dum Iob visitans speciem suam non pec-
 cabit

cabit & Ecclesiastici illud verissimum esse comprobabit: *In omnibus operibus tuis memorare nouissima tua & in aeternum non peccabis.* Consultum etiam hoc loco fuerit quasi in quodam speculo animę voluptuarię iamiam ẽ corpore ad damnationem proficiscentis miseriam intueri & Epopæiam istiusmodi excogitare. Ergone corpus meum derelictura sum: dolore suffocor. O mendaces spes quę me miseriam lactauerunt! O falsę opiniones quę me infelicem deceperunt! O fraudulentũ mundum cui quod condemnor acceptũ fero! Hoc tuum tributum hoc salariũ est. Ergone Diabolis pręda futura sum? Ergo sensuum vřu destitutor, ergo omnis pulchritudo abcessit, & pręter corpus rigidũ illud & exanime nihil mihi relinquitur! desperata sum, nihil hic medicamenta possunt, & omnis refocillatio & eduliorum oblectatio vana & nequidquam est. lasciuia oculorum meorum, cantilenę oris mei & choreę pedum meorum in amaritudinem conuersa sunt. Valet nunc vos amici, vos diuitię, vos sodales: vale mundus muliebris, suppellex culta & relucens, argentum splendens, ornata domus, & ab alijs decoquenda hęreditas, Vos autem qui cir-

cum me ploratis faciem meam contem-
plamini, amplius mei mentionem non
facite, cadauer putridum sepelite, de ani-
ma nihil solliciti estote, ea enim è vesti-
gio in infernum auolabit. Discedo ergo
improbitalis meæ mercedem acceptu-
ra, & sententiam quæ contra me lata est
in æternum subitura. O tempus clemen-
tiæ quomodo te perdidi! O tempus pæ-
nitentiæ quomodo te dilapidaui! O fal-
lax & perditor mundus qui ad perditio-
nem me rapis, vbi infernus habitatio,
Lucifer collega, & Diabolus carnifex
meus futurus est! Maledicta sit hora in
qua lucem vidi, in qua baptissimum ac-
cepi, in qua spiritum duxi. Hæc nos ani-
mæ condemnatæ suspiria, rugitus, &
lamenta considerantes, facile omnino
à male viuendi instituto deterrebimur.
Qui enim mortem cogitat, per peccatum
illam in mundum introiisse cognoscit.
O cæcos igitur voluptuarios qui hæc non
videtis, speculum istud non adhibetis, &
finem vestrum non respicitis. Tu ve-
ro anima perpende mihi hæc cum be-
nedicta M A G D A L E N A & men-
tis oculis contemplare. Quis te Ob-
secro in hora mortis tuæ comita-
bitur,

bitur, Quem amicum habebit quis tibi auxiliabitur, quis pro te respondebit, quis feuerissimi iudicis tribunali astantem defendet? quando inimici te tui vndequaq; stipabant, millefariam accusabunt, in sempiternos inferni ignes auferent, quando denique ipsa tua conscientia te iusmulabit? nunquid mundus nunquid amicus? nequaquam, omnes enim isti te derelinquent. An ergo corpus cui adeo diligenter inserviisti? nequaquam illud enim in terram defossum vermes depascentur. Heu quantum cohorrereo & tremo quando terribilem illam supremam Iudicis sententiam cogito! Et quantum hoc sit à summo bono ad extremum malum, ab omni felicitate ad quamlibet miseriam, & à patria delectationis ad sempiternam damnationem deuolui. O sententiam terribilem! O iram Dei formidabilem! quis te sustinere, quis te audire poterit? expergiscere miserabilis creatura, arrige aures & horribile sententiæ illius contritus aperit mihi paulisper oculos & sensu illius Iudicij modum ac rationem contemplare. Hoc si tu non audis, hæc si non vides, ipse crede mihi lapidibus cæcior, & cotibus surdior es. Noli mihi ex eorum numero esse o anima mea de quibus proverbium

uerbium illud sonat. Non creditur sanctis nisi miracula faciant. Noli mihi imitari generos Loth, quibus frustra Diuini numinis offensa & punitio annunciabatur: Non imitare mihi mundanos illos quibus Noe generalem illum Cataclismum prædixit. Et si anima mea in tali statu uiueret depræhendis, in quo mori & expirare nolles, cur eum non hodie potius quam cras emendas? certe quod tibi hodie difficile videtur, id cras Aetna tibi grauis esse depræhendes: præterquam quod diploma à Deo nullum accepisti in eternum te esse superuieturam. Certe si hostem ad portas ciuitatis esse sciremus, non balnea & conuiuia instrueremus. At ecce mors capitalis cõter hostis, mille in locis & qualibet hora nos præstolatur, eum interea nos nihil de ea solliciti auis & argentum nostrum aspicimus, & de liberis nostris ad dignitates euehendis cogitamus. Reuera si nobis isthæc cordi essent quatuor ad nodū in speculo de quo loquimur videremus. Primum est mors falce armata & è vestigio è medio nos sublatura: vt sicut auis ex arbore sclopū in se emittendum conspiciens, repente auolat & periculo sese subducit: ita nos mortis arcum in nos directum cõspiciē-

tes, certoque nobis persuadentes feritur illam nos esse, tempestiue de conuersione & pænitentia cognitionem suscipiamus. Hinc enim Psalmista in persona Dei ait: *Nisi conuersi fueritis, gladium suum vibrauit, arcum suum tenuit & parauit illi.* Vbi aduerte gladio morti proximos id est senes & ætate confectos percuti, arcu autem eminus constitutos id est adolescentes qui longissime adhuc è morte sibi abesse videntur de medio tolli. Vnde Ecclesiasticus ait: *Nescit homo finem suum, sed sicut pisces capiuntur hamo, & aues laqueo comprehenduntur sic capiuntur homines in tempore, malo cum eis exemplo supervenerit.* Secundum quod in speculo isto videndum nobis offertur. mors equo insidens & celerissime currens est: quo videlicet sicut peregrini cum nocte instare vident vno quasi spiritu iter suum emetiri & exhaurire cõtendunt, ita nos mortis tenebras & sempiternam caliginem celerrime in nos cõspicientes, in bonis operibus & actionibus caleamus, cum præsertim ætate nostra iam ad umbilicum mortua vix vnicam horam promittere nobis valeamus. Hinc præclare Ecclesiast. cap. 4. ait: *Filius habes benefac tecum, & Deo dignas oblationes offer, memor esto quoniam mors nõ tardat.*

Nō defrauderis à die bono, & particula bonæ diei non te prætereat. Ante obitū operare iustitiā. Et Isidorus lib 3. de summo bono ait, Cum in hoc mundo viuimus vitæ nostram augemus indies an diminuimus? Augeri certe non potest, cum per dimissiones & gradus ætatum ad mortem celerissime decurrat quotidie decrescens & nunquam accrescens. Et siquidē mors aliud nihil est quam vigoris vitalis decrementū ita nō inepte dicere possumus infantiam, iuuentutē, & virilem ætatē nobiscum mori ac sinectutem denique morituram esse: morimur ergo singulis annis, quolibet mense, quouidie, imo quolibet momēto; & nihilo minus ignaui ac desides salutē nostræ indormimus, & de pænitentia agēda vix ac ne vix quidem cogitamus. Vanam tantum mortē Deo debes, & cur eam ita illi non soluis, pariter vt æternam vitam promerearis. Tertia imago quæ in mortis speculo apparet Mors est Leoni insidens: quo videlicet illa cōspecta in iuuentute nostra spes non colloceamus, intelligentes pariter mortem nec fortibus nec inbellibus, nūquā sapientibus nunquam stultis, necdū Cæsaribus & Regibus, necdum denique vlli post homines natos pepercisse.

Mors

*Mors Dominos sceptris & sceptris ligonibus
æquat.
Disimiles simili conditione premit.*

HAEc cum tu videas, cū intelligas,
& quotidie experiaris, quantæ de-
mum dementiæ est, nihil inde flekti ac
commoueri? Certe qui vicinæ domui
flamman iniectam videt, eodem incen-
dio suam absumptam iri non vanus aut
mendax auguratur. Cogita Herculem
cuius vires etsi pares nō haberent abigae
tamen absumptæ sunt: Cogita Iulium
Cæsarem quem experientia rei militaris
coniuratorum pugionibus subducere
non potuit: Cogita Alexandrum Magnū
quem nobilitas & toto terrarū orbe dif-
fusum imperium à toxico liberare non
potuit. Quarta speculi nostri imago mors
etiam est nuda corpus & vnico tantum
linreamine tecta: vt videlicet nobis ostē-
dat ex omnibus fortunæ bonis neminē
plusquam vnum linteum ex hoc mundo
secum auferre. Vnde Psalmista ait: *Ne ti-
mueris cum diues factus, fuerit homo, & eum
multiplicata fuerit gloria eius, quoniam cum
interierit non sumet omnia.* Porro quemad-
modum viator aliquis nihil secum auri
& argenti defert, qui in itinere spoliatum
se iri

seiri prænouit: ita nos, qui in ipso vitæ nostræ itinere à morte non spoliandos nos tantum, sed interficiendos etiam esse scimus pecunijs accumulandis tantopere esse intenti non debemus. Etenim vt in laniena vxor lanionis bestię mactatæ pedem vnum, filius alterum tenet, canes sanguinem lambunt, & amici denique carnem depascuntur: Ita diuite moriente vxor & liberi bona inuadunt, Diabolus animam consequitur, & vermes cadauer absumunt; quemadmodum Ecclesiasticus cap. 10. adstipulatur dicens: *Cum morietur homo hereditabis bestias serpentes & vermes.* Quam ergo humilem & modestam animam illam fieri necesse est, quæ identitem in speculo isto se contempletur! Nam vt secundum Platonem mortis meditatio nihil aliud est quam perfectissima humanæ vitæ sapientia, cuius intuitu mundana illa prudentia breuis quædã dementia est, & in accumulandis diuitijs, aucupandis honoribus, & libidinibus cōsectandis versatur? O admirabilem Philosophiam! O diuinam sapientiam! Certe vt infans aliquis si mortuus aut monstrosus in lucem enascatur, confestim abiicitur & sub terrā defoditur: Ita si nos qui in hoc mūdo velut in materno utero

alibi


alibi id est in cælo victuri efformamur, si in peccatis & portentosis flagitijs morimur, à supremo iudice repellemur & in inferno sepeliemur. Nos itaq; quibus isthæc omnia perspecta & multo ante explorata sunt, à bonis operibus lintheamina mutuemur, quibus si anima nostra inuoluta non sit in supernam illam ciuitatē nō intromitemur. Vigilemus, & Puerperam imitemur quæ priusquam infantem enitatur medicam eā adhibet & salutarem apparatusum vsurpat. Preparemus nobis interulam innocentiae, linthea picta & rubicunda charitatis, & corallum sapientiae. Et quoniam eo tempore Diuinitas nutrix nostra futura est quæ vberibus nos suis nutriet & lactabit, ante ab immundiciæ naturæ, à vetere Adam, ab inclinatione carnis, & à rebellionibus cōtra spiritum probe repurgemur: lauemur lachrymis contritionis infantium instar qui plorando nascuntur: sanctificemur lauacro pœnitentiæ, quæ spiritus sancti Baptismus est; sicque apparatu isto præuiso si pariēdi id est moriendi tempus aduenerit natiuitate sanctorum nascemur: Quōrum mortem Ecclesia idcirco natiuitatem appellat quoniam in ea primum viuere inceperunt.

Memi-

Meminerimus adhæc in mortis partu seu puerperio dolorem quidem nos sentire, puerum autem iam nato omnis miseriæ & cruciatus obliuisci; quemadmodum id in Euangelio Dominus noster docet cū ait: *Mulier cum parit tristitiam habet. cum autem peperit, iam non meminit pressuræ.* Moriamur ergo cum Christo in cruce, vt cū eodem aliquando in cælo viuamus: contemplemur nos modo supradictæ cum Magdalena, vt in Paradiso diuinitatis speculum intueri valeamus, in quo omnia cum perenni gaudio videbantur & cognoscentur. Tu autem deuota anima tot argumentis & rationibus impulsæ finem mihi tuum identidem cogita, intue-
re speculum quod tibi offertur, contem-
ne præsentia quorum vanitatem tibi ex-
hibet, & noli cor tuum sæculi huius bo-
nis apponere sed in solo Deo desige:
cui honor, gloria, laus, & gratiarum
actio per cuncta sæculorum sæ-
cula Amen.


(*)

P I N I S.





Biblioteka Jagiellońska



stdr0023411

